

Wider den fall

chgenäten Ecclesiasten / vñ war
hafftigen Ergreger Martinum
Luter Emser getrawe vñ nawe vorwarnung mit bestendi
ger vorlegung auß bewerter / vñ canonischer schrift



Tetraſticon Emſeri

- Si pro Martino Marium quis dixerit : errat
Nomine : re quadrat : ſeuus vterq; / minax :
- Hoſtis vterq; patrum vehemens : popularis vterq;
Audax / et promptus / ſeditioſus / atrox .

Allen allerdurchleuchtigsten vnd vnüberwin-
dlichisten König vnd Kayser Caro-
lum den funfften

Allerdurchleuchtigster / Großmechtigster / vnd vnüber-
windlichster Kayser Carole / Dir seynach meynem inni-
gen gebeth vnd wunsch Gnad / gluck / vnd heil. Sig vnd
Triumph / von got dem allmechtigen / zu gewaltiger vnd
gluckseliger regierung / der heiligen Christenheyt / vnd alle
deyner Keyserthumb Königreich / lewt vnd landen Amē
Allergnedigster herr vnd Keyser. Nach dem deyner Key-
serlichen Maiestat vorsehen / vñ anherren / Keyser Fri-
derich / vnd Keyser Maximilian / hochseliger gedechtnis (
Wie ich bey ir beider zeyten vñ iugent auff / gehort / gesehē /
vñ erfahren hab.) zu allen gelerten / zuuoran Christlich
gemuets vnd wesens / sonderliche gnad vnd gunst getragē
vnd sie fur ander geliebt vnd gesurdert / Stell ich bey mir in
Keynen zweyfel / dz die selbig hochlobliche tuget / vñ dem /
adelichem blut deyner Eldern sampt dem Keyserthumb
ouch erblich auff dich geflossen sey Derwegen ich geherzi-
get worden dis meyn kleynes buchlin (das ich zu sterck vñ
heiligen Christenlichen warheyt / wider den Erzkere / vñ
vorseher deyner volckes / Martinum Luter / mit hilff des
obersten angefangē vnd (got lob) seliglich volenndt dey-
ner Keiserlichen Maiestat offentlich zu zuschreyben / Vñ
wem wolt es auch billicher zugeeiget werden dān dir / Dem
got das schwert / zu beschutzung der heilige Christenheit /
vnd außrodung aller Ketzerey vnd schismata / von oben her-
ab vorlihen hat auß wolcher vrsach ouch der Erwidige
pister Fulgentius / dem König Trasimundo / vnd der he-
lig Ambrosius dem Keyser Gratiano ire bucher wider die
Kerey zugeschriben haben Derhalben so geruche deyn Key-
serliche Maiestat dises buchlin / nach dem alten sittē Ehe-
gemelter deyner vorsehen / gnediglich von mir anzunhemē.
Wolches ich dir mit wie Virgilius Augusto / vñ einicher
ley genieß willen / Sonder auß pisterlicher pflucht / vñ
mechtlicher obligender not der Christenheyt / zugeschriben

hab. Dann wir Christen/nit mher Christen Sonder papisten
von den Ketzern genent/vnd die hohen gelider deynes
adlers/Churfursten/Erzbischoff/Bischoff/vnd Fursten
des heiligen Keychs die sich der Romischen Kirchen/vñ
deynes gehorsams halten schmelich vorschumpfirt/vor-
acht voruolget vnd auff ein ander vorherzt werdenn. Wie
deyn Keyßerliche Maiestat/dis alles auß gemeltē meynem
Buchlin grundtlich erkunden vñ als ein oberster patron vñ
Schutzherr der heiligē Christenheyt vngeweyuelte gnedig
lich behertzigen/ernstlich straffen/vñ schleyinig abschafftē
wirt/dar mit diser mutwil vnd iamer/nit yhe lennger yhe
tieffer eynreyß.in wolchem der allmechtig/deyner Keyßer-
lichen Maiestat sterck/crafft/vnd macht vorleyhen woll
Der ich mich ouch hiemit vndertheniglich beuelhen thue/
Geben zu Dresden In Meyßner Land am dritten tag Ja-
nuarij Nach Christi vnser liben herren gepurt Tarisset/
funffhundert/vnd im drey vnd zwenzigsten Jaren

Deyner Keyßerlichen
Maiestat.

Vnderthaniger
Caplan

Magister Hierony-
mus Emser
Priester.

Vortred vnd vrsach/was den schreyber zu
diesem buchleyn bewegt hab

Joannes Diuweyl auß vdmogē des heiligen Ewangelion Inurien
vnd Schmach/so dem vater zu gemessen werdenn/Sich
ouch die kinder anmassen/vnd ired vatern Ehr vortedigen
mogen/Wie Christus gethan Joannis viij do er spricht/
ich such nit meyn/sonder meynes vatern Ehr et Joannis
ij ir solt meynes vaters hawß nit machenn zu eym kouff-
haus/ vnd aber die ehrwürdigen Bischoff vnser geystliche
vater/vnd wir ire geystliche kinder seyn. Die sie durch die
heiligen sacrament vnd ewangelion Christi vō nawem ges-
beren. Gal. iij Jr kinderliche die ich widerüb gebere / so lāg
Paulus Bis Christus in euch formirt wirt/vnd der Bapst darumb
papa heist das er ein vater ist aller vater/Wie dān ouch ein
Romischer Keyßer Pater patrie/vnd ein izlicher Fürst sey-
nes Landes vater genent werden mag / Darumb dz sie für
ire vnderth / gleich wie ein vater für seyne kinder / org tra-
gen müssen. So sollen alle Christglaubige kynder/vnd des
heiligen Reichs getrewe vnderthan/Billich zu gemut gya-
hen/die grausamen/vnchristliche schmach vnd iniurie /
damit das lestermaul zu Wittenberg / (das sich selber für
ein ecclesiasten/propheten vnd ewangelisten auß gibt) vn-
sere hochwürdigen liebe vater vnd herren/Bepstliche heilic-
keit/Keyßerliche Maiestat/des heiligē Romischē Reichs
Fürsten vnd Bischouen groblich vorlegt/ beladen vnd be-
lestiget hot/ In ezlichen seynen iungst außgegangē buch-
ern/dar innen er sich vormessenlich romet wie er Bepstlich
er vnd Keyßerlicher Maiestat vngnad wol so ser erschrock-
en/als ein Esel dem eyn Sack entpfallenn wer / vnnnd die
Ehrwürdigen Bischoff all in gemeyn Esel/larnen/maw-
lassen vnd Selmorder/Die Fürsten des Keyßerllehen Regi-
ments zu Nuremberg lesterer gottes / vnnnd narren heist /
vnd öffentlich außruffet/Claws narret hette dye sach gleich
so wol als sie mogen außsichrenn / ich geschweyge der an-
dern groben vn schantlicher wort/damit dis vnnorschemp-
te maul/die schemigen oren vnd kewsche hertzen vorwun-

*2. mare supra de
supra*

*No Modestini
luddezanu*

der hat / auß wolchem gut zuuor merckē / das er keyn rech
ter ecclesiastes noch prophet / sonder deren eynen / vñ wolch
en Christus spricht / hut euch vor den falschen propheten /
die zu euch komen in scheffin kleidern Mathei viij dartzu
nit Christi / sonder des rewfels ewangelist vñ apostel sein
muß / dann die heiligē ewangelisten vñ zwolffboten Chris
ti / haben vns nit gelort soliche vorlezung der Maiestat vñ
oberkeiten / (ob sie gleych gebrechlich erfunden wurden)
Sonder wie das der will vñ ordnung gotes sey / das wir
inen in aller vnderthenikeyt gehorsam vñ gewertig seyn /
vñ sie ehren vñ wirdigen sollen / So wir dann all schul
dig seyn / vnser lieben herren vñ vatern ehr zuuorredigen /
Bin ich Jeronimus Emser vnwürdiger priester bewegt / ob
gemelte seyne Ketzerische bucher / vñ besunderlich das so
er wider den falschgenanten geistlichen stand getewfft hat
darin er der oberkeyt gewalt / stand vñnd ampt / ehr vñnd
glympff / wider got / ehr vñnd recht / freuenlich antastet / vñ
das gemeyn volck zuuorachten irer prelatten erwecket / frey
anzugreyffen / vñnd mit hilff des obersten (von dem aller ge
walt vñnd oberkeyt herflusst Ro . xiiij) bestendiglich zuuor
legen / vñnd anzeigen / das seyn lernit auß got sonder dem
wort gotes vñnd seynen heiligen ewangelio / dartzu ir selber
offentlich entgegen ist / vñnd die furgestellte schrift von des
nen so das volck zu den letzten gezeyten vñnd vnsuren werden
nit auff Bapst vñnd Bischoff sonder auff Lutern selber /
vñnd seyne anhangende Ketzerische Monch vñnd pfaffen
gestympt haben .

Matheij

Paulus

Vñnd damit Luter nit sprechen mög Emser fecht alleyn
mit spiessen vñnd degen / aber das schwert greyffer nit an /
Bing nicht auff die ban dann Bepstlich recht vñnd veter
spruch Will ich in disem buchlin mit dem schwert das ist
mit dem wort gotes vñnd bewertter canonischer schrift wis
der in fechten vñnd spies vñnd degen dieweyl auff eyn seyten
legen / Doch mit bedingūg das ich die heiligen canones vñnd
der alten veter ler vñnd schrift domit nit genz'ich vbergebē /
noch einichen zweyuel (zuuor auß an den orten do sie von

der kirchē bewert vñ angenomē) dareyn gestalt habē will.

Entschuldigung vñnd vorlegung erzlicher ar-
gument/ die man dem schreyber fur
werffen mocht

*P. n. l. h. z. a. p. r. s. i. o.
q. m. o. r. u. s. s. a. l. t. e. n. d. i. m.
m. e. n. t. s. i. u.*

Joānis I

Ob nu yemants sprechen wurd/ was gehet Emßern diser
handel an/ ist er doch weder Bapst noch Bischoff weder
Keyßer Konig/ noch Furst/ dartzu antwurt ich vñ bekēn
frey mit dem heiligen Joanne/ das ich nit würdig /iren yen
derteynem den ryemen seyner schube auffzulößenn/ aber
nicht desterweniger / gleych wie in schiffes notē/ So ein for-
tun vñ vngestumkēyt des Möres/ dem patron das Rudel
auß der hand schlahet / nit aleyn die schifflewt mit iren rie-
men/ sonder ouch ein izlicher der im schiff sitzt / vñd nit mit
vorderben will/ zu greyffen muß vñd der so nitein Rudel
hat/ den nechsten Bom oder Bret er wuschen seyner die loch
er zu stopffen/ der ander wasser außgießen / vñd alein and
helffen müssen/ damit sie auß der not kōmen/ Also bedunct
et mich/ das ouch in gegenwertiger ferlikeit/ so Sant Pe-
ters schiffleyn erleyden muß/ von den vngestumen anstos-
sen der Kezer (wolche nit aleyn dem obersten Patron/ son-
der ouch den andern schiffherren geistlichen vñd weltlich
en/ ire Rudel abhenndig machen/ vñd das schiff lin erlöses
fen wollen ein izlicher / schuldig sey/ inen wo mit er kan vñ
mag zu hilff kōmen/ damit sie gemeltes schiffleyn wideruß
zu Land/ vñd an sicher port bringen mögen/ dann ir vñge-
fell vñd vorderben/ an vnser aller mercklichenn schaden /
nit geschen mag.

Reptim

*P. n. o. n. s. i. o.
p. r. o. h. i. b. i. t. u.*

Spricht aber eyner weyter / Later hab wider Bapst vñd
Bischoff in vil stucken die warheyt geschriben/ was sie fur
ein vnbischoflich lebē furē/ Dartzu antwurt ich das gleych
wie denen/ so in eynem schiff faren/ nit von noten ist zu fra-
genn/ ob die schifflewt from oder vnfrom/ sonder ob sie irer
Kunst gewis/ vñd sie sicher vberfuren mögen/ Also sollē wir
vns ouch nit ser bekomern/ vñb der Bischoff eben/ ob das

gut oder böß sey/Sonder vmb die ler/Dann vns Christus
nit an ire werck sonder an die ler geweyßt hat Mathei xxiij
Alles das sie euch sagen/solt ir thon vnd halten/aber iren
wercken solt ir nit nachuolgē. So hat Luter vnlang selber
von im geschriben/das er nit von leben sonder von ler han
deln wolt/dann ein böß leben nit so vil schadē bring als bö
ße ler. Dartzu so seyn on allen zweyuel noch gar vil Ehr
würdiger Bischoff/denenen man weder am leben/nach an
kunst keyn tadel geben mag. im fall aber das gleych keyner
seyn stand recht hielte/ gepurth dannocht Lutern in keyn
weg sie darüß zu straffen/Dier eyl er seyn stand self er ouch
nit helt/wie er den halten solt/vnd seyner gethonē gelubd/
profession/pflucht vnd eid/vor got vñ der welt meynedy/
trewluß vnd erloß worden ist/Vnd aber der/der do annder
lewt straffen will/nach der ler Christi orstlich den tramen
auff seynem oug zihen soll Luce vi vnd ein guter arzet orst
lich sich selber gesund machen eiusdem iij Die dann ouch
der heilige Paulus sein leyß casteygete vñ im den gehorsam
macht/damit er nit annder lewten prudigte/vnnd selber
(wie izo Luter) strefflich befunden wurd.

Mathe
Luter wi
der sich sel
ber.

Lucas
Lucas
Paulus
cor ix

So dann öffentlich am tag/das Luters werck vnd leben/
nit weniger gots loß vorckerlich vnd ergerlich/dan der Bis
chouen (wann er gleych in eglischen fellen die warheyt vñ
inen geschriben hett) Muessen wir die sach zu beiderseyt
got heim stellen/der eyn iglichen richten wirt nach seynem
werck/Mathei xvi vnd ein scharffe rechnung von inen nhe
men/wie sie vns vorgestanden Luce xvi. Das aber wir Lute
ters oder der Bischoff leben richten oder straffen wollen/
Ist bey Lutern ein vorgeben arbeit dann er nit aleyn vonn
keinem menschen/sonder ouch vñ keynem Enngel gerichte
seyn will So gepurt vns ouch nit/unsere vater vnd prelas
ten/die Ehrwürdigen Bischoff oder/andere unsere hewp
ter freudlich zu straffen/Dan Paulus ouch dem Bischoff
Thimotheo vorbewt/das er die eldern nit straffen/sonder
als vater flohen/vnnd bitten soll.

Mathe
Lucas

Paulus
Thimot v

A iij

Luter wi- der sich sel Ber Das aber Luter disen spruch Pauli auff die altē grawhen prigen vnd nit auff die prelaten gedewt haben will ist er im- selbsts aber contrari vnd widerwertig / dān er in seynem 2ten Buchlin (do er von den zehen geboten schreybt) leret / wie das vierde / nit aley n vō den ley plichen Eldern / sonder vō aller oberkeit vorstanden werden soll vnd das ein izlicher das gebot dann vbertrette / wann er seyn herrschafft vnd oberkeit nit Ehr. / nit getrew vnd gehorsam sey / Sie seyn gut oder böß.

Corinth. 1. 12. 13.

In Corinth. 1. 12. 13.

Damit aber der listige man diser contradiction oder wider speltigkeyt entfliehē mog / felt er noch vil in ein grossere / dā so er spricht / das geistlich gewalt vnd oberkeit nit vō got / vnd derhalb en frey zu straffen sey / wider spricht er nit im selber / Sonder Christo / Paulo / vnd der ganzen Christen- lichen kirchē / Et sic incidit in Scyllā qui vult vitare Cha- rybdim / dann dem hern Christo von seynem hymelischen vater aller gewalt eyngerompt ist in hymel vnd auff erden / das ist / geistlicher / vnd weltlicher / pisterlicher vnd konig- licher Mathei ultimo data est mihi omnes potestas in celo et in terra. Wolcher den geistlichen sampt dem pisterthub den Bepsten vnd Bischouen vnd den weltlichen dem Key- ser sampt dem heiligen Keych beuolhen / vnd gesprochen hat. Gebet dem Keyser was dem Keyser / vnd Got was got zu gehort Mathei xxiij Mit wolchem auch Paulus stymmet Ro. xiiij do er sagt aller gewalt (keyn außgeschlos- sen) ist von got. Also haben ye vnd ye gehalten / gelert vnd geschriben alle heilige veter sampt der ganzen Christenlich en kirchen / dann wolcher (der do seyn vornunfft het) wol- te sprechen das Pilatus gewalt von got / vnd der kirche od- ire prelaten gewalt nit von got wer.

Mathe^s

**Mathe^s
Paulus**

Jois xix

Luter wi- der sich sel Ber Darumb so vbertritt Luter nit aley n das obgemelte vierde gebot gotes / Sonder auch seyn selbsts eigē ler / in dem / das er die / oberkeyt also vnehret / vnd weder geistlichenn noch weltlichen gewalt vnderworffen seyn will. vnd hilfft in gar nichzit das Bapst vnd Bischoff ein böß leben fieren. dān

In Corinth. 1. 12. 13.

er (wie gehört) selbs geschrieben / man sol sie Ehren / gehor-
sam vnd gewertig seyn / sie seyen boß oder gut. Also duldet
Christus Judam gebrauchet in zu dem apostolat / vnd
schickt i auß zu predigē wiewoler / wol wust / dz es ein dieb
vnd ein schalck was / dann Apostel / propheten / Bapst / vñ
Bischoff nit nhamen sind / eins heiligē lebens / s nder eins
heiligen amptes / vnd so man die Bischoff Sacrosanctos /
oder den Bapst Sanctissimum das ist den allerheiligisten
nennet / geschihet nit ir person sonder ires ampts halben /
das so heilig vnd würdig ist / das sie ouch in apocalipsi Jo
annis nit allein heilig sonder ouch engel gotes genēt werde.

Bapst vñ
Bischoff
sind nit na
mē eis hey
ligen lebēs
sēd eins
heiligē am
ptes
Joannes

So vil aber die ler vnd das wort gotes (darin aley n vnser
selickeit stehet) antriff / Darff man (wo sie selbs ouch ke-
gern / oder vns anderst leren wolten / dann ire vorsehen die
apostel vnd annder heilige veter oder Christenliche Bewer-
te lerer gethan habē) weder Bapst noch Bischoff vorseho-
nen / vnd mag sie dis fals als vmb falscher ler oder kezerē
willen / nit aley n frey straffen / sonder ouch ires ampts / stā-
des vnd wird gar entsetzen Das gepurt aber ouch nit einem
izlichen / sonder aley n einem gemeynen Concilio das sie zu
vor furheischen / vorhoren / vnd wo sie sich nit da vō abwey-
ßen lassen wolten / als dann orst inhalt der heiligen cano-
nes mit vrteil vnd recht vordamen / vnd ires standes offenc-
lich entsetzen soll. Derhalben vnd dieweyl des Bapsts vnd
der Bischoff ler / noch zur tzeit / durch kein concilium vor-
worffen oders vordampt wordenn / müessen wir vns von
irem gehorsam nit so leychtlich abfieren / oder so mit bloß-
sen worten vberreden lassen / das sie vns ichzit / vnchristen-
liches gelet haben / dann der Bapsts vnd der Bischoff ler
vnd regiment nu bey funffzehen hundert iaren bewert / vñ
vornemiglich bestanden ist / So Luters ler / narw / rombd /
vnd zum teil vngehort / ich geschweyge / vnchristenlich /
Dazu so ist vns Christen gar vil mher gelegē an den Bisc-
houen dan an Lutern Dan wir on die Bischoff weder / pri-
ter / mess / touff / noch einich sacrament haben mogen / Aber
tau set vñ erzlich hundert Jar ist die kirch vō den Biscbouen

B

*Reginims Pape
Quarid*

Job
Jeremias

seliglich vnd wolregirt/che dann Lutere oder auch seynes
gangen ordens ye gedacht worden. Derhalben so muessen
wir die Ehrwürdigen/Bischoff vnd anders vnser/geista-
lich vnd weltlich oberkeyt nit so gar lassen vndertrucken/
oder irem schennder so leylich gloubē geßē/Sonder vor-
hin wol Bchertigen/mit was fug vnd recht/differ vormes-
sen Bruder/sich selber also erhoben/vñ die vnsern ernidern/
sich sebs loben/vnd die vnsern schennden thue dan er seyn
stul darumb in aquilon auffgericht hat/das er nit aleynn
Bapst vnd Bischoff/Keyser/Konig/vnd Fursten/sond
ouch die engel gotes Richten/vnnd sich also (gleych wie
Lucifer) got selber vorzgleichen/vnd kurzumb ein ecclesias-
tes zu Wittenberg (das ist ein winckel prediger) seyn will/
es sey Bapst/Keyser/Furst oder Bischoff lieb oder leid/
damit die schrift erfult/werd/diser ist gemacht das ernye-
mant forchte Job xli vnd von dem aquilon wirt sich erhē
alles vbel Jeremie primo.

Luters clag wider Bapst vnd Bischoff

Luter wi-
der sich sel-
ber

Corinthe

No. 100

Luter beclagt sich orstlich vber Bapst vnd Bischoff das
sie in vnuo:hsit/vnerkundter sach/vnd vnuoberwunden/
freuenlich fur ein kezer vor dammen wollen/vñ sich nit sche-
men einen menschen/so offte lassen zu recht drogen zc Also
vorgessen wirt der arme mensch zusehlich/dz er im ouch
am orsten blat selber contrari vnd widerwertig ist/dan an
der erste columnē claget er wie er die Bischoff nit zu recht
bringen mog/vnd so bald darnach an der andern romet er
sich wie er vor keynem auff erden zu vorhor komen/vnnd
sich weder menschen noch engel richten lassenn woll Tu
wolt ich geren horen/vor wem man mit dem/zu recht fur
komen solt/der keyn richter/weder in hymel noch auff erdē
erleyden will/Der ouch anderst nye hat fur komen wollen/
dann mit eynem freyen sichern geleit/nit aleyn fur gewalt/
sonder ouch fur recht dann er selber recht nit erleyden kanē
Das er aber spricht sie wollen in vordamen vnuorhort/vñ
vnerkundter sach/ist gar ein vnuorschemate lugē/dieweyl

offenbar am tag / das Luter ostlich von dem Papst Leo
durch seinen legatē zu Augspurg / vnd nach maln zu Wor
mus von Keyserlicher Maiestat vnd des heiligen Reychs
Churfursten and Furten gnugsam vorhort worden / aber
sich keynem recht noch richter nye vnder werffen wollen /

Zu dem / so sint seyne ketzische Bucher vnd ler / nit aleyn
in eyner prouinz sonder durch die ganze welt Lantkündig
das euch die Kynder auff der gassen / vnd die alter Weyber
in Spitaln / da von wissen zu singen vnd zu sagen / wie k̄
dann der vorlogen Monch sprechen / das man ine vnuor
horet / vnd vnerkunder sach fur eyn ketter vordāmen woll /

Das er aber sagt er sey noch vnuberwundē / will ich yn mit
seynem eigen mund vbergewogen vnd vberwinden / dann er
spricht in seyner assertio / offenbarlich / Wo zuß ein ketter
gewest / so bekenn er frey / das er gehen mal ein erger ketter
sey / dieweyl dann zuß von allen stenden der ganzē Chris
tenheyt fur ein ketter vordāmt / vnd derwegen vordānt
worden ist / So solte der hochgelerte man ye billich wissen /
den gemeynen spruch des Rechten q̄ confessus habetur p̄
conuicto / vnd das er sich mit diser seyner eigen bekentnis
also selbs vberwunden / vnd zu eynem ketter gemacht hat.

Zu dem so ist vor vil hundert iaren von der kirchē beschlos
sen vnd geortet das ein yeder der sich vnderstehe ein alt vor
dānte ketterey wider auffwechen oder vortedigen (als
Luter nit aleyn Wickleffs vnd Zussen Sonderlich onch 8
alten ketter ler / in all seyn Buchern herfurzihet vnd vortē
diget) an all weyter declaration ipso facto / das ist mit der
that in schweren Banfall / vnd fur ein offentlich erclerten
ketter gehalten werden soll /

Aus wolchem allem / clerlich erscheinet / wie vnbillich dy
ser lesterer / die Ehrwürdigen Peps vnd Bischoff / Im
eyngang des Buchlins wider sie außgangen / beschuldiget /
das sie in fur ein ketter vordāmen wollen / vnuorhort vnd

B ij

*Oratio q̄ Luther
in hunc modum
est*

*In hunc modum
dicitur q̄*

vntüßerwunden / So er sich doch (wie gehört) selber dartzu
Bekennet / seyner eigen Bosshert vnd schand Romer / vnd
aller alten vnd neuen Kezer lang vordamppter vortedi-
genn will /

Lutherus Lutherus

Surter laßt sich Luther höre / dieweyl er auß Papstlicher vñ
Keyserlicher vngnad seyner titels beroubet / muess er dann
nocht nit on ein titel vñ namē seyn / auff das er das ampt /
wort / vnd werck / das er von got hab / zymlich breyße / Da-
rumb so nennet er sich von gotes gnaden ein ecclesiasten dz
ist ein prediger zu Wittenberg / vormeynt aleyne / auß disem
blossen titel macht zu haben die heupter anzurastten vnd
zu straffen wie Ezechiel / Jeremias / Jonas / vñ ander prop-
heten deren schrifft er hie eynsuret /

*Nur ein Lutherus ist
für die Kirche
für die Kirche
für die Kirche*

Paulus

Nu ist es nit ein Kleyne (wiewol er das leychtlich in wind
schlecht) das er auß Papstlicher vnd Keyserlicher mache
seyner titels / vñ namens beroubt ist / Dann on alle zwey
uel so thon die beyde heupter der Christenheit / on wichti-
ge vrsachen / nyemant seyner privilegien / oder gerechtikeit
entsetzen / Das er aber noch solicher entsetzung / Im selbs
orist so ein erlichen titel gibt / Wider die ler des Apostels der
do sagt / es soll im Keyner die Ehr selber nehmen / er werde
dan dartzu beruffen wie Aaron heb . v / ist im fulleycht vñ
noten gewesen / dann wer nit / gute nachpawr hat (als Lu-
ter vber seyne nachpawr claget) muß sich selber lobenn /
Dieweyl dis aber nicht nit nawes / Sonder vorhin ouch fals-
ch ecclesiasten / falsche ewangelisten / falsche propheten / vñ
falsche apostel / sich in der kirchen auffgeworffen habenn /
Auff wolchen die falschen ewangelisten sampt irē ewange-
lion von gemelter kirchen vordampft worden als das ewan-
gellum Nicodemi vñ ander So warnet vns Christus vor
falschen propheten / Mathei viij vnd Paulus vor falschen
aposteln ij cor . xi Derhalben / so darff diser hohen titel nye-
mant erschrecken / nyemant glauben / das Lutern gepure /
das / so Ezechiel / Hieremie / vnd den andern propheten ge-
purt hat . Er beweyße dann wie er sich romer / dz im solich

Matheus
Paulus

ampt/wort/vnd werck/ von got sonderlich beuolhen wor-
den/wie das die warhafftigen propheten entweder mit
schriffte oder beständigen wunderzeichen beweyßt habenn
Mit schriffte / als der heilig Joannes auß dem propheten
Esaias / das er wer ein Stymme des ruffenden in der Wust-
nis Esaias xxxix Mit wunderzeichen / als Moyses mit der
ruten Exo. iij Jonas mit dem walfisch Jone | Ezechiel
mit dem buch das aussen vnd ynnen vol geschriben was
Ezechielis ij vnd einer mit diesem der ander mit Jehenen.

*Es q' hndt' no sit
vnt' catagor' s'
p'fendo ap'ly*

Joannes
Esaias
Moyses
Jonas

Ezechiel

Im fall aber / das er sich gleych das mit schriffte / od mit mi-
rakeln zubeweyßen vnderstünde / wie er sich bereit erzlicher
maß vornemen lassen hat er künde der fleynē zeichē ouch
wol eins thon / wo es von notē / Doch wer im so leychtlich
nit zu glauben / vnd gehort ein grosser cautel vnd fürsichti-
keit dartzu / Dann wann / es genug wer die schriffte zu alle-
girn werē alle Rezer gerecht / die all auff die schriffte gebocht
haben ia es hetre ouch der tewfel Christum eyngetribe / do
er im allegirt / auß dem newnzigsten psalmen Got hat sey-
nen engeln von dir gebotten / das sie dich auff den hendenn
tragen wā wir ouch den Mirackeln so bald gloubē mues-
ten / hette vns Christus nit da vor gewarnet vnd vorkun-
det / das ouch die falschen propheten wunder vnd selzame
ding stifften wurden Mathei xxiiij Surgent . n . pseudo
Christi / et pseudo prophete / et dabunt signa magna et pro-
digia / ita vt in errorem ducantur (si fieri potest) etiā electi .
es werden auffstehen falsche Christen / vnd falsche prophe-
ten / vnd werdē grosse zeichen vnd wunder furgebē / also /
das ouch die außeweltenn (wo es möglich) vonn innen
vorfurt werden /

No

psal. lxxxv

Der halben vnd damit igo vnd hinfur in zu kunfftige zey-
ten / die frommen Christenliche hertzen / nit so leychtlich v-
furt vnd betrogen werden mogen / will ich Inen / mit der
hilff gotes nit eins / sonder zwenzig gewisser vnd warhaff-
tiger zeychen / außbewerter schriffte / vormelden / vnd anzei-
gen / durch wolche sie / die rechtfertigē pphete / Ecclesiastē

B ij

vnd prediger / auß den falschen erkennen mögē / welche ein
iglicher vorstendiger darnach bey im selber weyter betrach
ten / extendirn / vnd auß strecken mag.

Hie nach volgen z weynzig gewisse zeichen
do bey man eyn falschen ecclesiasten
(als Luter ist) erkennen mag

*Signum
agnoscendi
falsi
Orhen*

Paulus

Marcus

Joannes

Mathe^{us}

Das erste warhafftig vñ gewisse zeychen ist das / das sich
die warhafftigen prediger / apostel vñ propheten nit selber
eyndingen zu predigen / noch sich des vnderstehen / one be
uelh der kirchen vñ irer prelaten / wie Paulus schreybet Ro
m quō predicabunt nisi mittantur Also hat Christus erst
lich die apostel erwelt / vñ auß geschickt Marci ultimo Eū
tes in mundum vniuersum predicate Ewangelium omni
creature Item die Apostel / darnach die Bischoff / vnd die
Bischoff die Priester / wie vonn anbegin der kirchen bis auff
vns herkommen / vnd wiewol in zeyten des frides / so dye
Kirch von keynem Keger angefochten wirt / ein iglicher püs
ter auß stillschweygender gunst der Bischouen / vnd die Be
telorden auß sonderlichen gnaden des Romischenn stuls /
frey predigen mögen Noch dann / so Keger ey in der kirchē
entstehen / vnd ein Monch oder priester sich kegerisch in sey
ner predig vormercken ließ / mögenn inen die Bischoff das
predig ampt vorbieten vñ stillschweygē eynbindē / Wolcher
sich ouch solichs vorbots der Bischoff nit halt vnd wider
iren willen predigte / Der ist nit ein rechter prediger / Dann
er nit zu der rechten thur nach Christlicher ordnung vñnd
weyß eyngelhet zu den falschen / Sonder ist ein dieb vnd ein
Lortter wie Christus sprich Joannis x vnd dieweyl er dye
Christlichen kirchen vnd ire prelaten nit horen will / soll er
widerumb ouch nit gehört nach fur ein Christen Sonder
fur ein heiden gehalten werden Mathe^{us} xviij qui ecclesiam
non audierit sit tibi tanq̄ ethnicus x So dann Luter sich
weder an des Papsts noch der Bischoff / vnd noch vil we
niger an Keyserlicher Maiestat vorbot keren / sonder men
allen zu troz predigen will / kan cyn yeder wol abnhemmen

ob es eyn rechter oder eyn falscher ecclesiastes Ewangelist
oder prediger sey.

Das ander gewisse zeichen ist / das sich die warhafftigen
prediger / propheten / vnd apostel / ob sie gleych von got od
der kirchen auß geschickt werden / ires vorordneten . kreysß
vnd reßter halten / vnd aleyndenen predigen zu wolchen sie
geschickt vnd vorordnet seyn / als Ezechiel zu dem hauff
Israel / Jonas zu dem Ninuiten / Moyses zu Pharoni / **Ezechi. ij.**
Paulus zu den heiden zc Dann got thut alle ding mit ord- **Jone i**
nung Ro / xij que autem adeo sint ordinata sunt / do her **1. cor. ij**
kompt vrsprunglich die aufsteilung der Bistumb / das eyn **Actu. ij**
iglicher Bischoff / Ja ouch ein iglicher Pfarrer / seyn gemes **Paulus.**
sen kreiß vnd anzahl volckes hat zuuorsorgen / Dann wie
Christus den aposteln die ganze welt aufgeteilt vnd eyn
dis dem andern ihens Land eyngegebē psal. lxxvij Et sor- **David**
te dimisit eis terrā Also haben die heiligen Apostel / darnach
in eyn iglichen Land in den grossen herpßeren (do vor
hin heidnische patriarchen gessen) Primaten vnd Erz-
Bischoff / Vnd in den andern namhafftigen sterē Bischoff
vorordnet / wolchen sie darnach bevolhen alle flecken vnd **Paulus**
sterleyn mit püßtern / vñ Pfarrern zubesetzen / **1. i. propter**
rea reliquit Crete vt per singulas ciuitates cōstituas pres
biteros zc. wie dann ein iglicher Bischoff alle pfarkirchen
seynes Bisthumb in eyn register / vnd der Papst in seynē
Prouincial alle Bistumb der ganzen welt vortreibet habē
Damit sich ein iglicher seyner grenz wisse zu halten vnd
keyner in des andern zirkel on seyn wissen oder willen ich-
zit zu thon / oder zuschaffen hab. darauff der titel depar-
tuchū et distinctio octuagesima per totum geflossenn ist
wie sich ouch der heilige Paulus Romet / das er aleyndan
den orten gepredigt hab do Christus nit verkündigt wor- **Paulus**
den / damit er nit eynem andern auff seyn fundament bawe
te / Ro. xv derhalben wann Luter gleych bewerren mocht
das er von got selber (wie er sich romet) denen von Wittē
Berg zu eyn prediger vorordnet wer (als inē dān fulleycht
eins gutē predigers wol von notē wer) So solter sich doch

Samuel signum

Ezechi. ij.

Jone i

1. cor. ij

Actu. ij

Paulus.

David

Paulus

Paulus

Jone 1

Billich seyner vorordnetē stell lassen setigen / vnd nie doneß
ouch wie Jonas in Tharsum vnd Ciliciam schiffen / Das
ist er solt aley n zu Wittenberg predigen vnd sich nit in and
Bistumb vnd Pfarrkirchen / wider der Bischoff vnd pfar
rer willen eyndyngen noch also mit gewapier hand von ey
ner stat zu der andern vmbziehen / das volck mit seyner fals
chen ler vorgiffren / vnn d zu vngheorsam irer vorordneten
prelatten anhaltē / damit im nit was ergers begegnete / dā
dem propheten Jone / dann von seyntwegen (gleych roye
vmb Jonas willen) bereit ein groß vngestūitkeyt des No
res auff erstanden / derhalben in die schifflewrt / auß Sant
Peters schiff geworffen / vñ in der Walfisch das ist der tew
fel in seyn bawch vorschluckt hat dar inn er nit aley n drey
tag / sonder nu lenger dann drey iar gelegen / vnd stehet zu
besorgen das er dar inn vorderben werd .

Termin Sym

Paulus

Das drit zeichen ist das sich die warhafftigen Ecclesiasten
apostel vnd prediger ouch nit mher gewalts noch sachē vn
derziehen / dann inen beuolhen wirt Also bekennet Paulus
frey das er keyn beuelh hab zu tewffen / sonder aley n zu pre
digen 1 cor . 1 Aber Luter laßt im an seyнем predig ampt (
wo im das anderst beuolhen) nit benugen / sonder greyfft
Bapst vnn d Bischouen / ia ouch den weltlichen regenten /
in ir ampt / will sie orst leren / wie sie regirē Vnd was sie fur
weyber nhemen sollē / dispensirt / rela . irt / excōnicirt / bindet
vnd loßt / gebewt / vnn d vorberwt / macht nawe ordnung /
vnd wurfft die alten ab / als wer er selbs Bapst vnn d Key
ßer / ia er vormaldeyēt ouch den Bapst vnd seynen stul bis
in abgrund der hell . So doch der heilig Erzengel Micha
el ouch den tewfel nit vormaldeyēn dorfft wie Judas sagt
in seyner Canonica wolches alles er (als ein schlechter ec
clesiastes oder prediger / der sich aley n mit dem wort gotes
bekōmern vnd nyemant dann die so im beuolhen / leren vnd
straffen soll) zu thon nit macht / noch enichen beuel hat /
Auß wolchem abermaln gut zuuo:stehē / dz er nit cyn rech
ter sonder eyn falscher Ecclesiastes prophet vnn d Ewan
gelist seyn muß .

Judas
Zathens

Quartum signum falsi predicatoris

Das vierde zeichen ist das der warhafftigen Apostel vnnnd
propheten / Predig vnd straff auß lieb / vñ denen so sie strafe-
fen zu besserung / vnd nit auß trotz / oder bochē / her fließet /
Dann wie Paulus saget 1 cor. xiiij wann einer gleych mit ey
tel enngel zungē predigte / Vñ die lieb nit het / wer er gleych
wie ein klingend eysen / od schallende zimbel / die weyl sich
Dann Luter mit grossen schall Romet / wie er Bapst vnd
Bischouen / ia ouch Keyser / Konigen vnnnd Fursten / zu
trotz vñ vordriess predigē wöll / ist gut zu ermessen / was es
fur ein prediger / vnd das Keyn Christenliche lieb in im sey /
Dann die lieb bochet vnd trotzet nyemant / sonder ist gedul-
tig vnd senffmutig ibidem 1 cor. xiiij.

Paulus

Paulus

Das funffte zeichen ist / das die warhafftigen prediger
nach dem ir straff wie gehört alei geschicht / vñ besserung
Willen der zu horenden / nyemant straffen / dan die do ge-
genwertig an der predig seyn / vnnnd die straff mogen anho-
ren / Darumb das von den abwesenden / was böß zu redē
nit gestrafft sonder afftergerloßet heist / also spricht David
psal. c. xviiij Loquebar de testimonijs tuis in conspectu re-
gum / ich redet von deyn gezeugetnissen in dem angesicht d
Konig / Also thet ouch der heilige Joannes / vrsprach he
rodem nit in rucken / sonder sagt im vnder seyn angesicht /
dir geburt nit deynes Bruders weyb bey dir zu haben / Mar-
ci vi Derhalben so seyn das eytel falsche Ecclesiasten vnnnd
affter loßer / die / die Bischoff prelatē / Konig / Fursten oder
annder stennnd / ann stellenn antasten vnnnd offentlich vor
dem volck vrsprechē / do weder Bischoff noch prelat / we-
der Konig noch Furst an d predig sein dz sie (wo sie d sach
schuldig) sich darauß selbs erkennen / vñ bessern mochtē)
als ezlich dem volck izo eynbilden / die Fursten die sich der
Romischen kirchen gehorsam halten / wollen das Ewan-
gelium mit dem schwert aufloschenn / So sie doch nit das
Ewangeliu sonder die falsch kezerische ler / so etlich da-
rauß zihen vnd dem volck predigen / gern dempfen woltē /
Wie sie zu thon schuldig / Dann sie got rechnung gebē mues-
sen fur ir volck / gleych als do das volck Israhel sundigte /

Signum Quintum

1. 1. 1. 1. 1.

Marcus

C

Moyses
Vul. xvij

mit dem Baal pecc / beualhe got Moysi alle Fursten an dz
liecht vnd sonnen zu stellen / zubesehrigen / ob die schuld d
Fursten / oder des volcks wer. Der Fursten / dz sie zu nach
le sig gewest vnd nit gestrafft / Des volchs dz sie sulleyche
iren Fursten nit gehorcht heeren. Numeri xxv.

Sextum signum

Mathe^s
Moyses
Lucas

Das Sechste zeichen ist / das die warhafftigen apostel pp
heten vnd prediger / ob sie gleych straffen / danoch nyemac
schenden vnd lestern / Dann ob in gleych hoch vñ nyder zu
straffen beuolhen / So wirt inen doch schenden vnd lestern
vorbortē Mathei / vñ wolcher seynem Bruder sagt du narr /
der ist schuldig des hellischen feners / vnd von der oberkeit
haben wir ein sonder gebot Exodi xxij welches Paulus be
stetiget Actū xxij. Namlich du solt dem Fursten deynes
volcks nit miß sprechen Item exodi xix Bestia que tetigerit
montem lapidabitur. Diweyl dann Luter nit aleyñ seyn
gleychen / sonder ouch Bapst vñ Bischoff / Keyser Konig
vnd Fursten / nit aleyñ / narren vnd Esel / sonder ouch Ty
rannen vnd morder heist / sampt andern Inurien vñ schelt
worten / ist gut abzunhemmen was er damit vorschuldet vñ
was es fur ein Ecclesiastes sey /

Septimum signum

1 Reg. xij

Exo. xxxii

Paulus

Lucas

Das Sibende zeichen ist / das ob gleych die warhafftigen
prediger propheten vñ Apostel / die sind ampts halbē straf
fen muessen so haben sie doch fur ir person ein gros mit ley
den mit den armen sundern / ermanen sie zu buß vnd abstel
lung irer sund / bitten vnd flehē got fur sie / als getrewe mit
ler zwischen dem zorn gotes vnd iren sunden. Also do Sa
muel die Juden ostlich straffet. Das sie got vorschmehet
vnd ein Konig zu eym herrē begert hetten. rostet er sie dar
nach wider vnd sprach ir solt darumb nit vorzagen / dann
ich will nit auffhoren got fur euch zubittē / also bat Moy
ses so hefftig fur sie das er sprach herr vordig in dise sund /
oder losth mich auß dem Buch dareyn du mich geschriben
hast / Dergleychen Paulus Ro. ix optabam ego ipse anat
hema fieri a Christo profratribus meis. ia es bat Christus
noch am Creutz fur seyne crwziger / Luce xxij Aber Lu

Oratio In die Pro Reformatione

ters gebet für Bapst Bischoff vnd alle geistlichen/ ist nich
zit dann dus sie der reuvel so bald also warm in abgrund d
hell schleppe/ vnd darnach der donder vnd der bliz ir stül/
Kircken vnd Closter hinach schlage/ Also bit vñ wunsche
er schir in allen seyn buchern/ Auß wolchem gut abzunhe
men/ was Barmherzikeit diser ecclesiastes trage gegen denē
die er strafft. So doch got selber gesprochen hat ich will nit
den tod des sunders/ sonder das er sich beker vnd lebe.

Luters ge
bet

Ezechiel
xviij

Octauum signum

Das achte zeichen ist/ das die warhafftigen apostel prop
heten vñ prediger / so man sie widerumb ein wenig anrurt/
oder straffet gedulrig seyn/ nit so bald auff brellē/ noch boß
vmb gutes geben/ Also nam ouch der heilige Sant Peter ge
dulrig an die bruderliche straff vñ Paulo Gal. ij Sschaldt
vnd tobet nit/ wie izo Luter alle die ihenen / die in bruder
lichen vormant vnd gestrafft haben/ iemerlich durch sehel
det/ vnd inen als ein wietender hund weder bellet/ welches
er von Christo nit gelerner/ der do gesagt hat in gedulrkeit
werdet ir besitzten ewere selen Luce xxi Item lernet von mir
dann ich bin schfftmutig vnd eins demutigen hertzē Mats
hei ri / Et proverborum xviiiij dicitur q doctrina viri per
pacienciam noscitur.

Paulus

Lucas
Mathe

M

Signum Noni

Das newnde zeichen ist/ das die warhafftige apostel/ pp
heten vnd prediger Christi vornunfftig zuchtig vñ beschei
den seyn/ in iren redē/ Dannderhalben hat got / die zu pries
tern vnd predigern nit haben wollen/ die vngestalte/ krum
men/ oder zu vil kleyn oder grosse nasen hertē Leuitici xxi/
Das durch die vngestalte naß / ein vnbescheidner prediger
bedewt wirt / der den lewten den vnflat seyner groben vnd
vnzuchtigen red / für die nasen helt / vnd selbs nit riechen
kan/ wie vbel das stincket/ wer hat nu so grobe vnd vnuoz
schampre wort ye gehört von eym prediger/ als Luter von
im vorlawten lastē die er für war ouch nit auß dem Ewan
gelio/ Sonder auß Virgilio in priapeis gelerner hat/ vñnd
derhalben selbs billicher ein priap ist genent wirt dann ye
mant anders.

Luter ist
selber eyn
priapist

No No



Scimus Signum

Paulus

Das gehende zeichē ist / dz die warhafftige pphetē apostel vnd prediger sie ouch nit vleyssen auff geschmuckte vnnnd schleychende wort / durch die dz einfeltige volck leychtlich zu vorseuren ist / darumb so sagt Paulus I cor. ij meyn red vnd meyn predig stehet nit auff vberreden menschlicher gescheydikeit / Bin nit komen in subtilen oder vorblomte worten / vnd Ro : Ultimo claget er / das die falsche lerer die herten der einfeltigen betriegent durch siesse red vnd benedeyung per dulces sermones et benedictiones inquit seducunt corda innocentum / Dan gleych wie Christus simpel vnnnd einfeltig lewt zu prediger auff genommen also werdenn des EntreChristis prediger vorsehmizte / listige / vnd wolreden de lewt seyn / wie Luter furwar als ein vorsehmizter hinder listiger Monch ist / als einer vnder dem hawssen seyn mag / der dem armen volck / mit seynen hellen vnd glatten red / die mewler also auff sperrt / on sie gleych wie ein gauctler / vorsehert / das sie ein teil darauff sturben / es wer alles das Ewangeliū was er sagt / doch so ist die schuld ir selber / dann sie es also haben / vnd die alten einfeltigen lerer vnnnd bucher nit mher horen noch ansehen wollen von wolchem Sant Paul lang gesagt hat / Es wirt ein zeyt komen das sie die warhafftigen ler nit erleyden konnen / vnnnd werdenn inen Meister suchen die inen die oere krauen / nach irem furwitz vnd wolgefallen ij Thimoth ij.

Paulus

Undertim Signum

Non bene

Petrus

Paulus

Das elffte zeichenn ist / das die warhafftigen propheten / apostel vnd prediger sich selber nit also romen oder auffblasen als Luter thut / Sonder allwegen mher von ander leuten dann von inen selber halten / wie Petrus der oberst auff den aposteln / vorsehen / seins priorats / gewalts / vnn schlus sel die got im beuolhen lobt vnd preysset die kunst vnn weyßheit Pauli ij pe : Ultimo zu wolchem vns ouch ermanet d heilige Paulus Philip ij do er saget / dz izlicher den andern in demut vorhalten soll / zu lateyn superiores sibi inuicem arbitantes et Ro . xij honore inuicem preuenientes Aber Luter will nyemant ichtz nit seyn lassen / dann in selber / vor

acht vnd vnehret tod vnd lebend / Kommet sich dz keyn Doc
tor noch alter vater das Ewangelium bis her vorstanden
oder recht geprediget / bis er komen / vñ vns das auß Wick-
leffs vnd Hussens Schartecken orst recht gelet hab / Die
weyl dann got die hoffertigen ouch im hymel nit erdulden
mocht / ist gut abzunehmen was er fur ein Ecclesiastes sey
vñ sich selber also hoch auffbrustet vñ ander lewt vorachtet.

Nota

Quadrimum Signum

Item No

Das zwelffte zeichen ist das die warhafftigen propheten
apostel vnd prediger / die sayten zusamen zihē / gleych stym-
men / vnd concordiren in verkundung vnd auflegung d̄ heil-
ligen schrift / Dann ob gleych mancher tawset iar nach
dem andern komen ist / Doch seyn ir schriften nit zwispel-
rig / sond̄ gar eyntrechtig vnder einander / als werē sie auß
einem geist vnd einer selen geredt vnd geschriben / Also er-
manet Paulus die Chorinthier 1 cor. 1 vmb gotes willen /
das einer halt wie der ander / vnd keyn zwispeltikeit zwisch-
hen inen sey / sonder all ein syn vñ ein meynung in d̄ schrift
haben / vt sitis perfecti inquit in eodem sensu et eadem scien-
tia Aber Luter will in diser eintrachtikeyt nit bleyben / con-
cordirt gar mit nyemant / sonder vleyt sich einer eigensynni-
gen narwen vñ frombden auflegug der schrift / die in ouch
zu eym Keger vnd schismatico gemacht hat /

Paulus

No

Quadrimum Signum

Das dreyzehende zeichen ist das die warhafftigen apostel
propheten vnd prediger nyemant / herocheln nyemant lieb
kossen noch der welt gunst oder fruntschafft suchen dann
wie wir lesen Jacobi iij wolcher diser welt fründ seyn wil /
der wirt ein veynd gotes. Derhalben. So spricht Paulus /
Gal / 1 / wann ich mich der welt zu wolgefallen fleysfenn
wolt / wer ich nit ein diner iesu Christi / vnd vber die wort ij
cor. vi wir sollen vns in allen dingen erzeigen als diner go-
tes / sagt die glosa ordinaria / Die diner gotes herocheln ob
schmeicheln nit / als die fischen apostel thon / Nu hat Lu-
ter mit seynem herocheln schir die halben welt gewaltig eyn-
genommen / vnd namlich die vnkerschen priester / denen er er-
lewt sie sollen vnd mogen weyber nhemen vñnd das sie ire

Jacobus

Paulus

C ij

Intimations lutheri vltima

gezeyt mit betten dorffen / Item die weyber wolchen er den
raum des ehelichen gebiß / gar los gegurt hat / Item Monch
vnd Nonnen / die ir regel truckt / denen er erlobt wider ir
eid vnd gelubdt frey auß den Closter zu louffen / Damit er
wie die Konigin von Ciprien / mit aleyen gescholden werd /
Item dem Adel dem er seyn reformation buch zugeschribē
vñ inen das schwert eyngerompt hat darzu sie doch aleyen
knecht vñ diner seyn Item das gemeyn pofel / mit dem / dz
er inen freyheit vorheyst / vnd sagt ein freyer Chriſt soll key
nem menschen noch geseze vnder worffen seyn / Damit er
diseu allen ein kuffen vnder das haropt gemacht / vnd Sie
durch seyn zu titteln vnd lieb kossen an sich gezogen hat /
von wolchem der prophet sagt Ezechieh xij ve qui puluil
los seu cervical faciunt sub capite vniuerse etatis ad decipi
endas animas / Das ist so vil gesagt / wolcher den bosse leu
ren schmeichelt / der macht inen ein polster oder kissen vnd
das haropt oder Elenbogen / dar auff sie in irem eygen lob
sannfft ruhen / die er billicher darumb straffen sollt /

Ezechieh
E. 12

H

Signum 14.

Paulus

Das vierzehend zeichen ist / das die warhafftigen apostel
propheten vnd prediger keyns rucken / keyns geleits noch
furschriſt bedorffen / sonder wandern frey vnd vnerschroc
ken am tag vor aller welt / Also schreybet d heilige Paulus
ij cor / iij *Mon. n. egemus litteris comendaticijs sicut qui
dam* / wir dorffen keyner furschriſt als ezlich / glosa / als
die falschen apostel / wie sich aber Luter anhenget an ezlic
he gewaltihen / vnd wie er allenthalbē geleit / gunst / schutz
hilff vñ rettung sucht Duch nit außzihet er habe dan seyn
trabanten vnd reysigen zewg an der seyte / Damit seyn bos
heit vngestrafet bleyben mög / ist vnvorborgen / ia es habē
die knaben vor vil iaren damit vmb gegangen / das sie yen
dert ein patron einnehmen mochten / der in den ruckē hielt /
Es wirt sie aber nit helffen / Sonder wie der / apostel sage
ij Timoth ij ir thorheit vnd bosheit bald vor meniglich ent
bloßt vnd offenbar werden /

Paulus

Signum 15.

Das funffzehende zeichen ist das die warhafftigen prop

Jul. V. dorffer Jo 30. Col 1

*Non hic Evangelii Monachos: flos hinc in eorum
 creatus. & ordinis. predicantur. Mox ergo in vultu
 gaudia. Sui. Sicut
 ante mundum
 ordinis. est. Timotheus*

beten / Apostel vnd prediger zu vor an ehe dann mā sie recht
 erkennt nit gross geacht / zu weylen auch gehast vnd vor-
 volget werde / wie Christus zu seinem Jungern saget / nhe
 mit wihar ich schick euch als schaffin dz mittell der Wolff
 Mathei vnd Mathei xxiij spricht er euch wirt alle welt
 hassen vmb meynes namens willenn / herwidernmß so ein
 falsch prophet oder prediger auffstehet / leufft so bald alle
 welt zu / als ob ein wunder vber Nhor herkommen wer / vñ
 Konnen in vorgrossen furwiz nit genug vorlobē Nit gnug
 Ehren / nit gnug zurtragen / Ja wann sie iren vorordneter
 predigern vnd selwartern einen Pfennig opferen (der gebē
 sollen (denen sie inen doch von gotes wegen schuldig seyn)
 Befunden sie sich beschwert vñ vordrossen / Aber disen frōß-
 den vñnd narven winkel predigern teilten sie wol mit / die
 helfft ir gueter / Also haben sie orstlich (als die mancherley
 orden auffkomen) Ir testament / giff / vnd gab / den pfarr
 Kirchen entfombt / vnd den Clostern zu gewend / Nu so
 sie an den Monchen auch vorfurwizt / fallen sie auff die ke-
 ger warumb das swer aleyh herweheln / vnd das nerrische
 volck wol schmeren vnd betriegen kan / den haben sie am al-
 lerliebste / Iren seel sorgern die sie straffen / seyn sie gram / vñ
 so die selben (als menschen) fallen vorspotten vñ vorachte
 sie die / louffenn zu den herwehlern / die doch (ob sie gleich
 außwendig ein scheyn haben eins guten lebens) gleych so
 wol menschen seyn als ander lewt / vnd offte heymlich nichē
 mal Bosere stuck vben / Dann die mann gar fur böß acht /
 dann summa summarum / flewchst du mensche / so findest du
mensche / Ker dich wo du hin wilt / so lebt keyner auff erd on
sund / vnd ye grosser heilikeyt eyner fergibt / ye grosser er dē
schalck hinder den oren hat / zu vor auß bey disen vnseren
gerzeiten / Darinn die herwechleren ganz mechtig vber hand
genommen

Septimum signum

Das Sechzehende ist / das die warhafftige prophetē apos-
 tel vnd prediger / dz volck gotes / Ires hochste vormogēs /
 von allen irdischen dingen / zu den hymclischen / das ist
 von sunden zu tuget vnd von der welt zu got allwegen er-

Mathe
 Mathe

Vio hinc

*Nō Evangelii Notat
 in iustis: iustis
 Sicut in de hinc
 ffama An dicitur
 hat was vñ
 gemischt*

*Viginti signum fa
 p dicitur in vno hinc
 andit & hinc
 porrigit p dicitur
 dicitur hinc
 hinc plus q hinc dicitur
 in p dicitur
 p dicitur & hinc
 hinc vñ hinc
 p dicitur
 de hinc: hinc
 vñ hinc*

*100
 100
 100
 100*

*100
 100
 100*

100

*100
 100
 100*

211

mant/geweyste vnd gelert habenn / welches vns oꝛtlich
Joannes Christus mit der that vnd leyplichen geberden angezeigt
 In dem das er so offte / was namhaftigs gethan / allweg
 seyn ougen vnd angesicht vber sich in hymel auff erhaben
David hat Joannis xij et pluribus alijs locis zu einer anweysung
 psal. lxxij das wir die ougen vnser hertzen / das ist all vnser begird ge
 mut vnd gedancken zu got auffrichten vnd erhaben solle /
 psal. lxxij wie David spricht zu dir hab ich aufferhabē meyne augē /
Paulus der du wonest in den hymel / vnd an ein andern ort / Was
 hab ich doch aufferden begert dann aleyndich / Dartzu er
 mant vns ouch der heilige Paulus Col. iij vñ spricht Seyt
 ir mit Christo auffestanden / so sucht in oben auff / do er sie
 get zu der gerechten gotes / vnd Costet oder schmecket die
 ding / die oben auff / vnd nit die so auff der erdē seyn / herwis
 derumb so raten / schreyben / vnd reizen die falsche prophe
 ten vñ lerer das volck aleyndich auff diese zeytliche ding / Leyen
 sie wie sie den schmuck der kircken / iren weybern anhangen
 sollen / gleych als ob sie vorhin nit gnug geprenges vnd hof
 fart trieben / dartzu bilden sie inen eyn / wie sie iredes leyps pfe
 gen vnd essen vnd trincken sollen / alles das sie lust / keyn ge
 bot der kircken noch gutē rat Christi ad seyner apostel ach
 ten / noch keyn zeyt fur die andern halten / der gleychen rey
 gen sie ouch zu vnkeuscheit ehebruch / vnd vnreiner vor
 mischung der blut vorwandren / zu lateyn incestus / sprechē
 es sey der natur nit möglich sich keusch zu erhalten / vñnd
 keyn sipt noch grad vorbotten / das alles nicht ist dān d
 ler Christi das hinder her fur kerē / vñnd die leret von tu
 get auffschand / vom hymel auff die erden / vñ dem geist an
 das fleisch / vñ von got an tewfel zu weyße / dann so bald
 wir vns nider werts bücken zu disen irdischē dingē / mach
 en wir dem tewfel ein weg / vber vnd auff vns hym zu gehē
Esaias das er (die weyl vnser gemut auffrecht zu got stehet) nit
Moises thun mag Esaieliqui dixerunt anime tue incuruare vt tra
Leuit. xxi seamus / darumb so werden ouch in Leuitico die so ein hofer
Leuit. xi auff dem rucken haben / vnd sich stets vnder sich biege mues
 sen / von dem priesterthumb außgeschlossen / vñnd die fisch
 die nit federn haben / vnd derhalb stets am bod / schwebē /

*Sur regis in: que
 sumum p. q. r. a. i.*

keren

*Per suasio p. r. h. e. a.
 quod h. o. u. e. r.
 ad d. o. m. i. n. u. m.
 p. m. o. n. i. t. u. m.*

loga

*No quare
 in h. o. r. a. p. h. i. b. u. i. p. a. s. u. r. d. e. n. i. o*

vnd nit in die hohe vber das wasser auffspringen mögen /
zuessen vorbotten / welches alles nicht anders bedewt /
dan die menschē / die all ir synn vnd gedancken / aleyr setzē
auff dise tzeitliche vñ irdische wolust der wollust der welt / **Paulus**
von wolchen ouch Paulus sagt die so im fleisch sehē / wer
den ouch vonn fleisch schneyden Gal / vi .

Quint Septim

Das Sibzehende zeichē ist / das die warhafftigen prophe
ten apostel vnd prediger / das volck gotes zu frid vñnd eyn
tracht mit irer ler vnd predig ermanen / dann was hat vns
Christus der oberste prediger anderst hinder im vorlassen
dann seyn goelichen friden / Meyn frid gib ich euch / meyn **Joannes**
frid vorlass ich euch spricht er Joannis xiiij von wolchem **Esaias**
der prophet sagt Esaiē liij **W**ie schon sein die fies des der
vns verkundiget vnd prediget den friden Aber die falchen
vnd EntChristlichen prediger lerenn das volck wie sie ire
hend im dem blut der priester waschen sollē Ja es sagt Lu
ter wann gleych eyn starcke auffrur wurde die Bapst vnd
Bischoff all sampelich auß rodet / des were nu zu lachen
Drowet inen dartzu offenbarlich leb er sollenn sie keyn frid
vorim haben / sterb er so sollen sie noch weniger frid habē
Dann er nach seym tod orst grosse wunden harwen will / dir
it. n. in corde suo Non mouebor a generatione In genera
tionem sine malo Got behut vns vor seyn gedancken. **David**
psal. ix

Quint Octau

Das achzehende zeichen ist das die warhafftige prediger
propheten vnd apostel alle zumal das volck ermanen vnd **Den. vi**
ye vnd ye ermant haben zu guten werckenn Als die wir zu **Luce p**
thon schuldig seyn auß vōrmogen des orsten vnd grostē ge
Botes Namlich du solt got lieben auß ganzem deynem her
zen auß ganzer selen / auß aller deynes sterck vnd auß allen
deynen crefftē dann die weyl wir nit aleyr geistlich crefftē
selen / sonder ouch außwendig sterck des leybs vō got emp
fangen haben. ist es nit gnug / das wir ine aleyr Innwend
dig mit dem hertzen lieben / an in gedancken / an in glouben /
Sonder muessen vnsern glouben ouch außwendig mit dem
leyplichen crefftē volziehen als mit dem mund bekennen / **Paulus**

D

Ro. x corde creditur ad iusticiam / ore autem cōfessio fit ad salutem / Dergleychen mit henden vnd fuesen sampt dem ganzen corper vnser lieb vnd glauben zu got beweyen / Durch beten / fasten / alenmusen geben / kirchenn gehen / die Francken heym suchen vnd andere gute werck / Dann wie kan man sust erkennen ob wir got liebe vñ recht an in glauben oder nit / Dazzu so ist es billich Wie Paul⁹ spricht Ro. vi dieweil wir vnjere gelider oft gebraucht habē zu vnreynikeit vnd dinst des tawfels / das wir sie izo widerumb gebrauchē zu der Ehr gotes / Derhalben so gehet die ganze ler Christi darauff vmb / das wir vns in gute wercken vñ vñ den hymel durch savelkeit vnd lassheit nit vorsomen / zu wolchem er vns izo durch sich selber / izo durch seyne propheten vnd apostel / izo öffentlich izo durch heimlich parabel erinert. Öffentlich als do er spricht Also soll scheynen ewer liecht / das sie sehen ewere gute werck / vnd glorificirn ewern vater der im hymel ist Mathei / v / Item wer mich liebt der halt oder vorbringt meyne wort / Joannis xiiij Item wer meyn wort hort / vnd nit thut / der ist gleych einem narren der auff sand bawet Mathei vij Item nit ein izlicher do spricht / herr herr sonder der do thut den willen meynes vaters / der wirt eyn gehen in das reych der hymel. bidem / Item ir solemeyn frund seyn wann ir thon werden das ich euch heiß Joannis xv Item wer mir nach volgen will der nhem seyn creutz auff sich Luce ix welches creutz vnns Christus vorgetragen / Dann er angefangen nit aleyne zu leren sonder ouch zu thon / cepit. n. Jesus facere et docere Actuum i Also ist es ouch nit genug das wir vil von dem glauben reden oder disputirn wollē sond muessen dz creutz ouch auff vns nhemmen / was dar zu thon mit der that / vñ vns selber gewalt anlegen / Dann das reych der hymel leydet gewalt Mathei xi Dergleyche leret vns Christus ouch heimlich durch parabel als do er die ihenen straffet so den halben tag muessig gestanden waren Mathei xx Item do er den der zu der hochzeit / des glaubens gebeten / vnd das hochzeitlich erber kleid der tuget vnd guten werck nit angezogen het / mit henden vnd fiesen binden / vnd in die auß-

Paulus

No

**Mathe⁹
Joannes**

**Math. vi
Mathe⁹**

*Se am Jena Madam
Luce
Luce*

**Joannes
Lucas**

Lucas

Mathe⁹

Mathe⁹

wendig finsternis werffen ließ Mathei xxij Item do er sey
nen dinern 13 wedern ein Suma gelts vberhendiger vnn
sprach handelt damit bis ich wider kom Luce xix vnd der
Knecht der seyn pfund vorgrabe / vnd nicht mit damit erwor
ben het / ließ er werffen in die außwendigen finsternis Mat
hei xxv Item do der her seynem gertner beuelh gab / den vn
fruchtbar seygē Bom abzu hawē Luce xix Item do er ließ
vor den funff thörichten Junckfrawē die thür zu schließē /
vnd sie nit kennen wolt Mathei xxv darumb dz sie nit öl in
iren lampen / das ist nit gute werck bey irem glauben het /
Dān es ist nicht / spricht Jacobus / das eyner den gloubē
hat / vñ die werck nit hat / Sonder ye mher einer guter werck
thut / ye reichlicher seyn Belonung wirt / der aber sperlich se
het / der wirt ouch sperlich eynschneyden ij cor. ix darumb
so last vns gutes thon spricht Paulus dieweyl wir zeit ha
ben / dann es wirt komē die nacht / darin man nicht mher
thon kan Gal / 6 vnd Ti. ultimo spricht er / laß die vnsern
lernen in gutē werckē furstreflich sein damit sie nit vnfrucht
bar erfunden werden. Also leret vns ouch der weysman vñ
spricht alles das deyn hand thon mag / dz thu vleyssig / vñ
on vnderlasseccles viij / Derhalben alle die prediger / die dz
volck leren / das sie der bloße gloub aleyne / an die werck / sel
lig mache wie Luter spricht in dem scheltbuch wider den
Konig von Engelland / das sind falsche propheten vñ pre
diger / vnd ist ir Ewangeliū dem Ewangelio Christi vñ
der aposteln ler gestracks entgegen Dann wie Paulus sagt
i cor. xij wann ich gleych allen glauben het / also das ich
Berg vorsetzte / vñnd het die lieb nit / so wer ich nicht / Auß
wolchem einnigen spruch gnugsam erscheynet / das der
bloße gloub on die lieb vñ werck so auß der liebe volgē / nit
alcin nit selig / sond ouch gar nicht auß vns macht. war
ist es aber / das der gloub vor allen dingen do bey vñ zuuor
do seyn muß / dann on den glauben ist got keyn gut werck
behiglich heb / xi.

Sinn Nonn Sinn

Das newnzehende zeichen ist / das die warhaffteigen apos
tel propheten vud prediger obgemelte gute werck / So von

D ij

Mathe⁹

Mathe⁹

Lucas

Matheus

Jacobus

Paulus

Salomon

Paulus

Paulus

Mathe⁹

Mathe⁹

Lucas
Paulus

Den gleybigen vnd auß Christenlicher lieb geschehen auch
fur vordinstlich vnd furderlich zu dem ewigen leben ye vñ
ye gehalten vnd geprediget habē Solichs leret vns orstlich
Christ⁹ vnser seligmacher Mathe⁹ do er spricht wolcher
eynem durstige aleyne ein trücks kalts wasser reicher / d wer
de seyn lon darumb vordinen / vnd Mathe⁹ xv do er sagt /
wie er am iungsten gericht zu den außerwelten sprechen
werd / kompt ir gebenedeytē zeygt er keyn ander vrsach an /
irer selikeit / dann ire gute werck vñnd wolthat / gegen iren
nechsten / vnd spricht mich hat gedurst vñnd ir hat mich ge
trenckt zē Diuweyl den ein solich kleyne ding (als ein trück
wasser ist) seyn vordinst bey got hat / was vordinē dā die
frommen andechtigen kinder in den Clostern z die sich selbs
herriglich casteyen / vñnd leyb vñnd leben vñnd theil vñnd go
tes willen / was die Elenden witwen z was die Ehelewtē
die mit gleycher bardin vñnd arbeit / ire kinder zu tuget vñnd
gotes dinst vleyssig auffziehen z Item was vordinen die ge
trewen dinstboten / vñnd alle gehorsame vñnd erthanē die irer
herrschaft vñnd gotes willen getrewlich dinē / gehorsam vñnd
gewertig seyn z was die Regenten vñnd oberkeit die iren vñnd
lassen wol vor stehen / getrewlich schutzen vñnd befrieden z
Summa sūmarum es ist keyn stand in der Christenheit der
nit vordinstlich / wo man in recht helt / vñnd die werck / die er
eruordert / auß lieb vñnd glouben zu got vñnd vñnd gotes wil
len getrewlich vñnd vleyssig vorbringen Derhalbē die do pre
digen das vnser gute werck aleyne danck sagungen / vñnd nit
vordinstlich noch notturrstig seyn / zu der ewigen selikeyt /
das sind lawter Keger vñnd falsche prophetē / predigen wi
der das Ewangeliū vñnd Paulū / darzu wider die Christen
lichen kirchen vñnd ire lerer / Das ist aber wol whar das wir
vñnd alle gute werck die wir vorbringen got loben vñnd danck
en sollen / als dem an des gnad vñnd vorleyhung / wir nich
zit gutes anhebe noch vorbringē mogen zu wolcher danck
sagung vñnd Christus erinnert do er sprach / sint nit gehē ge
reyniget / vñnd so bleyben die newnde Luce xvij. Auch lere
vñnd das Paulus Ephe. v. vñnd spricht ir solt allwegē vñnd
alle ding danck sagen Got dem vater in dem namen vnser

lieben herren Jesu Christi Aber neben dieser dancksagung
Bleybt dānocht ein yedes werck in seynem werd / als fastē/
fasten / Beten / Beten / almußen almußen zc vnd hat ein yetz
lichs seyn vordinst vnd Belonūg sonderlich bey got zu zu
warten / also das die diemutigen / werden erhocht / die her
lenden getrost / die so nach der gerechtikeit durst vnd hun
gert / gesetiget / vnd alle die do vmb gotes willen etwas thō
oder leyden iren sondern lon darumb empfahen werden /
wie der her spricht zu inen Mathei / v / frawet euch vnd
fronlocket dān ewer / vordinst / ist harwffende oder vberflus Mathei
sig in den hymeln Et hec est sana et catholica atqz Ewan
gelica doctrina /

Quisim signm

Das zweyntzigste zeychen stehet in eyner gemeyn auff den
fruchten / Dann ein gut bom wie Christus spricht / bringe
gute frucht / vnd ein böser böse / Also bringen die warhaff
tigen propheten apostel vnd prediger gute frucht / dann sie
machē diemutige / gedultige / gehorsame / zuchtige / kewsche
fromme vnd gots forchtige lewt / wie die heiligen apostel /
die Christenheit orstlich gepflanzt haben / das die Christē
do all zu mal des erbeyn gemuts vnd eynbrenstigen lieb vñ
andacht waren / gegen got vnd irem nechsten / Derhaiben
die Christliche Kirch also zu nam / vnd ir auctoritas vnd
gewalt so gros geacht / das auß irer ler vnd predig / solich
erbere / tapffere / tugetsame vnd frome menschē auffwuch
sen / vnd warden ire apostel vnd prediger erkent auß iren
fruchten / Aber die falschen propheten vnd prediger / gew
gen gleych widerwärtige frucht / machē die lewt hoffertig /
trogig / vormessen / eigen willig / halstarek / vngheorsam /
vngedultig / freuel / lesterlich / kriegisch / neidisch / vnkersch
fawl vnd fressig / vnd on alle forcht gotes / wiesise ire gar
ten fruchte Sant Paul beschreyet ij Timoth ij / do er vñ
diesen falschen lerern geprophezeyt hat / da von wir hie ny
den weyter hören werden / vnd iz teglich vor ougen sehē /
das die iunge welt in drey oder vier iaren / in disen fruchten
also auffgewachsen / vnd leider so gar vberhand genomen
hat / das schir keyn ehchalt mher seynem herrē oder frawē /

Paulus

Diij

Gen. iij
Luci xi

Ich schweyge das kind seynem vater / oder die vnderthanē
Irer oberkeyt / gehoriam seyn wöllen / forchten weder got
noch die welt / vorachten alle gebot / alle gesez / alle Christē
liche ordnung / Das sie ouch / plato (ich schweyge Christ?)
In seynem gemeyn nit hette erleyden können **S** wie vorma-
ledeyer vnd gifftrige frucht seyn das / an wolchē die men- ch
en / nit aleyn den leyplichen tod wie Adam vnd Eua an irē
apfel / sonder ouch den ewigen tod fressen / vnnnd die letzten
ding erger werden dann die orsten /

Auf diesen zweyntzig Bewertē zeichen / mag man ein izlich
en der sich selber fur ein Ecclesiasten / auß gibt erkennen / vñ
darauff ermessen / was das fur furwitz lewt seyn / die do v-
gessen ir trew vnd pflucht gegen der kirchen vnd iren prela-
ten / Solichen fromden vnd falschen prophetē / also nach
louffen / so leichtlich glauben vnd sich so bald vorfurē las-
sen Ja ich hette gemeynt wann der Entchrist selber kōmē /
vnd gelt außgestrowet het die rewtchen vñ sonderlich erz-
liche grosse vnd mechtige Sret / die do sust in allen spilē die
clugisten vnnnd vordersten seyn wöllen / solten sich weder
gold noch silber / wed schwertschleg noch buchsen schutz
dartzu dringen lassen haben / Dartzu sie ein kezerischer auß-
geloffner Monch / aleyn mit siessen erdichten vnd falschen
worten gefurchat / pfu pfu der schanden .

Nota Item de Ep

Luter will darauß das ein Bischoff weyb vnd kynder haben soll. wie
nit leyden **S**āt Paul⁹ sagt i Timoth iij Diweil ich aber disen spruch
dz ich Im Pauli in meynem orsten buch in wider Luters Reformatio
Augusti = nach der leng vnd breit gehandelt / gnugsam vorlegt / vnd
nū od hie den rechten Christlichen vorstand darauß erleret hab / laß
ronimū al ich es noch do bey bleyben / Vnd will den leser do selbst hin
legir vnd geweyßt habē / Das aber Luter hie anhenget / wie die hoch
allegirt po ste tuget der izigen Cardinel vnd Bischoff sey / das sie auß
gium dermassen vngelerte kopff seyn bewert das mit dem lugin-
schreyber Poggio / D. r i seynē facet⁹ neqz faceris neqz pbie /

schreybt / das die zwen bündel an den Bischoffs hutten be-
deuten / das die Bischoff in beiden testamenten / nicht zu
kommen sollen. Sag ich für meyn hoffrecht / das ich bey mey-
nen gezeigten erliche Cardinal vnd Bischoff / gekant / mit
in conuertirt / vñ zum teil noch kenn. Deren kanst ich mir
wünschen wolt / für alles das Poggius oder Luter ye gelernt
haben. Vnd vorwundert mich wie Luter so gar parrē
stoltz / das er so vil hochelewchtē meynen so groblich vor-
achten vnd daneben ouch die hohe Maiestaten Koniglich
vñ fürstliche würde so durstig vorlegen vnd auff sich laden
mag. Dann das er fulleycht die nachuolgenden wort Pau-
li erfüllen muß. Der do spricht ij Timoth ij wie zu den let-
sten gezeigten lewt seyn werden Die aleyne vñ inen selber vil Paulus
halten / vnd ander lewt vorachten / vorraten / schenndē vñ
lestern werdenn / von wolchem spruch Pauli wie (Luters
ordnung nach) igo weyter handeln wollen /

Von der zweyer apostel Schrifft vñ de-
nen so das volck zu den letzten ge-
zeigten vorfuren werden

Es haben die beid Apostel Petrus vnd Paulus vnd nach
inen Judas Zathens in seyner canonica die Kirchen vor-
warner wie zu den letzten gezeigten falsche lerer kommen / das
volck vorfuren vnd gar ander frucht in inen pflanzen wer-
den / wie die selbigen frucht Paulus nach ein ander erzelet
ij Timoth ij wiewol nu Luter gern dasselbig alles auff die Paulus
Bischoff schieben / vnd sich selber weyß Biennen wolt / So
reymt es sich doch bey den vorstendigen gar nicht / dān
Bischoff nit erst igo zu disen letzten gezeigten zu vns kom-
men / sonder von anbegyn allweg in der Kirchenn gewest /
Dortzu so pflegē sic / wie Luter selber bekennet / zu voran bey
disen gezeigten in eiguer person nit so vil zu leren oder pre-
digen dz man sie beschuldigen mocht sie vorfuren die lewt
mit ierer predig vnd ler / vñnd ob sie gleych selber predigen
woltten / wer Luter aber hie / vnd vorferet in das zu dem er-
gisten wie er nawlich ireynen zu der Banck gehawen / Das

*Unverändert
ausgegeben
J. Lutterman*

*Mo quo in
no pre apostoli
vni ep
In nom s. i. m. b. r.
Lutterman*

Joannes

er seynen schafften seyn seel zu pfand hat setzen wollē / das der Christlichen Kirchen ler vnd gloub gerecht wer / So doch der frome puelat in dem nicht anders gethan / dann das im Christus beuolhē / der do spricht ein guter hirt setz seyn seel vor seyne schaff / so er den wolffsibet kōmen Joīs x doch so wollē wir das fallen lassen / dann es meyns vormutens nicht dann ein alter gram ist / vñ in der gedler noch im kropff ligt / an dem er vor zeyten (do er dem herrē keyn schuld noch tadel gebē mocht) seyn zorn auß stossē must /

Damit wir aber zu der houpesach kōmen / wollē wir die vil genanten stell Pauli vor vns nhemen / vnd Luter das zu vor geben / das er die wort seyns gefallens vnd zu seynem Bestē selber vor dolmetsch / daz zu nit auß eynē text aleyn / sonder hyn vñ wider zusamēgetlawbet hat also Lautēde.

Luter

Widerumb hat Sant Paulus nie vorgessen was fur ein leben solch gesellen furen werden / vnter solchen schonē spiz vnd roten hutten / menteln / steben / platten creuzen / vñ andern obgenanten formē / da er sagt ij Timoth . iij du solt wissen / das in den letsten tagen werden seynn ferliche zeit / denn da werden menschen seyn / die viel von yhn selbs halten / geyzig / hohmutig / hochartig / lesterer / dē Eltern vñ gehorsam / vñ dāckbar / vñ geystlich / die sich keyn menschen annhemen / storrige / schender / vñ kerssch / die zu keynem guten lust habe / vorrether / freuel auff geblasen / blindt die in herlieben die wolust denn got / habē eyn scheyn eyns gotlichen lebens / aber seyne krafft vorleugkensie / die soltu meyden zē da sihe / das heyst vnserē Bischoff vñ geystliche iunctern recht contrafeyet.

Emser

Eynayna Luter das heist nit recht cōtrafeyhet / do eynē aleyn den leyß oder dz coipus außstreychet / vñ das hewpt

oder angesicht (da bey man ein ort retht erkennē mag) im
penſel ſtecken laßt / Wie du die rechten hewptſtuck / damit
Sant Paul die) (von denen er redt) ſonderlich angeygt in
der feder gelassen / vñ aleyne erliche gemeyne wort zuſamē
gezogen die ſur ſich ſelber auff nyemant ſonderlich dewten
vnd gleych ſo wol von dir vnd ander leuten als vñ Biſch
hoffen vorſtanden werden mögen / Dann an wolchen ort
oder in wolchē ſtand ſindt man nit hoffertige / geyrige / vñ
lewiſche / ſterrige vngēiſtliche vnd vngots forchtige lewt zē
Wder wo hat man von anbegynn der welt ye einē gefundē /
der mher von im ſelber vnd weniger von allē andern gehal
ten / dann du der die lewt also iemerlich geſchēdet / geleſtere
vorraten vnd auff den fleiſch Banc geopfert vnd vorkouffte
het als du? Noch macheſt du deiner Boſheit allenthalb ein
guten ſcheyn / vñ wilt ſur ein geiſtlichen man gehalten
ſeyn / Lieber Meynſt du nit wann Sant Paul vñ Sant
Peter / diſe prophecy aleyne auff die Biſchoff geredt / ſie het
ten gleych ſo bald öffentlich ſchreyben können / zu den let
ſten zeyten werden komen falſche Biſchoff / als ſie geſagt
haben von falſchen propheten / vñ lerern / die ſcheffin kley
der antragen / wolches von den Biſchouen / die mher in
Marderin ſchawben / Scharlach / Samat / vñ ſeyden eyn
hergehen / ouch nit vorſtanden werden mag / derhalben ſo
muß vñ will ich deynem halb contraſeyten ſtrumff ort
das hewpt (das iſt das ihen das du dem volck felſchlich
haſt Bergen wollen) ganz anſetzen / recht auß ſtreychen od
contraſeyen vnd meniglichen kund vnd offenbar machen /
das Sant Paul hie nit von Biſchoffshuten / ſpizen oder
ſteben / ſonder von Monchs kugeln vñ kappen geredt hat /
Wie dān ouch ſeyd der zeyt / durch ander frome lewt gepp
herzeyt / vnd vor vierzig iaren ein Monch öffentlich in eyn
Buch getruckt worden / der die tewtſche nation zu diſen ge
zeyten im glauben vorſuren würd /

Jch proteſtior aber hie vor allen dingen das ich die fromen
Monch die ir profes vñ regel getrewlich halten / ſie ſeyen
was ordens ſie wollen / hiemit in keyn weg beſchwert habe
E

160
Sed quod f. p. dicit
15 1/2 m

wil/ Sond aleyndie/ so wie Sant Paul hie sagt ein scheyn
haben eins geistlichen lebens vnd die crafft des selbigē vor-
leucken/ das ist die weder beten/ fasten/ messe/ noch an-
der geistliche vbung halten/ vnd ir glubd vnd eid vorleugē-
nen/ als hetten sie die nit got/ sonder den mensche geschwo-
ren Contra illud Mathei xxiij quicumq; iurauerit in tem-
plo/ iurat in illo/ et in eo qui habitat in ipso. welches aber
die fromen nit entgelten sollen/ Dann gleych wie auß allen
Chören der engel erzlich gefallen vnd dannoch der mher
teyl bestendig beliben / also ist ouch keyn wunder das izo
auß allen orden erzlich vmbfallen vñ auß den Clostern louf-
fen/ dān so der tewfel was groß außrichtē will muß er dem
alten sprichwort nach / ein Monch oder ein alt böß weyß
dar zu brauchen/ vnd werden dannoch vngezweyelt der
mher teyl in den Clostern bestendig bleyben/

Was Luter (do er Sant Pauls wort handelt)
listiglich außgelassen hat.

<p>Paulus Ex his. n: erunt qui penetrant domos Matheus</p>	<p>Distlich so hat Luter hie felschlich vorhalten/ Das Paulus zu eynem sondern zeichen vnd erkentnis / der ihenen / von denen er redt/ so bald nach den obgnanten Worten angehā gen hat/ wie sie auß denenn seyn werden/ die den lewten ire herwer durch kriechen vnd durch schlieffen / von wolchē ouch Christus sagt Mathei xij wie sie armer lewt herwer außessen/ vñ inen ir langes gebet da für vorkewffen/ wolch es ye nit von den Bischouen vorstanden werden mag / die nit also von hawß zu haws vmblouffen beteln / sond wie Luter selber sagt/ auß hohen hengsten reyten / vnd als dye warhafftigen hyrten vnd regenten der kirchen / irem stand nach/ mit irlichē rentē vñ eyn komē erlichē vorsorget seyn/ Zum andern hat Luter ouch nit on tag kōmen lassen wol- len / wie Sant Paulus noch klerer auff in vnd seyne anhen ger stymmet/ in dem das er sagt wie sich die selben gesellen zu den weyberichen (die do mit sunden beschwert vñnd / volfurwitz seyn) halten/ vnd die selben gefangen nhemen</p>
<p>Paulus Et capti- uas ducūt muliercu- las onera- tas pecca- tis que du- cuntur va- rijs deside- rijs</p>	<p>Luter selber sagt/ auß hohen hengsten reyten / vnd als dye warhafftigen hyrten vnd regenten der kirchen / irem stand nach/ mit irlichē rentē vñ eyn komē erlichē vorsorget seyn/ Zum andern hat Luter ouch nit on tag kōmen lassen wol- len / wie Sant Paulus noch klerer auff in vnd seyne anhen ger stymmet/ in dem das er sagt wie sich die selben gesellen zu den weyberichen (die do mit sunden beschwert vñnd / volfurwitz seyn) halten/ vnd die selben gefangen nhemen</p>

werden/ Darauff die glosa ordinaria (So von der ganzen Kirchen angenommen) sagt das gleych wie der tewfel im anfang der welt/ Adam durch ein weyb betrogen/ also wordē auch dise knaben/ in den letzten tagen/ oistlich die weyber/ vnd darnach durch die weyber/ ire menner eynhemē / vñ vorfuren/ das ist/ sie werden sie vñ dem gehorsam der kirchen vnd irer prelaten/ auff ire name lehren/ durch wolche sie inen ir sund billichen/ ir gewissen laß vnd locherig machen/ vnd sie aleyne irem rat folgen heissen/ wie wir dann teglich/ vor ougen sehen/ das sich soliche weyberliche/ Luters ler zumal gern annhemē/ vnd sulleycht nit on ursach / darumb sie dann der apostel auch nit vorgebens weyberliche/ oder (auff gut Sw. bisch) weyblach / vñ nit weyber genent hat/ Dann ein starck weyb/ wie die was die Salomon beschreybet/ Sapientie vltimo bleybt auff irem alten glauben/ vnd nhemet sich diser ketzerischen ler gar nicht an/ dann sie weißt das ir gewissen reyn / vñd ir solicher Buben trost oder ratt gar nit von noten ist.

*Nota hie vñ
interius fuit
hinc vñ admittit*

Salomon

Zum driten hat Luter vnder die Bancck gesteckt/ das Paulus die vilgemelten falschen lerer/ den zwey zoubern Pharaonis vorgleycht/ vñd spricht gleych wie Jannes vñd Mambres Moysi widerstrebt vnd widerstanden habē/ also werden auch dise vorfurer widerstreben der offentlichē warheyt/ das ist der Christenlichen kirchen vnd irer prelaten (die do durch Moysen bedewt werden) warhafftigen ler gewalt vñ oberkeyt/ wolches abermals vñ den Bischouen (die irem oberstenn dem Bapst gehorsam leysten) nit vorstanden werden mag /

Paulus

Zum vierden hat Luter außgelassen/ das Paulus hie sagt wie die genanten vorfurer/ eins vorferten od vorwoiffens glaubens seyn werden/ zu lateyn circa fidem reprobī wie er auch I Timoth iij offentlich spricht/ Das zu den letzten gezeiten eglich vom glauben abtreten/ vnd nachuolgen werden dem geist des irthumbes vnd ler des tewfels / zc Zu sehen wir vor ougen/ das die Bischoff ob sie gleych an irem le

Paulus

Ben mancherley mißbrauch vnd gebrechē haben / dānocht
noch vhest stehen bey irem alten glauben / Aber Luter will
vns nit aleyne ein andern gloubē / sond / ouch ein new Ewā
gelium eyndringen / sagt wer seyn Ewangelium nit annhē
der moge nit selig werden So doch der heilige Paulus zu
den galathern spricht wā vns ouch ein Engel vom hymel
ein ander Ewangelium leren wolt dann er geprediget / der
soll vormaldeyt seyn Gal 1 /

Paulus was aber Lutern vnd seyne gesellen in dem glauben irrend
vnd abtrynnig mache Erzelt gemelter Paulus 1 Timoth.
1 do er den heiligenn Timotheum ermanet sich ritterlich zu
vben nit aleyne im glauben sonder ouch myt guten gewissen
wolches erzlich vorachtēde (spricht Paulus) im glauben
vndergegangen vnd vordorben seyn / als wolt er sprechen /
sie haben sich aleyne an glauben halten / vñ nit darnach fra-
gen wollen / das gewissen wer reyn oder nit / wie Luter vnd
seyne anhangendē winckelprediger dem volck izund ouch
sagen / das vns der bloße gloub aleyne selig mach / vnd so vil
seliger so vil das gewissen vnd die werck vnreynet seyn /

110
Also erscheynet clerlich / das Sant Paul mit disen funff
hewptstucken (welche Luter hinderlistiglichen außgelaß-
sen) nit die Bischoff / sondern Lutern vnd seyns gleychen
kerzerische außgeloffen Monch vnd falsche lerer / abcontra-
feyet hat vnd geschickt Lutern gleich wie dem von wolch
em Horatius schreybet / Tantale quid rides / mutato nomi-
ne de re / Fabula narratur /

120
Aber gleych wie redlich Luter mit Sāt Pauls schrift vmb-
gegangen / also bidermēisch / handelt er ouch Sant Peters
Epistel / id est / alles das / so Sant Peter auff in vnd seyns
gleychen geschriben wendet er (als eyner der den Esel gerē
furter vorkuffen wolt) auff die Bischoff / macht auß dem
Erwürdigen namen Papa / ein Priapen / auß Papisten Pri-
apisten / auß Pfaffen / naul affen / auß Fursten Gectē / auß
menschen Esel / vñnd auß Sant Peters Epistel eyn bau-

Berey/gleich wie Quidius in Metamorphosi vñ Lucius
in seynem guldin Eßel geschriben habē/so ein langschamp
per coment schreibet er vber das einig capitel Petri / So er
doch zuuor vilmaln gesagt / wie die schrift allenthalb so
clar vnd hell an ir selbs sey/ das sie Keyner auflegung bedoe
ffe/ Dieweyl dān diese ding alle/ mit aleyñ Bapst vñ Bischo
uen / sonder ouch der ganzen Christenlichen kirchen vñnd
zuuor auß/ dem heiligen Petro zu schmach vnd lesterung
reychē/ gleich als ob Sāt Peter/ die Christen soliche leicht
fertige ding gelert vnd geschriben hett/ Will ich zu sterck d
Christenlichen warheit / das vil gemelt capitel Petri mit d
hilff gots/ anderst handeln/ dann Luter gethon hat / vñnd
zu klaren vnderseyd/ allwegē von orten/ die wort Petri/
darnach Luters auflegung / vñnd zu letst den rechtē Chris
tenlichen vorstand fur tragen/ auß wolchen meniglich vor
stehē wirt/ dz Luter Sant Peters / gleich wie vorhin Sāt
Pauls/ schrift/ falschlich vorkert/ vñnd auff ein frombden
syn gezwungen hat/

Petrus .z. Pet. z.

Es waren vorgeyten ouch falschen Propheten ym volck/
also werdē vnder euch ouch seyn falsche / lerer die da neßē
eynfuren werden vorderblich secten vnd stende. vñnd wer
den vorleucken den herrn der sie erkauft hat / zc

Luter

Diese wort mögen yhenit / denn von den Bischuen vñnd
geistlichen regenten ym volck/ vorstanden werden So sehē
wir/ wie sie neben der leere Christi/ auch menschen lere / sec
ten/ orden/ mancherley stend auffgericht vñnd ym die welt
gefurt haben. wolche alle auß dem gemeynen wege Christ
lichen gloubens/ sondere werck vñnd weyße zu lebē furgebē/
damit wirt Christus vorleucket/ der vns erkauft hatt/

Emser

Dise wort /mogen in keyn weg/vō den Bischouen vorstā-
den werden/Dann die/von wolchen Sant Peter hie sager/
Die Bischoff vnd regenten voruolgen vnd vorachten wer-
den/wie kurz hie nachuolget do sie Sant Peter nennet cō-
tempores dominationū. vber wolche wort Erasmus vō
Rotterdam also schreibet. Agit enim Petrus hic de prefraca-
tis et intractabilibus qui non obtemperant prefectis suis z
Episcopis. Das ist Sant Peter handelt hie von hartsynni-
gen eigen willigen lewten. Die iren prelaten vñ Bischouen
nit gehorsam seyn wollen. Dartzu so furkomet Sant Peter
Luters auflegung auff die Bischoff / so bald im anfang/
das er sie nit Bischoff/sonder falsche Doctores vñnd Ma-
gistros nennet. Erasmus enim Doctores ver⁹ autem inter-
pres Magistros transtulit. Das aber Luter den Bischoūē
ouch aufleget / wie sie die vil vñnd mancherley sect vñnd
orden sampt iren weysen vnd wercken / eyn gefurt haben/
ist ein offenbare lugin dann Luter der selbē sect oder ordēs
lewt oucheiner ist. Er kan aber mit warheit nit sprechenn.
das der heilig Augustinus oder yendert ein ander Bischoff
Die selbigen seyn sect vnd orden eyngesetzt hab. sonder ist
es wie Joānes andere beweyst/ein gesamelt schwarz hōr *hier*
Das do (gleych wie die hōrschrecken on ein Konig) also
on ein sondern patron oder houptman / auß mancherley or-
den zu samen gelesen / So sint Dominicus vnd Francisc⁹
ouch nit Bischoff gewesen / Aus wolchem Wickleff bewegt
das er dise wort Petri vonn den secten / ouch gleych wie izo
Luter auff die betel orden gedewt hat lib. i de diuisione reli-
gionum do er schreybt dieweyl die apostel erwā zu Antioch-
hia allen Christen aleyn ein regel vñnd ein namen gegeben
das sie nach Christo Christen heissen / vnd sich nit nennen
sollen einer nach Paulo / der ander nach Cephe / 8 drit nach
Appoll. zc So habe nyemant dann ber twffel / die gemeltē
orden eyngefurt / die ives gotes vorleucken vñ sich nit nach
Christo sonder nach Francisco Augustino Dominico zc.
nennen thuen /

Sehet ir lieben Christen. wie vngleych stymmen dise zwen

Erzkezer zusammen / Luter sagt die Bischoff habē vns vil
genente orden vnd secten eyngesurt / So sagt Wickleff der
rewfel hab es gethan. wer will sie nu concordirn? Sollen sie
nit billich beid kōmen zu ir muter / der Christenlichē Kirch
en / vnd von der selben den rechtē vorstand der schrift emp
fahen / Die sie fulleycht leren wirt / das sie beid geirret / vnd
Sant Peters wort nit recht vofstanden / der nit von den or
den der geistlichen (wo sie anderst recht gehalten werden)
geredt hab / Sonder von vorderblichen secten oder parthey
en der Kezer vnd falschen lerer / die das volck teilen vñ trē
nen auß der einikeit Christi vnd der Kirchenn / wolche ob sie
gleich iren got bekennen mit dem maul so vorleucken sie in
doch mit der that **Li. i** Confitentur se nosse deum / factis
autem negant / ad omne bonum opus reprobi wie wir sehē
das sie fasten / Beten / messlesen / vñ alle gute werck vorwer
ffen vñnd vorspōten. wie Paulus oben ouch gesagt das sie
ein scheyn haben eins gotlichen lebens / vñ doch seyn crafft
vorleucken / ij **Timoth. iij** vñnd von solchen secten sagt er
ouch / **Gal v** / das sie / das reych gotes nit besitzen werden /
herwiderumb so seyn die geistlichen orden / wo sie irer auff
sagung nach recht gehalten / nichtzit dann eyn schul aller
gotlichen tugeten. vnd nit vorderblich sonder seligliche sec
ten / non perditionis inq̄ sed saluationis. in quibus vocati
a domino commodius saluare id est custodire possunt ani
mas suas ab hoc seculo neq̄ vt infra latius excutiam.

Petrus

Die werden vber sich selber ein schnell vrteil holen **Et infra**
dān ir vrteil sich nit sermet / vñ ir vdamnis nit schlefft. **zē.**

Emser

Zu diser clausel Petri schweyget Luter stock still / dān die
weyl er weiß das der Bischoff Stand vñ wesen nu bey den
funffzehen hundert / vnd die Berel orden bey drey oder vier
hunder iaren vngeferlich bestendig vnd vnuorruckt blißen /

Paulus
Daniel

Lucas

Mathe^s

Van er disse wort Petri / so von schnellem vndergang oder
vorderbē sage / mit gutem fug / weder auff die Bischoff glo
sirn / noch auff die geistlichen orden / in gemeyn / vnd mogē
gemalte wort von nyemant vorstanden werden dann von
de ketzern / Es seyen nu einzel Monch oder Pfaffen / wolc
he wie oft sie ein nawe Ketzerey ertickt habē / seyn allweg vō
der kirchen durch gemeyne concilien mit vrteil vnd recht v
dampft worden / vnd hat ir sach keyn bestand gehabt / wie
bis her ein gemeyne red gewest / das keyn Ketzerey ober hun
dert iar bestehen mög / Es sey dān das der iungste tag mit
gewalt her zu dringen / vnd meniglich von dem gehorsam
der kirchen abtretten woll . wie Paulus ij Thess . ij . vnd /
Daniel eiusdem rj sagen das vor hin das volck gar zerstro
wet / vnd von dem alten glauben abtrynnig werden soll /
wolchē ouch Christ⁹ gezeucknis gibt Luce viij do er sagt
Meynstu so der son des menschen komen wirt das er ouch
gloube auff erden finden werd^t / Aber nach meynung vnd
weyffagung ezlicher heiliger mennen vnd weyber / So wirt
dise izige Ketzerey / durch den grossen Adler noch ouch zer
stort / vnd nit aleyndie Behem sonder ouch Turcken / Sara
cener vnd alle secten der Ketzerey oder vngelawbigē / wideruβ
mit der kirchen voreynt / vnd als dann frid in der Christen
heit werden bis auff zu kunfft des EntChristis / welches
alles bey got stehet / der zeyt vnd ougenblick in seyner ge
walt hat / Act . i vnd vns weyter nit geoffenbart / dann dz
wir vleyssig wachē sollen / Dann vns der selbig tag / gleych
wie ein dieb in der nacht vber schleichē werd Mathe^s xxiij .

Petrus

Vnd vil werden volgen irem vorderben .

Emser

Zie zu schweyget Luter aber still dann er weist wol das di
se wort nit von den Bischouen vnd prelaten der kirchen ge
sagt seyn Sust wer Sant Peter im selber entgegen / dann er

zu vor: Pet. ij geboten hat den selben zu folgen vñ gehor-
sam zu seyn / sie seyen gut oder böß. Darumb so redt Sant
Peter diese wort hie/nit von den alten guten Christen / die
irer vorordneten Prelaten vnd Bischouen ler nach volgē/
Sonder von denen die der newē falschen lerer / vorderblich
en sect vnd ler anhangen vnd inen nach volgen deren leider
wie Sant Peter sagt vil seyn / ia ich weyß schier keyn stat
noch flecken im reych / oder ye gar wenig als die fromē lewt
auff dem Aldenberg oberhalb Dresden gelegen / Do noch
gar keyn mensch wed iung noch alt / wed man noch weyß
weder regenten / noch vnderthan geistlich oder weltlich ir
knye vor disem abgot gebogen / sonder iren alten gloubē mit
mund vnd hand vorfechten / deren rittrlich vnd bestendig
gemut im glouben / billich zu Breyßen / vñ in ein Chronick
zuschreyben ist /

Der alts B
erg ober
Dresden

Petrus

Vnd der weg der warheit wirt von inen vorlestert werdē /

Luter

Dann sie leren durck werck from vnd selig werden / daruber
sie den weg der warheyt lestern vnd vormaldeyē So doch
aleyn Christus vnser selikeit ist zc /

Emser

Die Christliche Kirch weist wol das keyn ander nham in
hymel vnd auff erd / in dem wir selig werden mogē / dann S
gebenedeyten am Jesu Christi Actū iij. Sie gloubet aber
doneben ouch das Christus die warheyt nit gelestert do er
gesprochen hat / wie er ein iglichen richten / das ist seligen
oder vordammen wöll / nach seynem wercken / wie obē auß
dem achzehendē zeichen / dadurch man die falschē Eccle-
siasien erkennen mag / gnugsam vorgezelt worden . derhalbē
ob gleych die Christlich Kirch / oder ire Bischoff / vns zu
S

Lucas

Mat. xvi

Petrus

**Lucas
Paulus**

guten wercken treyben vnd anhalten / geschicht zu vnserm besten / vnd wirt do mit der weg der warheit nit gelejert. Die lestern aber die wa: heyt / die durch den gloubē vñ rouff orflich von ir schuld gereyniget worden / sich darnach widerumb mit sunden beslecken vnd dānocht das selbig alles mit dem blossen glouben schutzen vnd vortedigen wollen / von wolchen S: int Peter: hienyden am Ennd dis capitels schreybet / also sprechende / wo sie aber / nach dem sie durch erkentnis vnser herrē Jesu Christi (das ist durch dē glouben) der unreynikeit diser welt entflohe / sich widerumb damit vor wickeln vnd vberwinden lassen werden ire lestern dinger ger dann die orsten / Also ist ge: chehen Ananie vnd Saphyre / Actū . v . Hymeneo vnd Alexandro / Timoth / Item dem Corinthier / 1 cor . v / vñ andern / wolche alle ir gloub vnd rouff nit helfen mocht / dan sie die apostel nit vmb vnglauben / sonder vmb ir werck vnd sund willen gestrafft haben .

Petrus

Vnd auß geytz werden sie mit erdichten worten vmb euch Jarmarcken /

Luter

Duch sehen wir wie sie voll geytz / alle predigt vnd lere dahin richten das man in nur gebe ꝛc .

Emser

Wo Sant Peter gesprochen het sie werden vmb erwer hab vnd guter Jarmarcken. Mochten dise wort fulleycht nit aley n auff Bischoffsond ouch auff ander geistlich Monch vnd pfaffen gedewt werden / die all woll erleyden konnen das man inen nu vil gebe . wolches ouch / on Luters auflegung / ein yeder Parwer vorstehen mocht Diweyl aber S: int Peter spricht sie werden mit erdichten worten vmb euch sel

Bei Jarmarckten. Kan das von den Bischouen vnd pfarrern, deren Kinder/schaff/vnd vnderthan wir vorhin seyn/nit vorstanden werde/Dann keyner Kouffschlager vmb dz/so vorhin seyn ist derhalb so muesse dise wort petri, meyns Bedenckens/ein hohern vorstand haben. vñ auff die Kezer lawten. Die der hinderlistikeit seyn/dz sie gleych wie die geltzuren orstlich aleynd der person begern/vnd sprechen komich im idas hertz/Ich will im darnach wol in den beytel kommen/also frage die Kezer orstlich ouch nit nach dem gut/sonder handeln vnd Jarmarckten aleynd vmb die personē/die selbigen der Christlichen kirchen abzugihen vñ auff ir sect zuzure/e wie Luter sich teglich vleysset ein nach dem andern eynzunhemē/seyn hawffen zu mhern/vnd dem vnsern abzubrechenn/Ja er laßt sich nit benugen an vns tewrschē/sond iarmarckte igo ouch vmb die Bohem wolch en er ein Brieff geschriben/vñ sie hoch ermant hat/von hus sen ler nit abzustehen vnd sich dem Papst in keyn weg vnderwerffen/mit erbietung wo sie galathey/so woll er ir Paulus seyn/vnd selber zu inen komen/Ich laß mich aber beduncken/sie werden im den rock nit firtzureyssen/vñ keyn andern Paulum mher anhemē/dann den die Christlich kirch angenommen vnd Christus im selber zu eynem was der außerwelung erkorn hat Actuum ix.

Luters Brief
an die
herren zu
Bohem.

Lucas

Petrus

Dan so got der Engel nit vorschonet hat Et infra vnd der ganzen welt da sie noch narw war. Et infra vñ die Stet Sodoma vnd Gomora hat er zu aschen gemacht zc.

Luter

Drey schrecklich exempel mit harten starcken wortenn/bildet er disen tyrannē fur. von den Engeln/von der welt/vd Sodoma Aber es hilfft nit/vnser eunckhern gloubenn nit das von inen gesagt sey/

Emser

S ij

Werlich libes Luter / Ich besorge/dz diese wort Petri ouch
 mher auff dich/dan auff die Bischoff geredet seyen. Dann
 warub wardē die Engel auß dem hymel vorstossen / dann
 vmb hoffart willen? warumb ist orstlich die nawe welt/vn
 nachmaln die funff Stet Sodoma/Somorra ec. vnderge-
 gangen/Dann vmb vnkeusch/volbretikeit/muessig gehen
 vnd fawlkeit willen? wie der prophet sagt Ezechelis xvi.
Ezechiel Tu ist orstlich deyn hoffart nit vil weniger dann Lucifers
 ceteris paribus Dann Lucifer sich dem aller hochstē aleyn
 vngleychen/vnd seyn stul neben in auff die seyten des aqui-
 lonis oder Nordens setzē wolt Esaie xiiij. So wilt du dem
 aller hochsten auff erden vnserm heiligen vater dem Papst
 ob ersten priestern vn nachgelassen Stathalter Christi / nit
 aleyn gleych sonder weyt vber in seyn / vnd dich nit settigē
 lassen das deyn stul/neben im stehe / Sonder den seynē gar
 vortilcken/dann du in Bannest/ vnd vorfluchest / Eima-
 nest/bittest vnd gebietest meniglich sich seyns vn d Bischof-
 off gehorsam zu ewssern / vnd dir nach zu volgen. Derhal-
 Ben zubefahren das gleych wie deyn anfang vnd furnhe-
 men mit Lucifern vber einkomme / also werd ouch dz ennd
 fast gleych seyn/wölches ouch ewer beider nahimē stillsch
 weygend anzeigen/dann Luter vnd Lucifer den Buchsta-
 ben nach im anfang vnd ennd ouch gleych mitein ander
 vber eyn stymmen.

Esaie

Moises

Zum andern So sagt vns die schrifft Genesis . v . die vr-
 sach warumb got vber die nawe welt also erzornē wordē/
 vnd spricht/do die kinder gotes sahen / das die kinder der
 menschen/sewberlich vnd schon waren/nahmen sie die zu
 der Ehe/ auß wolchenn vngewore grosse Bissen geporn
 wardenn/ die got vorachten ec. Dife vrsach vornewest du
 izo/ ond bewegest got widerumb zu zorn/das du die kind
 gotes Monch/Pfaffen vn Nonnē treybst vn reizest / irem
 prewtig i Christo vrlonß zugeben / vn sich mit dē mēschē
 Kindern vorheyratenn / wider alle Christenliche vbung da-
 durch got vnd seyn heilige Kirch groblich voracht werdē/

*luter
lucifer*

Zum dritten ermanest du' dz gemeyne volck ouch zur vol
brietheit vnd vorachtung der abstinenz vnd geborenen fastel
tag/ vnd gedencst nit wie es Adam ergangē der er vō dem
vorbotten apfel aß Gen. iij. Noch an den Koch Nabuzar
dan der Jerusalem zerstort vnd das hawß gores vorbrent
hat iij. Ke. xxv. Dartzu machest du fawl vnd losse Chris
ten/ das du inē furbildest die werck seyen inē nit nutz/ ouch
nit von noetē. wie du izo aber in der vorred vber das newe
testament/ sprichst/ das Ewangeliū erordere keyn werck
Sonder aley n gloubenn/ Sey ouch keyn gesetz noch gebot/
vnd dring die lewt nit/ sonder lock/erman/ flehe vnd bitt/
dergleychen die Apostel ec. Tu ist oben in dem achtzehendē
zeychen/ do bey man die falschē Ecclesiasten erkennē mag
gnugsam bewert wie das Ewangeliū allenthalbē weyst/
dringt/ vnd treybt vns zu guten werckē/ Ja es gebewt sie
ouch so gar an vil orten/ das du vorhin selber gelert vnd ge
schriben/ es sey keyn rat/ im Ewangelio/ sond eytel gebot/ Luter wi
Derhalben ich anderst nit gedencen kan/ dann dz dise drey der sich sel
obgenante exempel Petri dich als ein falschen vnd vorkertē ber
lerer selber betreffen/ wie wol du das selbs ouch nit gloubē
noch behertzigen wilt.

Petrus

Also kan got die gotsforchtigen von der anfechtung erlöse/
vnd die vngerechten bis auff den tag des gerichtes zu peyni
gen behalten. vil mher dise/ die dem fleisch volgen vnd wā
deln in den begirdē der vnreynikeit/ vorachtē die herschaff
ten/ sint kien vnd durstig/ vil von in selber haltende/ vnn
haben keyn schawen secten zu machen vnd die Maiestatē
an ire Ehen zu vorlegen/

Luter

Aber sihe wie feyn er stymmet mit Sant Paulus / das er ir
vnkewsch vureynēß frey leben beschreybet. vnnnd spricht sie
sint durstig vnnnd freuel/ halten vil von sich selb so gar ser
S iij

*Comarist
in Intro
vnde*

Luter wi
der sich sel
ber

Das sie ouch die weltlichen herschafften vñ alles was hoch
vnd Maiestaten sint vorachten/ Dann der Bapst hat sich
lang vnderstanden/ Konig vñnd Fursten vnder die fies zu
tretten/ absetzen/ Bannen/ vormaldeyen zc. Et infra. Dar
zu helfen die Bischoff/ vnd alle geistliche/ vñ sint die rech-
ten cõtemptores dominationis et Blalphematores maies-
tarum/ die keyner herschafft vnderthan seyn wollen / we-
der mit leyß noch mit gut/ Sag mir hat nit Sant Peter vñ
sere iuncthern hie recht troffen ec.

Emser

Wie meisterlich kã sich diser Sathã/ in ein Engel des liech-
tes transfiguriren / vñnd seyn Bosheyt einem andern ansch-
mincken Dann wer hat Bapst Keyser Fursten Bischoff/
vnd alle hohe stend oder Maiestatẽ / ye leichtfertigher/
gehandelt/ voracht/ vorschumpfirt vnd vorletzt dann Lu-
terus Der den Bapst ein Entchüst/ den Keyser/ ein Tyrans-
nen die Fursten tilcker des Ewangelijs vnd die Bischoff
Seelmorder Eßel vnd narren nennet / Der sich ouch wed-
den Bapst noch den cõciliẽ / wed geistlicher noch weltlich
er gewalt vnderwerffen/ vnd gar keyn herrẽ / keyn Richter
noch keyn recht dulden will/ So die Bischoff den in herteil
all regalia vnd lehen vom Keyser haben / vnd im/ so offt er
sie vordert/ zu hoffreyten/ mit leyß / gut / Land / vñ lewt di-
nen/ vnd zu gebot stehen/ Derhalbẽ diße wort auff nyemãt
dann auff Lutern selber lawten mogẽ/ Dann dz der Bapst
vnd die Bischoff egliche Konig vnd Fursten/ zu weylen/
gebannen/ oder gar abgesetzt habenn/ ist nit geschehen auß
vorachtung/ sonder auß Priesterlicher oberkeit vñnd orden-
licher macht/ die inen got gegeben hat zu binden vñnd zu
entbunden/ in hymel vnd auff erden / vnde spricht nyemãt
das Gregorius Mauricio / Ambrosius Theodosio / Con-
stantinus Philippico / Stephanus Leoni / oder Adrianus
Constantino vnrecht gethan / das sie gemelte Keyser gebã-
nen vnd zum teil abgesetzt/ vormaldeyt vñ fur Ketzer mit
vrteil vñ recht erkent habẽ / wie in meynen vorigẽ Buchern

wider Lutern vñ Carolstaten auch vormeldet ist / Mit w^z
recht oder fug aber Luter Bapst vnd Bischoff ires ampts
gewalts vnd standes entseze / vormaldey / vnd in abgründ
der hell vorfluche / will ich in vorantwurten lassen /

Petrus

So doch die Enngel wolcher crafft vnd macht grosser ist /
nit wol erdulden mögen das gericht irer vormaldeyung.

Emser

Suma Summarum wiewol Luter hie zu aber schweyget /
so ist doch dz Sant Peters meynüg / dz der Ketzer straff vñ
gericht vil schwerer werd (wiewol sie der natur schwächer)
dann der Enngel / vrsach das die Ketzer nie aleyn die sund
thon / vmb wolcher willen die Enngel gestrafft worden / als
hoffart / vngehorsam / vnd äckbarkeit / lesterung ec. Sont
laden auch auff sich die sund des vnglaubens / dā sie / wie
oben gehört / eins vorkerten glaubens seyn / Derhalbenn sie
villich schwerer dann die Enngel (wolche doch wie Jaco
bus sagt glauben) gepeyniget werden / wie sie aber soliche
schwere peyn ertragen mögen / do las ich sie vmb sorgenn /
wiewol sich Sant Peter hie vorwundert das sie / so gar vor
wegen vnd so gar nicht dar nach fragenn derhalbenn er sie
auch vorgeleyhet den vnuomiffrigē thieren / die do zu fā
hen vnd zu wirgen naturlich geporn seyn /

Warumb
die Ketzer
schwerer
sundē dan
der wiffel
Jacobus

Petrus

Sie achten fur ein wollust / gute tag zu haben prassen von
ewern gutern vnd ist ir sund keyn end noch auff horen ec.

Luter

Liber wer sint sie / die von der ander guter wol lebē? wer sind
sie die da meynen es sey gnug das sie gute tag haben? Et in

fra Weyße man nit dz Bistumb / stift / kloster / hohe schulen / eytel schmalz grub e sind. dar inn Furstē vñ aller welt guter sich samlen / vñ sie vñ agē gutern nicht zit habē ec.

Emser

Ich will nit glauben das Bischoff / Stift / oder gestiftete Closter auff ander lewt gut prassen / dann was mā eynem gibt das ist seyn Ob man inenn aber zu vil oder zu wenig geben hab. laß ich in eynem werd. Dergleychē muesen Doctores vnd Magister in den vniuersiteten / vmb das so man in gibt ouch arbeiten vnd das vordinen Derhalbē sie ouch nit auff ander lewt gutter / sonder auffiren sold vñ vordintten lon zeren oder prassen / Die versach aber warūß Luter den Bischoven Pfaffen / Monchen / Vniuersiteten

Warumb Doctoribus vñd Magistris so gram / ist / gut zu riechen /
Luter den wer die schnoppen nit hat / Dann also sind ouch die Wolff
geistlichen den hyrten vnd den hunden gram / wie wol es leider dartzu
vñd dē ge komen das vnser schaffiden schier al! stumb worden / vñ
lertē so gr lassē den wolff vñd dē schafften vmbgehē wie er selber will /
am ist :

Petrus

Sie volgen dem weg Balaam von Basor / der das lon der vngerechtheit liebet / vorlassē dē rechtē weg vñ gehē irr / ec.

Luter

Gleych wie Balaam vom Esel ward gestrafft / also sehen wir izo ouch das der geytz so vnuorschempt bey in regirt / das der gemeyn mā ouch ein sprichwort darauff macht ec.

Emser

Vorlegüg. Dis ist ein alt kezerisch argument / dz gleych wieder Esel
des altē ke seyn herren Balaam gestrafft hab / also mugen ouch die vn
zerischen derthanen ire oberkeyt straffen Es ist inē aber vor lang vor
argumēts leget dann der Esel lestert vñ vo: maledeyet seyn herrē nit /
von Bala wie Luter izo der oberkeit mit fert. Sonder sprach mit senf
ams Esel thier / darauß du stets pflegest zu sizē ec. Also mögē ouch
die vnderthanen ire herren mit guetigen worten anredē vñ
bruederlichen straffen / wo sie ein redliche versach wider sie
habē / Wolche bruederliche straff ein izlicher Christ dem an
dern schuldig ist / doch das die o:stlich heimlich geschehe

zwischen inen beyden / in der guete vnd nit mit schelwortē / Mathe
wie vns Christus gelert hat / Mathe xvij / Das aber die
vnderhanē einicherley gewalt oder richterlicher straff vber
ire herren haben / als die Ketzer das dewtenn / ist wider des
Efels (den sie anzeigen) handlung / darzu wid alle schrifft
vnd ordnung gotes Cum. n. neqz pari in Paremius sit quā
to minus subditis in eorum prefectos :

16-25?
Petrus

Dise sint Brunnen on wasser / wolckenn die der wind hin
vnd her treybt. zc.

Luter

Er gibt ouch den Bischouē ire rechte titel / was ist ein Brun
an wasser vnd wolckē on regē / dan ein Bischoff an predig
Emser

Es hat wol ein scheyn dz Luter hie sagt / es gehört aber hie
her nit / Dann Sant Peter hie nit redt von denē die gar nich
zit predigen / als die Bischoff bey vnsern getzeyten / Sond
von denen die falsch predigen vnd leren / wie er dis capitel
von falschen Doctoren vnd meistern angefangen. Wolche
er hie wideruß durch zweyerley gleychnis ebenbildet. Erst
lich vogleichet er sie ein brunne / do wol schlam / frösch / vñ
krotten / aber keyn lawter wasser inn gefunden wirt. Dann
alleyn die warhafftig Christenliche ler vnd schrifft eynem
reynen lawteren brunne wasser vogleicht wirt / vñ wolch
em Christus spricht Joannis iij wolcher trinckt von dem
wasser das ich im gib / das wirt ein brunne in im eins sprin
genden wassers in das ewig lebē. Item vñ dem wasser ste
het ouch geschriben Ecclesiastici xv. du hast in getrenckt
mit dem wasser der heilsamen weyßheit Zum andern vor
gleycht Petrus die falschen Prediger vnd lerer / den wolck
en die der wind hin vnd wider wehet. Vnd ist gleych ein
gleychnis als die von der Christus sagt Luce vij vñ Mat
hei xi. warumb seyt ir ausgegangen in die wustin zu sehen
ein Roß das von dem wind hin vnd wider geschlagē wirt
Dann durch dise beyde gleychonis wordenn vorstandenn
die falschen propheten vnd Ketzer / die auff keyner meynung
bestendig sussen / sonder stets von eym auff dz ander fallē

Joannes

Lucas

G

Luters
geist
Jois viij.

Wie Luter vber an hundert orten selber contrari vñ widerwertig erfunden wirt. welches ein gewis̄ zeichē das er nit von dem geist der sterck (Sonder von dem bösen geist d̄ vō anbegynn ein lugner vnd in der warheit nit bestanden ist) also hin vnd wider geschutelt/ vnd gerutelt wirt.

Petrus

Sie lawten von grossen dingē da doch nicht hinder ist/ vnd reitzen damit zu den begirden des fleisch/ die so vorhin der sund entflohen/ vnd nu in irthumb wandern/ vorheissen in freyheit/ so sie doch selber knecht sint der sunden/

Luter

Hie gibet er vrsach warumb er sie vorgleychet dem Balaam vñnd beschreybt die art iter ler. 22. Et infra. Ich besorg auch das Sant Peter hie nit ein vngluck aleyt tresse/ sond sag auch von der elenden kewscheit der geistlichen / die inē zu halten nit möglich ēc.

Emser

Wer dem Balaam billicher vorgleycht werd / will ich hienyden von handeln Aber dis ist Luters art vñ eigenschafft das er selber sagt von grossen dingē do doch nicht an ist/ vnd reizt die fromen geistlichen lewt Man vnd weyßs bilder die der welt entrunnen warē/ Widerumb zu weltlicher wollust vnd begirden des fleisch/ locket sie widerumb auß iren Clostern/ vorheisset inen freyheit ēc. So sie doch / aller welt knecht seyn muessenn / dann sie eins teils steyn an die Maur tragen/ eins teils die heimlichen gemach auß fegen/ eins teils die hund auff der gassen schlahen/ Vnd was nyemant gern thon will/ muessenn die arme lewt annhemenn/ gleych wie die Juden in Egypto/ den quat aufstragē muessen/ in wolchen iamer vñ irthūß sie der vorfluchte Monch gefurt hat/ mit seyner ketzerischen ler/ Der do sprechen darff **W** fliehe n̄t̄ geistlichen stand/ wer do fliehen kan / Ich erman aber alle die selbigē außgeloffen geistlichen / beiderley geschlecht/ in dem namen vnser lieben herrē iesu Christi / Das sie zu genuet furen dē spruch Apocalypsis ij Memor esto vnde excideris et age penitentiam et fac priora opera / Item an den gemeynen spruch humanum est peccare/ Dis

Bolicum vero perseverare vnd erheben sich eylent widerst
in ire Closter/bitten gnad/vnd thuen bus/Mit wolchem
ire Prelaten ein mitleyden haben / Barmhertzkeit erzeigen
vnd sie wie der vater den verloren son mit aller guetikeit wi
derumb auffnehmen sollen. Dann (wie oben ouch gemelt)
so will got nit den tod des sunders / sonder dz er sich beken
vñ lebe. Dartzu wer nye siel/der stünd nye auff. Wiewol sie
fulleycht nit so gar auß eigener Bosheit gefallē/sonder mher
von der tawset kunstigen schlangen / gleych wie Adam vñ
Eua hinderlistiglich betrogen worden seyn. vñ do frowd
suchen wollen/do nichz ist dann labor et dolor / m hue vñ
arbeit / Kommer vnd iamer / sorg not angst / vñ elend. Den
halben keret wider / keret wider ir vorirreten vñ verloren
Bueder vnd schwestern vñ zihet an ewer orste stolē damit
nit aleyn wir / sonder ouch die enngel im hymel vonn ewer
widerfart erfreuet werden / Dann ein grosser frowd im hy **LUCAS**
mel ist / vber ein sunder der sich bekert / Dann vber newn vñ
newnzig gerechten Luce xv.

Das eym menschen möglich sey /
Kewscheit zu halten /

Das aber Luter sagt / wie den geistlichen Kewscheit zu hal
ten vnmöglich dieweyl Kewscheit wie alle schrifft vnd erfa
rung lere / vbernatürlich vnd keyn man on ein weyb / noch
keyn weyb on ein man seyn oder bleyben mög / Dis alles ist
nichz dann kezerische vnd vorfurische antreyzug zur vn
Kewscheit / da von Petrus hie sagt wie dise falschen lerer die **Petrus**
lewt reizen werden zu fleischlicher begird vñ vnzucht.
Dann das Kewscheit zu halten der natur möglich sey / zeig
gen vns ostlich an vil heidnischer Closter Junckfrawen /
die ir Kewscheit der abgötin Veste / Diane / Junoni vnd an
dern geopfert / vñ iren Junckfrawlichen stand vnuorucke
gehalten haben. Dergleychen ouch etliche heidnische phi
losophi / die der reynikeit naturliche frund vnd liebhaber ge
west seyn / Dān nit yedermā so gabe auff die sach / noch so
gar kizlog ist / als Luter vnd seyne außgeloffen Tollbunde

G ij

*S. Augustinus
pulsio persuasio*

*Lutherus sit possib
ad ista op
Lutherus B. 2*

Zum andern so ist das eyn gemeyne Christenliche ler / das vns got nichtit vnmöglichhs geboten oder verboten hab / ad impossibile . n . nullus obligatur. Dieweyl er vns dann alle vnkeuscheit (außerhalb der Ehe) bey vorlust der ewigen seligkeit vorbotten hat / Wie Paulus sagt Gal . v . q fornicatores / in mudi / et adulteri regnum dei nō possidebūt. Volget das es dem menschen möglich seyn muß keuscheit zu halten Sust wer das vorbot vorgebens / vnd got ein vngerechter got das er vns mit geboten oder vorbotē zu dem vorfassen / vnd nötigen wolt / das vns doch (wie im selber bewust) vnmöglich wer / Et hec est sententia Augustini in lib : de questionibus noui et veteris testamenti cap / xl /

*Requisita ad
Confessionem*

Mathe⁹
Lucas

Paulus

Zum dritten / wann keuscheit zu halten vnmöglich wer / So hetten vns Christus / Paulus / Hieronymus / Ambrosius / vnd alle heiligen veter nit so offte vñ vil dargu geratē / Dann der eynem ein sach raten will / muß von aller dñst bedencken / das sie im möglich / zum andern das sie im eherlich Zum dritten das sie ouch fromlich vñnd nützlich sey / Das vns aber Christus zur keuscheit geraten / haben wir Mathe⁹ rix do er die lobet für die bestenn / die sich vmb des reychs gotes willen selber geistlich vorschneyden vñ Luce rix heist er vns die lenden vmbgürten / das ist wie Luter selber außleget / keuscheit haltenn. So spricht Paulus offenbarlich wie woler von der Juncckfrawschafft keyn gebot hab / woler doch getrewlich dargu raten 1 cor . vij . aldo er ouch auß vil vrsachen beweyßt / das besser ist sie bleybenn Juncckfrawen / dann das sie hewraten / Der ander Veter ler vnd schrift darffich Lutern nit surtragen / dieweyl er sagt wie all ir ler falsche gezewgnis sey . /

Mathe⁹

Sonu die heyden auß natürlicher crafft habē mögē keuscheit vñnd Juncckfrawschafft halten / wie vil mher ist vns Christen das möglich i denen vber das natürlich vormogen ouch die gnad gotes mit wirckt / wann wir die alein begern vnd in darum anruffen wie er selber gesprochen hat petite et dabitur vobis ec . Mathe⁹ vij /

Das aber Luter der geistlichen fasten vorpottet/ vnd sage
 sie thuen gleych als eyner der den Reyn mit eym strowerin
 wher schutzen oder stopffen/ vnd den quel frey gehen lassen
 wolt/ Ist zu wissen das vnkerscheit zweyerley quell vnd
 vrsprung hat/ namlich ein im hertzen / den andern in oder
 vnder dem Bauch/ vñ dem orsten sagt Christus Mathei xv
 wie auß dem hertzen vnder andern lastern ouch entspringen
 vnd außgehen boße gedanken/ Ehebrecherey / vnd ander
 vnkerscheit/ Vnd disen quel kan man mit fasten oder ab-
 brechen nit wol gar zu stopffen/ Dän wie wol sich Paulus
 ser casteyhete/ vnd Hieronimus auß grosser abstinenz vnd
 abbruch so dor war / das nicht dann hawt vñ beyn an im
 hangte / noch vorsige diser quel nit bey inen/ vñnd ward ir
 hertz gleych wol durch den stachel des fleisch angefochtē/
 wie sie beid von inen selber bekennen vnd Paulus offentlich
 sager. datus est mihi stimulus carnis angelus sathane qui
 me collaphiset. ij cor. xij Aber do ward nye besser rat zu/
 dän den vns David gibt psal. 139 namlich das wir die sel-
 ben bösen gedanken vnd anfechtungen (dieweyl sie noch
 lung vnd kleyn seyn) so bald zertossen/ vñnd zerreyßen an
 den felsen Christum das ist / dz wir sie so bald auß dem syn
 schlagen/ vnd gedencke / wie vns Christus durch sich selb
 vnd seyne apostel vñnd propheten gelet hat/ die bösen ge-
 dancken auß zu schlagen vnd vnser hertz reyn zu behaltē/
 Mathei quinto Beati mundo corde Esaias auferte malum
 cogitationum vestrarum i cor. vi thut das böß auß euch
 selber hinweg/ Wolche stell Pauli Luter in seynem nawen
 testament auff gut kezerisch vordolmetscht hat / das man
 hinweg thonn soll wer do böß sey / Wolches die meynung
 Pauli dis ortsnit ist, dann wann man alle bösen abthonn
 solt/ wurden wenig lewt auff erdern bleyben.

Matheus

Paulus

David

Matheo

Esaias

Paulus

Luters fa

lsche dol-

metsehüg

im nawen

testament

Der ander quel oder Bronn der vnkerscheit entspringt in
 oder vnder dem Bauch auß vberigem essen vñnd trinckē
 wie man gemenlich sagt / Venter mero estuans cito despu-
 mat in libidinem. Wann der Bauch vom weyn erhizigt/
 macht er bald ein iest oder schawm fleischlicher begird vnd

G iij

Ingenit 2 2 fm

*Justina aduersus
cogitationes malas*

No



Paulus vnzucht Item Paulus ir solt euch nit mit weyn fullen der
foll vnkeuscheit ist Eph. v. Disen quel magma wol demp
fen mit fasten vnd abbruch des leybs / welches ouch die
heiden bezerogen / vnd Therentius spricht sine Cerere et
Bacho friger venus zu tewtsch. On speys vnd weyn stehet
die vnkeuscheit kalt vnd do herkommet das Christus / vñ
nach im die apostel / vnd alle heiligen / vnns so vleyssig zur
nuchterkeit fasten vnd abbruch des leybs geraten / vnd erz
lich tag im iar zu faste geboten haben / Damit dem leyb ein
gebis eyngelegt / dz er auß stetter volbreitikeit nit zu frech
oder zu geil wurd /

Wie wol nu erzlich sagen fasten sey ein gering gut wercke
So ist doch an disem geringen ding gar vil gelegenn dann
wan einer auffeyn Pferd sesse / das hundert guldin wert /
vnd wer Sattel vnd zawn mit eytel gold vnd Samat be
hangen / das yederman sprech / das ist ein kostlich hengst /
Noch dann / wan aleyn der zawn keyn gebis het (dz doch
ein gering ding ist / das man fur zwenn oder drey groschen
kewfft) wer der reyster seyns pferdes nit mechtig / vnd kon
de das auff. keyn seyten wendens oder keren / Also ist vnser
leyb ouch / on das gebis der fasten / dan es hab eyner tuget
vnd schmuck der selen wie vil er woll / so kann er sie doch nit
lang behalten / wo er seyn leyb nit casteyen vnd im selber ab
brechen will / Ja es het ouch Sant Paul seyne grossen ga
ben vnd gnaden nit behalten noch seyn leyb begweltigenn
mögē / wo er den nit so hart gezemet / vñ casteyet het 1 cor.
ix castigo autem corpus meum ich casteyhe meyn leyb vnd
mach mir dē gehorsam oder vnderthanig Et ij. cor. xi in
hunger in durst / vnd vil fastens ec. Auß wolchem volget /
das Luters ler vnd rat / dem rat Christi / Pauli / vnd der
Kirchen ganz entgegen. Vnd seyn Ewangeliem nichtis
anders dann des tewfels gespenst vnd Botschafft ist.

Paulus

Das aber erzlich drey / vier / funff / zehen iar / keuscheit hal
ten / vnd darnach oist brechen vnd fallen / ist zu weylen ir
hoffart schuld / das sie sich des zu ser vberheben / vnd and

lewt vorachten/darumb sie got fallen laßt/gu weylen/vor
gessen sie den rat Christi/vnd der Kirchen/ vberladen sich
mit zu vil speys vnd getrenck/haben nit acht auff sich sel-
ber/vnd lassen die bösen gedanken zu weyt ein wurzeln/
vormeynnenn es sey frid/ so der krieg noch keyn end hat/ge-
dencken nit das Christus gesage hat / wie wir wachen sol-
len Mathei xxiij vnd Petrus das wir nuchter seyn sollen/
1 Pe. quinto Derhalben zu besorgen/ das die vnkeuscheit
der geistlichen keyn grosser vrsach hab/dann zu vil volbre- **Mathe**
tikeit/muessig gehen/vnnd vorachtung iter regel/wolche **Petrus**
die alten an vrsach so gestreng nit gestelt haben/ Ja wann
Luter so vil wasser trenck;/ als Malfaseyer vn siessē weyn/
wurde er der vnkeuscheit ouch wol vorgessen/Also mogen
dise zwey wher / namlich der getrewe rat Christi vnnd der
Kirchen/sampt der abstinenz/abbruch / vnnd fasten/ beide
quel vnd vrsprung der vnkeuscheit vil bas stopffen dann
Luters rat/ namlich das die Nonnē mēner vn die Monch
Weyber nhemen sollen/dann wo ouch die Ehelichen lewt
selber ir gelubnis/got/Ehr/vnd tuget nit mher vor ougen
haben vnd bedencken wollen dān disen vnlust ist eins dem
andern seyn furwitz oder kigel allen zu biessen ouch vil zu
wenig vnd bleybt inē diser Beynstrawm gleych wol vnvor
stopffet/wie man bey der mercken mag vō wolcher die Poe-
ten schreiben/ Et lassata viris nec dum faciata recessit.

Von Balaam vnd seynem rat /

Wolcher sieht nu nit / das Luter gleych selber der Balam
ist/von dem Sant Peter hie meldet /der den rat gab zu Ba-
al peor/ vnd der vnkeuscheit / von wolcher er so groß vnd
vnvornüfftig schreybet / das es ouch hinder der mawr zu
vil wer/vnd der halben selber billicher ein Priapist dann ein
guter Christ genent wirt/ dann zuuor schonen der zuchtig-
gen oren vnd kewschemn hertzen hat Moyses gemelten rat
in die Bibel nit setzen wollen/ vnd die Christenlichē Docto-
res den mit vordackten Worten vmbredt vnd beschnitten/
nit das Origenes Hieronymus vnd ander/nit gewußt/wa

Baal Peor: gedewt/ vnd das es ein ding ist/ auff hebraisch
Baal Peor/ oder auff der Syrier sprach Beelphegor/ sonder
das solich vnzucht zu schreybenn den leser mher vorlegt
dann bessert vnd dem alten sprichwort nach nit von noten
ist/ lewß an den belz zu setzen/ dann sie von in selber wol da
teyn kriechen. Derhalben so wil ich den selbenn seyn vnflät
hie nit allen repetirn dann wie mann spricht ye mher mann
stancet rieret/ ye vbel er riechet / ich will aber zu vberflus
vnd mher dann notturfftiger kuntschafft beweyßenn/ das
der rat Balaam von leyplicher vñ geistlicher vnkewscheyt
auff den hewtigen tag mher von Lutern dann vñ Bischo-
uen herkomet vñ das er selber der ander Balaam/ wer aber
seyñ Balac sey/ ð in zu vñ maledeyē dz volck gotes sterckē
wirt mit der zeyt ouch wol an tag kommen /

Vrsach warumb Luter selber der
ander Balaam sey /

*Causa assignata
Lutheri pro Balaam.*

Die orste vrsach darumb Luter selber/ der ander Balaam ge-
nent werden mag ist die außlegung des wortlins / dān Ba-
laam (interprete Hieronymo) ist im lateyn so vil als turba-
tio Populi zu tewtsch ein betriebug oder beleidigung des
volcks/ wer hat nu solich betriebug/ rumor/ vnd auffreue
vnder dem teutschen volck ye erfahren dann diser kezerische
Monch/ mit seyner leidigen vñ falschen ler eyngesurt hatē
Vnd wolte got das er aleyñ das arme volck vorfurte / vnd
nit ouch Konig vñnd Fursten auff einander vorhegt vñnd
mengte/ darauß noch grosser iamer zu besorgen / Dann so
aleyñ Fursten vñnd herren der sach eyns weren / mochten
sie des volcks irthumb vñ mitwillen deßer bas dempfen/
Ich besorg aber leider/ das Luter gleych der man sey / von
wolchem geschriben stehet Esaiē xiiij . Iste est vir qui con-
turbauit vñiuersam terram et concussit regna ec . Das ist ð
man der nit aleyñ die gangen erden betruet / sonder ouch
Konigreich vñ furstēhüb / bewegt vorhöret vñ zerrittet /

Zum andern gleych wie Balaam ein falscher pphet war /

vnd doch zu weylen ouch ezliche warhafftige ding weyß-
sager. Also menget der falsche Monch ouch allenthalben
eins durch das ander / nach dem spruch des Prophetenn /
Deyn weyn ist vormischt mit wasser Esaie 1.

Esaie

Zum drittē / gleych wie der Enngel dem Balaam mit dem
schwert drowet / die kinder vñ Israhel nit zu vormaldey
en daruber er gleych wol / ein rat wider sie gab damit er sie
zu sunden vñ zu schandē bracht Also wie wol Keiserliche
Majestat (die das schwert von got hat Ro. 13) Lutern
vo:boten / von seynem lesterlichen maledeyen abzulassen /
Peret er sich gleych wol nicht darann / sonder spynnet ye
lenger ye größer.

Zum vierdē / gleych wie Balaam seyn rat gab zu dem dinst
Baal peors / das ist zu fressen sawffen / vnd vnkerscheit /
also gibt ouch izo Luter rat vnd that zu disen garten tuge
ten / wie wir hienyden ye lenger yhemher hören werden /

Zum funfften gleych wie Balaam nit aleyne zu leylich
en vnkerscheit rat gab / sonder ouch zu der geistlichen / dz
ist zu der abgoterey / Dann er den Moabitischen weybern
Beuelh gab / den iuden ires willens nit ehe zu gestattē / Sie
bugen dann vor ire knyē dem Baal. Also benuegt Lutern
ouch nit das volck gotes zu leylicher vnkerscheyt zu rei
zē / sonder dringt sie ouch zu geistlicher das ist zu Ezerrey
vnd schismata wie ich kurz hienyden beweysen will.

Zum sechsten / gleych wie Balaams vormaldeyung dem
volck israhel zu benedeyung reicht / wie sich Balac vber i be
clagt Numeri xxiiij. Also gedeyhet ouch Luters lesterung /
den geistlichen zu besserung / vnd offenbarung wer do recht
geistlich vnd in seynem orden bestendig sey oder nit. Dann
ezliche geistliche Juncckfrawen in Clostern hin vñ wider /
denē Luter (wie mā sagt) gold vñ gelt in busen gesteckt /
sich damit zu uorhe wraten / haben im das wider zu gewor
ffen vnd geantwurt sie haben sich ein mal mit Christo vor
h

Das Maul nymer still / sonder ist stets als ein offen grab / dar
rauß eytel stäck vñ vnflat riechet / wie David sagt sepulch
rum patens guttur eorum psal . xij .

Doch so willich von disen vnnutzen Worten (deren sich Lu
ter auch billich enthalten hett) weyter nit handeln. Sond
komen auff die geistlich vnkerscheit / vnd abgoterey / nam
lich auff die menschen ler da vonn Luter ein lang geplers
macht / vnd Bapst vnd Bischoff sampt allen geistlichen /
wölff vnd Seelmorder heist / darumb das sie nicht zu leren
dann menschen ler / Derhalben so wollen wir hie örtern / ob
des Bapsts oder Luters ler / billicher menschen ler genant
werden soll .

Von Menschen ler

*Traditionibus
humana*

Das durch den abgot Baal oder Beel peor vñ seynen dienst
dem geistlichen syn nach / auch vorstanden werd / die geist- **Moyses**
lich vnkerscheit vnd menschen ler / vñnd Moyses der halb
de Baal Peor zu ein exēpel gesetzt hab / do er spricht Deu
lich man soll dem gesetz gottes nicht zu noch abthonn bin
ich mit Lutern eintrechtig / vnd danck im recht gern / Das
er mir izo vngemarttert selber bekennet dz die schrift zwey
erley vorstand hab namlich ein leyplichen vnd ein geistlich
en / Wolches er mir vorhin geleucknet / vnd gesagt / sie hette Luter wi
mit mher dann ein klaren vñnd hellen vorstand / der keyner der sich sek
glos oder geistliche außlegüg bedorffte / bis ich ine / in mey Ber
ner Quadruplica mit dem schwert darzu gezwungē hab .

Das aber Luter furter schliessen will / wie die heiligen cano
nes vnd der Kirchen ler ordnung vñnd sagungen so in der
canonischē schrift nit vorleybt / anderst nicht sey dāne in
zu sag. zu dem gesetz gottes wider das gebot Moysi. Vnd
derhalben fur pur menschen ler zu haltē. Bin ich im keyns
wegs gestendig / dann es gar ein grosser vndercheid ist / vn
der lewterung oder erclerung des gesetz durch welche das
gesetz ist recht vorstanden vnd erfult wirt / vnd zwischen

Mathe⁹

Mathe 9

**Ecclesiast
ici. xxiii.**

Daniel

anderen frombden zu setzen / Wie Christus den Juden / do
sie im geleych dis Luterisch argument ouch fur hieltenn (
namlich das er / das gesetz Moysi zerbreche vnd im zu vn
ab thette) Antwort / er were nit komen das gesetz zerbrech
en / sonder zu erfüllen Mathe v. das ist das selich seyn zu
vnd abthō dem gesetz vnuordentlich / dān es mher da durch
vorlert / gelewtert vnnnd erfult / dann zerbrochen wird .
Derhalben soll der leser wissen. das der obgemelte / spruch
Moysi / also zu vorstehen ist. das man nicht zu dem ge
setz thon noch da von abbrechen soll. das dem gesetz nach
teilig / wider / oder entgegen sey. Doneben mag man aber zu
erleuchtung / vnd auslegung des gesetz wol zu vn abthō /
alles das den rechten vorstand der schrift vorhindert / vnd
den selben durch ander schrift / wort ordnung vnd sazung
weyter außbreiten vorklern vnd erfüllē welches nit aleynt
on alle sund / sonder ouch mit grossen vordinst geschehen
mag . wie die ewige weyßheit vō ir selber spricht *qui me eli
cidant vitam eternam possidebunt.* die mich erleuchten vn
vorklern werden besizen das ewig leben. Vnd Danielis xii
stehet geschriben / das die Christenlichen lerer scheynē wer
den als die stern am hymel in ewigkeit Derhalben hat ouch
got der Kirchen / wie Paulus sagt Ephe. iiii nit aleynt pre
diger prelaten / vnd hyrten / Sonder ouch Doctores vnnnd
schreyber gegeben / vn gibt Sie noch teglich / die das gesetz
wissen aufzulegen / Vnd den rechten vorstand (wider die
Kezer so das anfechten) zu schutzen vnd vortedingen. Al
so haben nach Christo / ordentlich die apostel / vnnnd uach inen
die alten veter vnd Christenliche lerer / bis auff den hevti
gen tag vber das gesetz geschriben / das mit worten vnnnd
wercken / geboten / ordnungen / vnd sazungen die man nen
net die heiligen canones erfult / erleucht / vnnnd alle ding in
ein klare ordnung gestelt die sie durch die ganze Chris
tenliche Kirch eintrechtiglich zuhalten gebotten Das aber
ouch die apostel egliche canones gemacht habē lesen Act.
xv. Paulus per ambulat Syriam et Ciliciam / confirmans
ecclesias precipiens custodire precepta Apostolorum et se
niorum zu tewtsch. Paulus wanderte durch Syriam vnd

De Canonibus apostolorum Act. in Act. 15

Lucas

Ciliciam/Bestetiget die Kirchen/gebietende/das sie halten **Lucas**
soltten die gebot der apostel vñ der Eldern/Item Act. xvi.
Cum autem pertransiret ciuitates /traheret eis dogmata
custodire / que erant decreta ab apostolis et senioribus zu
Zerusch/So Paulus durch die stet wanderte/gab er inen
die ler decreta oder canones / die von den aposteln auffge-
setzt waren vnd beualh inen die zu halten. Item ij. Thessa
ij. warnet er vns vor eym izlichen der sich gemelten gebo-
ten vnd ordnungen vngheorsam hielte/ sie weren geschribē
oder nit geschriben/siue per epistolam inquit siue per sermo-
nem / zc / Auß wolchem ich schließ das die heiligē canones
veter spruch/ vnd bucher/so dem gesetz nit entgegen/ sond
dasselbig/vorklerung erfüllen/vnd erlewchten/nit fur pur
menschen ler sonder nechst dem wort gottes gehalten wer-
den sollen accessorium . n . naturam sapit sui Principalis .

Zum andern bin ich Lutern ouch keyns wegs gestendig/
das alles das fur menschē ler gehalten werden soll / das in
der canonischen schrifft nit vorleybt/Sonder sag noch wie
vor in meynem orsten buch wider Luters reformation/Das
vñser gloub nit aller an gensfedern hanget/ vnd die Kirch
nit so gar an die schrifft aleyñ gebūde ist als Luter furgibt/
Dann das wort gotes (darā sich die Christenliche Kirch
aleyñ helt) in dreyerley gestalt befunden wirt Namlich in
carnatum/exaratum (vt vocant) et inspiratum dz ist eyn
gefleischt/ eyn geschriben / vñ eyngegeist Eyngefleischt in
Maria der Juncckfrawen/Eyngeschribē in den canonisch
en buchern/vñnd eyngegeist in den hertzenn aller frommer
Christen/vnd zuuor auß der Christenlichen lerer/ schreiber/
vnd prediger. Von wolchem letzten vnd eyngegeisten wort
Paulus schreybt ij. Timoth. ij. Omnis doctrina diuini **Paulus**
tus inspirata utilis est. ad docendum/ vñ Christus zu sey **Mathe9**
nen iungern Mathei. x. So ir stehen werdet vor Konigen
vnd Fursten/solt ir nit zuuor bedencken wie vnd was ir re-
den wollet. Dann ir seyt nit/die do redenn /sonder der geist
meynes vaters / der außereuch redet Auß disem wort redet
ouch der heilige Stephanus Act. vi. Et non poterant rez-

Inspiratum
Vm de
Inspiratum

Is iij
De Cerbo di No hie p. hie

do
n
vñ
ch
zu
ch
d.
ch
ge
h
zu
s/
nd
ng
yn
nt
lu
vñ
rij
er
ch
re
nd
er
die
Al
en
ti
nd
en
in
is
Ber
ct
ns
se
nd



gen canones gemacht ouch menschen geweest vnd zu wey-
len in ezlichen sellen ouch geirret haben bringe den canonē
bus vñ der Kirchen auctoritet keyn nachteil/ Dann irthūß
macht keyn Kezerey/sonder vorstockung im irthumb/ vnd
ist gnug/ das sie den selben irthumb widerruffen vñnd der
Christenlichen Kirchen all ir schrifft vnd ler vnderwerffen
haben. Suss wo man ir schrifft so bald darumb vorwerffen
oder fur pur menschen ler halten solt das sie die menschen/
gewest/ Muest man ouch Moyses / vñnd aller Propheten
Ewangelisten vnd apostel schrifft ouch vorwerffen/ vñnd
aleyn fur menschen ler haltē / Diweyl sie ouch alle mensch-
en gewest seyn/ wie vorzeitē ezlich Kezer diser vrsach hal-
ben weder das alt noch das new testament habē annhemē
wollen. Ja es seyn der selben Kezer/ ouch kurz verschiner
zeyt/ ezlich auß Zwickaw außgeflogen / die sich mit dem
Ewangelio eterno (d3 der Kezerisch Abt Joachim vordret
hundert Jar en erdicht hat) vmb tragen/ vnd hin vnd wid
in den Steten heimlich Predigē/ wie das alt vnd New test-
ament ir crafft verloren/ vñ das man keyner schrifft mher
glauben sonder sich an den heiligen geist halten soll/ den sie
wie sie sagen im Busen stechen haben. Vor wolchē schelckē
ich alle Christenliche hertzen getrewlichē warne/ Dann es
noch vil erger Kezer seyn dann Luter.

Also ist es auff beiden seyten Kezerisch vnd falsch namlich
das man die schrifft gar vorwerffen/ oder alle ding gar vnd
aleyn auff die schrifft stellen will. Dann wie wolten wir thō
wann wir gar keyn schrifft hetten? Wie die Patriarchen vñ
Adam bis auff Moysen schrifftloß/ vñ dannocht nit glou-
benloß gewest seyn. Dergleychen die Juden denen zu der
zeyt Esdre all ir bacher vorbrent worden. Also habē ouch
die apostel vñ ander Junger vñ orstling der Christenheit /
Christo geleubt/ ehe dann einich Ewangelium beschriben
worden/ Vnd wiewol Luter in seyner vored vber d3 newe
testament vormeynt wie der gloub gar stehe auff Sant Jo-
annes Ewangelion/ So seyn doch vil tauuset Christen zu-
vor getewfft / vnd in eynem rechten Christenlichen gloubē

Nota Bem

*Mo. sectam pialum
archorum*

*Mo. von dem stoff
G. Cymburg
qui sui pialum
brift*

H

vorstorben/ ehe gemelt Ewangeliū ye gemacht worden.
Wolches der heilig Joānes/ oist auff seyne letzten tag / do
er zweyngig vnd hundert Jar alt gewest. vnd zu den letzte
sare des Papst Euaristi auff betzlicher Bischoff in Asia
wider den Ketzer Cherinthum geschribē hat. Wie die Chro
nicken glaub würdiglich anzeigen.

*2no fidei claudis
für die Septuaginta*
*libri lutheri quos non
habent*

Item wann der gloub aler an der schrift hangte/ so musste
er offtein sturz nehmen/ so offt ein buch auß der Bibel vor
loren wurd/ Nu mangeln vns vil bucher auß der Bibel vñ
ist der gloub gleych wol bestendig blißen. Dann wo ist das
Buch de sacerdotio Joannis & von wolchem meldung ge
schickt ij. Machabe. ultimo Item wo bleybt das buch Ser
monum dierum regum Israhel/ Wolches gedacht wirt iij
Reg. ultimo & Item wo bleybē descriptiones Jeremie. od
commenta Teemie der beider Prophetē/ wolche die schrift
meldet ij. Machab. ij. & haben wir nit die alle vorlorē. Vñ
ist dannocht der gloub darumb nit vndergegangen &

**Joānis
ultimo**

Zu dem wann wir nicht glouben noch annehmen sollen
dann das in der schrift außgedruckt vnd vorleybt ist / So
muessen wir auch nit gloubē / die wunderwerck die Christ
gethan/ vnd doch nit beschriben worden/ deren wie Joā
nes bezewget gar vil mher gewest dann der geschriben /

Mathe⁹

Das aber dis Luterisch argument/ damit er bewerren will/
das alles menschen ler sey/ was in der canonischen schrift
nit vorleybt/ oder offentlich außgetruckt / nicht anders
sey dann Ketzerrey vñ sawreig der phariseer leret vns Chris
tus do er die apostel vor solicher ler vorwarnet/ Mathei xvi
Attendite vobis a fermēto Phariseorum welches dye apos
tel oistlich vorstienden/ von dem brot der phariseer / so lāg
bis sie Christus darumb strafft vnd inen zuerkennen gab/
das er nit von irem brot/ sonder von irer ler geredt het / Die
alle ding auff die schrift setzen/ vñ die schrift aleyne auff
den buchstaben vnd schriftlichem syn / dewten vñ zwingē
welken wie wir des ein klaren text habenn / Act. xv. also

Semper discentes et nunquam ad scientiam veritatis pervenientes. ij. Thimothei. iij.

Zum sechsten wie feyn trifft das die Ketzer / das Balaas altar aleyen auff hohen Bergen oder Kommen vnnnd zuuor auß auff vnfruchtbarren Bomen stehen muessen als auffeychen / Linden / Therebinth vnd dergleychen / wie wir lesen *1. Reg. 18. 18.* *Super capita montium sacrificabant / et super colles accendebant thinniamam Subrus quercum / populum et Therebinthum* *cc* Dann was bederwt das anderst dann dz die Ketzer nicht nit nidere oder diemutigs sonder eytel hohe vnd tieffe ding surgeben / die doch dem gemeynen man wenig frucht bringē / darzu stymet ouch Petrus hie do er sagt *Petrus* sie lawten von grossen dingenn do doch nicht hinder ist Wolches Luter wie vorgehort felschlich auff Bapst vnnnd Bischoff gedewt hat /

Zum Sibenden last mit das ouch was feyn / das die iudischen Konig dise hohe altar (die im lateyn heissen excelsa) nye gar vormochten abzuthon / dann wie wol Afa ein frō *ij. reg. xv.* mer Konig war / der do wandert den weg Dauid / vnd sust vil abgoterey abthet / noch stehet entlich von im geschribē gleychwie von den andern Konigen / Veruntamen excelsanon abstulit / *cc* Noch hat er die hohen altar Baals nit abgebrochen. Durch wolches nicht anders bederwt wirt / dan das nyemant die Ketzerereyen vñ menscheleer (welche durch Baals altar vorstanden werdenn / all dempfen mag / wie ouch Paulus bekennet *1. cor. xi. oportet hereses esse. es muessen Ketzerereyen seyn / damit offenbar werde welche im glauben bewert oder bestendig bleyben oder nit /* Derhalben wie ser die Christenlich Kirch vñ an begynn wider die Ketzer gestritten hat / sie die doch nye gar außroden mogen / sonder ist allweg yendert ein heimlicher som do von belibē der mit der zeyt gelaicht / vnd wider auffgewachsen ist / bis auff dz Bilg ey / Wechselkind / vnnnd hesenkrug aller Ketzer Martin Luter / der auß Bethel / das ist auß dem hawß des Brots / behauen das ist ein abgot hawß gemacht. Vnd seyn tisch vnd

Jij

speys von vns Christen abgesondert hat/dann wann wir fasten vnd fisch / essen / so essen sie fleisch Wann wir nach ordnung der Christenliche Kirchē vnder eyner gestalt communician / so nhemen sie aus eigener durst vnd freuel beide / Wolches vns der prophet alles vorhin / zu vorstehen gebē hat / do er spricht: Ne ascenderit in Bethauen et infra se paratum est conuiuium eorum Osee . iij .

Osee .

Also will ich meyn obgenāte schlus red / namlich dz nit die canones sonder der Kerzer ler fur menschen ler / geistlich vn keuscheit / Ehebrecherey / hurerey vnd abgoterey gehalten werdē soll / beweyst haben / vorhoff ich woll bey allen geler ten damit bestehen. Dieweyl dann Luter ein offenbarer erclerter Kerzer ist / volget / dz seyn ler nit gotlich / sond felschlich / menschlich / ia ich mocht ouch wol sagen tewfelisch / vnd derhalben alles das er geplaudert hat / wider die canones wider die mess / wider die vota / wider dz priesterthumb / wider die sacrament / vnd alle Christenliche vbung vnnnd ordnūg / ytel pur lugin sey / wie der tewfel ouch ein lugner ist vnnnd ein izlicher der nit auß got sonder eytel menschen ding redt vnd lert von wolchem der spruch David vorstan den wirt Omnis homo mendax psal . cxv .

^{hinfel}
Gleich wie nu Luter gefendert hat / von dem zu thon der Papisten zu dem gesetz gotes Also beschuldiget er sie ouch volgend mit vnwarheit / das sie die gebot gotes abgethan oder außgelöscht vnd die iren an die stat gesetzt habē / Dān so wir die sach recht ansehen / werden / wir befindē / das Luter selber der ist der die gebot gotes / voracht / zerreyßt / vn felschlich außlegt / wie ich im beweyßen will /

Von den zehen geboten vnd
orstlich von dem orsten

Luter

Dem wie gehört ist / die Papistē lerē / es sey nit not got zu lie bē / auß ganzem hertze / damit ist abgethā das orst gebot . /

*S. P. Augustinus
In dicitur ea dissipat*

*Papiste hat in dicitur
Dicitur in dicitur
In dicitur est finit
In dicitur est finit
In dicitur est finit
In dicitur est finit
In dicitur est finit
In dicitur est finit*

Emser

Ich hab noch nit gehört das Luter das auff die Papisten
beweyßt hette/ Vnd ob das geschehen / wer mir dannoch
vorbehalten/exception/eynred/vñ gegenbe weyßüg / Das
ist aber war/das die Christenlichen lerer (die Luter Papis
tē heyst) etwā vber dis gebot gelewter habē/ vnd do die Ke
zer gelagt/wie sich Luter izo ouch hören laßt/ Wo die Pre
late./ Bapst/Bischoff/ Keyser/ Konig/ Fursten/ oder an
der regenten zē nit in der liebe gotes/ sonder in todtsünden/
seyen/ inen die vnderthan keyn gehorsam schuldig / vñnd ie
Prelatur/gewalt/vnd regiment ouch tod vñ ab. Dartzu ha
ben die vnsern geantwurt/ wiewol eynem iglichen mensch
en dis gebot/ namlich das er got liebe von ganzem hertze/
von noeten sey zur selikeit/ So sey es doch nit von notē zur
oberkeit/ Vnd vorwurck eyner damit seyn stand nit / ob er
gleich ein tod sund thue/ zuuorann/ wo die heimlich oder
ob sie gleich offenbar/ vnd dannoch nit Ketzerey/ oder an
der vnchristlich ding sey/ Dān die stennend/gewalt/regimēt
Keychthumb/ vnd ander außwendige zeytliche guter / nit
in d lieben/ sonder in der fürsichtigkeit/gotes gegrundt seyn
der sie beschert den guten vnd den bosen / vñ das zu weylē
vmb Bosshet willen der vnderthanē/ wie geschribē stehet/
Job xxxiiij. qui regnare facit hominem hypocritam prop
ter peccata populi. Ja got gibt regiment vñnd gewalt / nit
aleyn den bosen Christen / sonder ouch den heiden vber die
gelewbigen / wie er Nabuchodonosor gab vber die kinder
Israhel Jeremie xxvij also sprechende Ich hab gemacht
den menschen/die erden/thier/ vñnd alles das auff erdenn
schwebt vnd lebt/vñ gebe das wem ich will. Vnd sihe / ich
hab gegeben alle disse Land/ in die hennnd Nabuchodonos
or Des Konigs zu Babylonien meynes knechts / Et in d
fra/ vnd wolche iren hals nit biegen werden / vnder seynem
ioch/vber die will ich senden das schwert/hunger/vñ Pest
tilenz bis das sie vnder seynen hand vorzert werden / Also
haben ouch die heidnischenn Keyser ein Lange zeyt regirt
vber die Christen / vnd gleich wol Keyser gewest / wiewol
sie got weder geliebt noch gefant habenn / Ja es was Ju

Job.

Jeremias

J iij

Quia non fuerunt nisi impud. regim. subditum

*in fine An glati
p. 7. de cano
p. 11. in gl.
~~...~~
~~...~~*

Das gleych so wol eyn apostel als Sant Peter / wiewol er
das gelt mher liebt dann Christum. Darumb so sagen vns
sere Doctores recht / das nit von nöten ist das die regenten
oder gewalt trager allweg got lieben von ganzem hertzen /
quantum ad prelationis officium. Wer aber selig werden
will / der muß das thō / oder fert zum tewfel / Er sey Bapst
oder Keyßer / Bischoff / Konig / Furst / oder vnderthā here
oder knecht. Auß wolchem erschey net das durch diße lew
terung / das gebot gotes nit auffgehoben noch abgethan
sonder recht außgelegt vñ vorflert wirt / vñ das wir nicht
des weniger / der Oberkeit gehorsam seyn sollen vnd mues
sen / sie seyen gut oder böß / wie vns nit aleyn die Papisten /
Sonder Petrus / vñnd Christus selber (als obenn bewert
ist) gelet habenn.

Luter

β in fine

Item der gloub sey nit gnug / zur rechtfertigung / Sonder
die werck machen selig damit ligt das ander vñ das dritte /

Emser

Die Papisten leren nit / das die werck aleyn / vñ on dē glau
ben selig machen / Sonder das sie zur selikeit ouch von nö
ten vnd der gloub on die werck tod sey / zuuorā wo wir die
rechtfertigung die vns die touff ostlich gebracht / Widen
rumb vorwurcken / vnd das Kleid der vnschuld mit nawen
sunden beflecken / derhalbenn Luter die Papisten dis fals
ouch felschlich bezuchtiger. Dann vns diße ler / die heiligen
Apostel vnd nit die Papisten gegeben haben wie obē in dem
xviij. zeichen do bey man die falschenn Ecclesiasten erken
nen mag / gnugsam bewert ist /

Luter

Item so lerenn sie die kinder / vngehorsam seyn den Eldern
damit ligt das vierde gebot /

Emser

Wann Luter clar auß sagte / wer die weren / oder wo sie so
lichs lerten / oder theten / wer im deffer bas zu antwurten.
Ich vormut mich aber auß eyner seyner glos vber das tew
tsch naw testament / er rede hie vonn den geistlichen in den
Clostern / die seyner meynung nach / wider das gebot thō /

wann sie wissen das ir vater oder muter gebrechen leyden
vnd nit auß den Clostern louffen / vnd sie helffen erneeren /
Dis ist aber falsch vñ der ler Christi entgegē vor dem Jung
ling / Wolcher disem gebot nach gehen wolt / vñ seyn vater
zu der erden bestatten / nit erlerben wolt / Sonder sagt zu
im laß die todten ein ander begraben / vñ volg du mir nach.
Wie ich hienyden / do ich von den gelubden der geistlichen
handeln wird / weyter vorkleren will. vñ dieweyl dis gebot
Wie Luter selber bekennet) nit aleyn von den leyplichen El
dern / sonder ouch von den geistlichen das ist von der Ober
keit vorstanden werden soll. Tilcket Luter das selber / Das
er der Oberkeit nit aleyn fur sich selbst widerstebet vnd sie
vneheret sonder ouch ander lewt zu vngheorsam vnd auff
zur wider sie reizt vnd ermanet / wie seyn Bull hienyden
offentlich außweyßt.

Luter

Item sie leren / es sey nit not den veynd zu lieben / damit le
ren sie zorn behalten / wider das funffte

Emser

Zic mocht ich Lutern wol mit seyner eigen' Wortz bezale
vnd sprechen / Dieweyl das Ewangelion keyn gebot noch
gesetz / sonder eytel gnad vnd gute Botschafft ist (wie Luter
sagt in seyner vorred vber das nawe testament) So muß
das ouch keyn gebot seyn / Das wir vnsern veynd lieben sol
len. Wolches nit im alten sonder im nawen testament ge
funden wirt. Item dieweyl dis gebot nit aleyn auff zorn so
der ouch auff todtschlag stymmet : So tilcket Luter das
ouch selber auß / das er in seyner reformatiō die leyen ermāt
ire hend in dem Blut der geistlichen zu waschen dann was
ist das anders dann meyn vnd mord anzurichten / vñ das
gebot gotes hin hinder zu setzen Aber dem leser zu gut / vñ
rechter aufflosung diser falschen beschuldigung ist zu wiss
sen das zwuschen lieb / vnd haß oder zorn / ein mittel ist / nā
lich / das ich ich meynen veynd / dem ich keyn vrsach gege
ben / das seyn schaffen laß / Vnd im gonne was im gut gon
ner / wie vns Paulus gebewt / die Kezer / nach dem wir sie
ein mal oder zwey ermanet habē zu vor meyden Zi. iij / wie

Mathei

vij

Luter wi
der sich sel
ber

Paulus

22 425 ad
L. 1517. ad

Ad h. t. p. q. in
mimmi ad p. d. h. o. a
p. h. o. e. p. i. m. o. p. t. i. s.
G. i. d. q. h. o. c. q.
d. i. h. o. r. a. n. d. a. l. b. i. n.
p. q. d. i. f. u. g. u. e. d. i. n. t.
p. i. s. d. e. u. n. d. e. r. h. a. l. l. q. u. a. l.
d. e. d. d. e. l. i. g. e. n. t. i. s. a. l.
d. i. h. o. r. a. n. d. a. l. b. i. n.
p. q. d. i. f. u. g. u. e. d. i. n. t.
m. o. n. d. i. h. o. r. a. n. d. a. l. b. i. n.
m. o. n. d. i. h. o. r. a. n. d. a. l. b. i. n.
p. q. d. i. f. u. g. u. e. d. i. n. t.
p. q. d. i. f. u. g. u. e. d. i. n. t.

ouch Joannes vnd Policarpus den Ketzer Cerinthum geflohen / vnd damit nit wider das gebot gethan haben /

Luter

Item vnzeltcher weys hat er die Ehe zerrissen / vnd zu machen / damit ist abe das sechst.

Emser

Dierweyl Luter disen püct durch ein sonder buchleyn vom ehelichen lebē iungst außgegange / weyter außgebreit hat / Will ich im hienyden / do ich vonn der Ehe handeln wird / sonderlich darauff antworten vnd beweyssen / dz Luter die Ehe vil locheriger vnd durchbruchiger gemacht hat dann der Bapst

Luter

Item sie leren vnrecht gut / Wucher / zynß gewynnen vnd behalten / wider das sibend :

Emser

Vnrecht gut / mag keyner mit recht besitzē / wo er weist wem das zustendig / peccatum . n . non dimittitur nisi ablatum restituatur. Wo er aber das nit weist / dispesirt der Bapst / damit den beschwerten gewissen geholffen werd. Das aber die Christlich Kirch nachlaßt vom hundert funff / zu zynßsen / vnd das vmb menschlicher handtirung vñ not willē. Wolches ouch Joannes Gerson / vnd Joannes Capistranus gar zwen heilige Menner nit fur wucher angesehen habe. will ich es alweg lieber mit d kirchē haltē / dā mit Lutern

Luter

Item all ir ler ist falsch gewegnis / Wider das acht / also ist vnd dem Bapst keyn gottis gebot mher sint alle aberhā.

Emser

Diser lesterer lewget die Christenlichen lerer felschlich an / vnd wirt das ninder mher auff sie bringen mogen / das all ir ler falsche gewegnis sey / die weyl sie all ir ler der Christenlichen kirchen vnderworffen / vñ sich in iren buchern offentlich anbedingt haben nicht zu leren noch zu haltē / Dā was die kirch ler vnd halte / So ist das ouch ein offenbare lugin / dz keyn gebot gotes mher vnder dem Bapst sey / dā auß des Bapst vnd der Bischoff ordnung die zehen gebot noch alle Sonntag auff der cangel vormeldet / vnd zu haltē

*Wider wucher
in d. h. b. n.*

gebotten werden/ So diser Ketzer die gebot gotes selber ab-
thut/ vnd vns außgehen/ nur achte machen will.

Luter

Widerumb thut er hin zu/ wie man durch blaten/ kappen/
orden/ fasten/ bettē/ mylch/ eyr/ fleisch/ butter essen singē/
orgeln/ reuchen/ lewte/ scyren/ ablaß losen/ vñ der gleych-
en got dine/ vnd gute werck thue/ dauō got nichtzit weyßt.

Emfer

Das dis alles nit des Bapsts sonder der heiligē apostel zu-
satz vnd ordnung sey/ die von der ganzenn Christenlichen
Kirchen von anbegynn angenommen vnd bis her also gehal-
ten worden/ will ich von izlichem in sonder beweisen/

Von den Platten

Das die heiligen apostel die Platten oistlich zutragen auff
gesetzt/ vñ selber getragen/ vñ was sie dartzu verursacht/
hab ich in meynem oisten buchlin wider Luters reformati-
on bestēdiglich bewert/ Dz mir Luter noch nye hat vorlegē
mögen/ was zeyhet er dann den Bapst? oder warumb sche-
met sich der gotliche mensch des/ des sich keyn heiliger va-
ter nye geschempt hat?

Von den Orden

Die orden haben ir ankunfft auß dem alten vnd newen tes-
tament/ in dem alten von helia vñ der Propheten kynder/
wie ich in meynem oisten buchlin ouch bewert hab/ in dem
newē vō den aposteln Tit dz die dpostel Monch gewest/
sonder das der Monch regel vnd orden auff der apostel le-
ben/ gegrundt ist/ Also das die ordens lewt/ vnder eins pre-
laten gehorsam alle ding in gemeyn vnd keyner nichtzit ey-
gens hat/ mit einander essen/ betten/ fastē/ wachen zc/ wie
die apostel dieweyl sie noch samptlich bey einander gewest
ouch gethan haben/ Der halben wo die orden recht gehalten
wie sie der apostel regel nach/ von den alten heiligen veterē
Blasilio vnd Chrysostomo in grecia/ von Jeronymo in Sy-
ria/ von Augustino in africa/ von Gregorio in Sicilia/ et
Italia/ vō Ambrosio vñ Bernharde i Gallia vñ andn/ an
andern ortē seliglichē eyngesetzt So seyn die Closter wie ich
oben ouch gesagt hab nichtzit/ dann schulē/ aller geistlichē

R

*Vide hoc de Carta Carmin
de carta
in pal. d. m. 110
Corona
Ordem*



tugeten/vñ gar ein richtiger weg zu dem hymelreich / wo
sie aber nit anderjt gehalten werden / dann Luter seyn ordē
helt. so mochten wol auß clostern Lutter grußen werdē. Da
rumb gepurt sich aber nit die Closter alle zerstoren / sonder
die bösen süben straffen / wie Christus dē tempel /ouch nit
zerbrach / sonder die Lutter mit einer geißel vber die köepff
schlug vñnd herauß trieb.

Joānis ij

Von den Rappen

Der geistlichen habit vñd Kleidung ist von alder her allweg
von den weltlichen vñderschiden gewest. wie wir lesen von
den Propheten helia vñd Joanne. von helia iij regum pri
mo / wie er mit ein herin kleid / vñ gurtel vmbgegurt was /
do bey in der / König Schazias erkennet / Von Joāne sagt
Marcus eius dem primo / das er war gekleidet mit Kameel
haren vñd einer ledern gurtel vmb die lende Item Paulus
heb. xi. sie seyn vmbhergangen in Pelzen vñd zigen fellē.
Also tragen ouch die geistlichen ire Rappē / die fulleycht Lu
tern zu ser auff den nackenn druckt / das er der Rappen so
gram ist / so er doch wol weist / das ouch die Philosophi all
weg sonderer Kleyder getragen haben / nit das der mantel ein
Philosophum / oder die Rapp ein Monch mache / sonder dz
ein yeden vogel seyne federn wol zieren / vñnd man ein auß
dem andern da bey erkennen mag /

Marcus

Von Milch eyer fleisch Buter zc

Milch / eyr / fleisch / Buter / vñ alle speys sei frey vñ Befleckē
die seel nit Wie Christus spricht Mathei xv. / Dife freyheit
mag vns aber gehempt werden / durch dreyerley weg / Erst
lich durch vorbot der oberkeit als Adam vorbottenn ward
von dem apfel zu essen Gene / ij. Vñd vns die Kirch gemel
te speys an ezlichen tagen vorbotē hat. Zum andern wirt
dife freyheit gestopffte auß gelubtnis / so eyner gelobet ez
liche tag oder seyn lebē lang Milch / Kef / eyr / fleisch / Buter /
oder ander speys zu meyden Dann was einer gelobt / ist er
schuldig zu halten Wie ich hie nyden vñ den gelubdē wey
ter beruren will. Zum dritten / wo ein gang land / auß alter
gewonheit vñd redlicher versach sich an ezlichen tagen ent
hielte / als wir am Freytag von fleisch vñd ezlich ouch vñ

Buter vnd eyrn Wolche gewonheit ein yeder eynwoner des
selben landes ouch schuldig zu halten / vnnnd zuuor auß wo
die Kirch solich gewonheit bewert vnd angenomē / als dz
wir am Freytag nit fleisch essen canone ieiunia de consecra
tione distinctione tertia. von wolchem Hieronymus ad lecti
niū schreybt / dz mā soliche gewōheit d̄ eldern / zuuorā wo
sie nit wider den glauben seyn / also vhest halten soll als het
ten sie die apostel selber auffgesetzt. wer ouch spricht das so
licher abbruch vmb gotes willen von weyn fleisch oder an
der speys nit vordinstlich / der ist ein Kezer. wie Augustin⁹
schreybt de diffinitionibus recte fidei Dergleychen halt ich
ouch von denen die auß freuel vnd mutwill dem Papst zu
trotz am Freytag fleisch essen / vnnnd darnach am Sonntag
offt keyns im haws habē. Wo aber Ehehafftiger not leibs
oder lebens yemant vourrsachte an solichen tagē fleisch zu
essen. wie sich Erasmus vō Rotterdam erberlich entschul
diget warumb er in der fasten fleisch geessen hab. halt ich dz
im solichs weder got noch die menschen fur ein sund zu
zelen werden.

Von singen vnd orgeln

Singen vnd orgeln haben ouch die alten Kezer angefocht
ten vnd fur narren werck gehalten das die geistlichen so vil
singens treyben in der Kirchen Wider wolche Paulus ge
schriben vnd vns gebotten hat wir sollen vns munder mac
hen mit Psalmen hympsen / vnd geistlichen gesengen Col.
ij. So lesen wir bey David vber an hundert stellē / Lauda
te / cantate / psallite / in voce tube in cytharis in organis ec.
Ja wann ich zeyt het / vnd Luter den alten veteren glauben
geb / wolt ich im hie gar vil schoner spruch an zeigen / Was
Dionisius / Vsidorus / Rabanus / Augustinus / Hieronym⁹
Ambrosius / Gregorius / vnd ander von der Musick vnnnd
dem gesant geschribē haben wie es den geist zu got erhebt
vñ vns zu seynem dienst munder frolich vñ lustig macht /
Ich mueste aber nit ein buchlin / sond ein gāze Bibel schrei
ben wann iches alles mit eynbringē wolt. Vñ ist mir gnug
das ich beweyß dz Luter dē Papst felschlich beschuldiget /
dz er dz singē auffgesetzt / vñ die gebot gotes abgethō hab.

R ij

Dr. L. L. L.

1007

1007

1007

Von dem Reuchen

Der rauch des Weyrachs vnd Thimian/ bederwt dz innig
geberth der heiligen/ wie wir lesen Apocalippis viij. a scen
dit fumus incensorum de orationibus sanctorum/ vnd ist
ouch nit orst von den Besten auffgesetzt/ sonder anfeng-
lich im alten testament von den priestern gereucht worden
Luce i vbi zachrias secundum consuetudinem sacerdotij so-
re erijt vt incensum poneret in templum domini vnd habē
darnach ouch die heiligen apostel in iren messen (die Jaco-
bus geordnet hat) ouch ein rauchfas gehabt vñ gereucht
wie der heilig Dionisius bezeugt: capite iij. de Ecclesiasti-
ca Hierarchia mit disen Worten hierarcha quidem oratio-
nem sacram super diuinum altare perficiens ex ipso thurifi-
care incipiens ad omnem venit sacri chon ambitum ec.

Von dem Lewten

Glocken dienen nit aleyndas volck zu dem gebet vñ dienst
gotes zu samem beruffen vnd erinnern/ sonder ouch zu zer-
trennung der wolcken vnd vngestuemkeit der wind / in
wolchen die bösen geist ir wonung habē/ Derhalben sie mā
weyhet/ vñ wider das vngewitter lewtet/ woches freylich
kynn vorstendiger schelten mag/ diweyl aber Luter als ich
merck des trefels Patron vnd fursprech ist wolt er gern
Glocken/ Crucifir/ Salz/ Wasser/ vñ alles das geweyhet
vnd vns trostlich vñ dem / trefel wider ist/ abthon/ wie er
ouch an ezlichen orten den Puls Morgens vnd abents zu
dem heiligen Aue Maria abgeschafft hat damit der trefel
ouch ander gerochen werd vonn doren im seyn hawp zu
knirscht worden ist Gene. iij.

Von Feyren

Von Feyren hab ich der alten vnd meyn meynung in meyn
nem orstē Buchlin wider Luters reformatio gnugsam zu er-
kennē gebē do hin ich dē leser abermals geweyst habē will.

Von dem Ablas

Von dem Ablas hat Doctor Eckius in der disputation zu
Leyps Lutern dahin gedrungen/ das er im bekennen mues-
sen/ das Ablas nit zu vorachten sey/ wo er recht gebraucht
wird vnd von den alten Besten als dem heiligē Gregorio

Lucas

*S. Pulsn
ampm*

vnd andern ouch außgeteile wordē sey / do bey ich es ouch
Bleyben laß. Dann meyn meynung nit ist / den Mißbrauch
zuwortedigen / Sonder die ding an in selber die den reynen
alle reyn seyn Zi. 1.

Auß wolchem allem erscheynet / wie vnbillich Luter denn
Bapst bezuchtiget / das er die gebot gotes abgethan / vnd
dise ding an ir stat gesetzt / die von den aposteln vnd der gā
gen Kirchen so lang herkomenn seyn. Luter soll mirs ouch
nit fur vbel haben / das ich hie etzlich gloubwirdige alte ve
ter citirt hab. Dann wo es im ebet / ruckt er ouch izo Augus
tinum izo Pogram oder ein ander her fur / soll mir billich
ouch frey seyn.

Ziemit willich ouch das vilgemelte capitel Petri ij. pe. ij.
gar außgericht vnd abgefertigt habē. wie wol noch eins da
hinden blibenn / das ich schir vorgessen hert / Namlich das
Sant Peter am end des mhergenanteu capitels / vilgemelte
vorsurer der letsten tzeit en / vorgleycht eynem hund / der die
speys wider von im schut / Oder einer saw / die do reyn ge
waschen was / vñ sich wider in dem quat sudelt / Wie kond
oder mocht aber Sant Peter Luter vnd die andern außge
lossen Monch die ir Rappen außgeschut haben / vnd sich
in der welt / wie ein Saw in eyner Pfizen welzenn / yemant
andern suglicher vorgleychthabē : Mocht man nit billich
vō inen sprechē / wie David sagt psal. xlvij. 3 Mensch /
do er in Ehr vñ wirdē was. hat er dz nit vorstehē wollē / ist
vorgleycht dē vnuornunfftigē thierē / vñ inē enlich wordē :

Von der Bischoff tugeten die
inen Luter zuschreybt

Volgend Last sich Luter fulleycht selber beduncfenn / wie
er Bapst vnd Bischoff bis her gelestert gnug hab / Derhalb
Ben er hie anfahet ouch ir tuget vñ lob zu priesen / Aber
gleych wie Quidius in Jhim / vnd David am acht vñ hun
derstē psalmen / Dann es alles ein schimpff ist was wir bis
her gehört haben / gegē der grawsamen vormaldeyung vñ
lesterung / so hernach volget / vnd kan diser vnserige Baal

R ij

No. 10
Petrus
S. Menachis apostolus
No.

David

11. Act 11
Paulus
Blasphemie 1^a

Peor (gleych als ob er nit Baal Peor / sond hercules Rhodius wer) mit rodirn / nagen / Befel scheltwortē vnd iniuriē nit erfult werden / zu einem Preambel / vnnnd furlesanz / bedingt er sich orstlich an Ob er die Bischoff nit handelte als Bischoff / soll im nyemant Misfreden / Dann sie halten sich selbs ouch nit als Bischoff / gleych als ob er seyn stand bis her recht gehalten / oder der Bischoff richter wer / so vns doch Sant Paul vorbottē hat ouch ein frombdē knecht zu richtē / ich schweyge die oberkeyt / Damit er aber dē Bischoffen vnglympff vnd abgunst mache bey iren vnderthanen / so spricht er sie rouben wie ein dieb den fromenn lewten mit liegen vnd triegen / Darumb er die wolff beschreyen vñ vor- maledeyen woll / vor meint des ein gut exempel zu haben / an Sant Paulo der Act . 23 den obersten Priester Ananiam offentlich am gericht strafft vnd maledeyet / Bewert mit lägen Worten auß Augustino / das Paulus seyn außred vnnnd entschuldigung / die er darnach eynbracht / namlich wie im nit bewust gewest / das er Oberste Priester wer / nit also gemeynt / wie er das geredt hab ꝛc

David

Nu willich Sant Augustinus auflegūg die er schreybet / in dem sermon von dem knecht Centurionis vnd ist cano- nizirt in c . paratus xxiij q . 1 . gern annhemen vnnnd mit im dafur halten . das Sant Paul mit disen Worten hab wollē anzeigen / das / das Priesterthumb der Juden dazumal ein End genomen / vnd das er damit wider das obgemelte vorbot Exodi xxiij . nit gehandelt het / wie will aber Luter beweysen / dz / dz Priesterthūb Christi ouch seyn endtschafft hab . So doch von im vnd seynem Priesterthumb geschribē stehet / du bist der Priester in ewikeit Psal . centesimo nono Darumb so mag sich Luter mit disem exempel nit schutzen / Dān der dē Paulus strafft keyn oberster Priester mher woz / So vorliesē vnser Bischoff ire stand darūb nit / ob gleych / ire werck der ler nit allwegen gemess seyn . Wie oben ouch bewertet ist . Dergu so was Paulus vnschuldig / so Luter wol ein grossers vorwirckt het / dann im bis her widerfahren ist . Item so richtet in Ananias wider das gesetz So Bapst vñ

Bischoff Luter nach dem gesetz gericht vnnnd im nit vn
recht gethan habē/dān dieweyl er die Christenliche Kirch^m
en voracht vnd nit horen will/soll man ine ouch nit fur ein
Christen haltenn / wie Christus selber sagt Mathei xvij .
Auf wolchem volget/das er die Bischoff also zu schenden **Matheus**
Keyn fug noch recht hat/vñ in Sant Pauls exempel nit ent
schuldiger/sondereytel schmach vnd lesterung ist domit er
vmb gehet/wider das obgenant vorbot Exodi xxij . vnnnd
wider got Ehr vnd recht/vnd das sey meyn preambel auff
die nachvolgenden tugeten /

Von der orsten tuget des Papst
vnnnd der Bischoff

Luter spricht die orste tuget des Balaams vñ Seelmorders
zu Rom/seyen/Briene/Bullen/vnd Ablas/mit aller seyner
ler/vnd gesetzen vnd sagt das die selbigen eytel menschen
ler/Bogen vnd gogen seyn/derhalben sie die Bischoff nit an
nhemmen sonder vorbieten/vorwerffen/vñ vortilcken soltē/
Diueyl sie das nit thon/nennet er sie selber ouch Seelmor
der vnd ermāt das volck/Bey des tewfels trew alle / Bepst
lich Briene vnd Bullen/als lawter abgoterey / zu vorachten
zerreyssen zu vorbrennen/vnnnd mit inen faren als mit ey
nem leyplichen Priapo zē

Wie wol ich nu von diser abgoterey vnd menschen ler/ obē
clar gnug geschriben/vnnnd bewert hab das nit der Papst
sonder die Kezer mit ir falschen ler selber Seelmorder Priap
pen vñ lappen seyn/Nicht des weniger/diueyl Luter hie
was nawes eyn bringt namlich Esaiam vñ Matheum zu
gewegnis das got aleyn vnser lerneister seyn woll.vñ wie
Keyn lerer noch meister auff erden haben oder nennē sollē ec.
Mus ich im dasselbig ouch vorantworten.vñ bekenn orst
lich mit Esaiam/wo got das hertz nit innwendig selbs ouch
mit lert vñ seyn gotlich gnad eyngibt/dz alle ler/der schrey
ber vnd prediger verloren ist/das ist ouch die meynung Jo
annis do er sagt et erunt omnes docibiles dei Joannis vi .
Aber nicht zt dester/weniger will vns got ouch außwendig **Joannes**
leren durch seyner diner vnd vorwalter seyner Kirchen/derē

Mathei
xxij

wort gleych seyn / als wēn got selbs redte 1. Pe. iij. si quis loquitur quasi sermones dei / wie ouch Paulus sagt Eph. iij. / Das got der Kirchn erzlich gegeben / zu Propheten / erzlich zu Aposteln / erzlich zu Doctoren oder lerern / erzlich zu schreybern ec. Ja es nēnet sich der heilige Paulus ouch selber ein Meister ij. Timoth. 1. per Evangelium inquit in quo positus sum ego predicator et apostolus et magister gentium. Derhalbē / das Christus in Matheo sagt wir sollen keyn meister auff Erden heysen / dān er sey aleyn vnser meister / ist zu vorstehen / wesenlich dann er ist aleyn die wesentlich vnd geborne weysheit gotes . gegenn dem all vnser kunstler vnd weysheit / gar nicht zu scherzē ist / Quem admodum etiam solus deus essentialiter Pater / et solus dominus est / Aber zufelliglich vnder vns selber zu rechen vñ gegen ein ander zu uorigleychē / ist ein yeder des andern meister der in was gutes lerē k̄n. Derhalbē so thut Luter gleych als einer den man hengen will. der fragt nit darnach dz mā meniglich mit im hēgete / also dieweyl er seyns titels vñ doctorats beroubet ist / wolt er gern die andern Doctores vnd Magistros ouch all helfen vortilcken .

Lucas
Paulus

Zu des Bapsts Briue vnd Bullē sag ich dieweyl got Sāt Petern vnd seynen nachkomē vollen gewalt gegeben seyne schaff zu weiden / zu binden vnd zu lösen / vñ wir aber nit all bey dem Bapst zu Rom oder er bey vns seyn mag / wie kan er vns dann seyn meynung gemut vnd willen / anderst beybringen / dann durch seyne Brieff vñ Bullen / wie ouch die heiligen apostel ire epistel vnd Sendbrieff an die abwesēden geschriben / vñ zu weylen ouch gelt dar inn geordnet / das sie dem notturfftigen außgeteylt vnd zugeschicht haben / Derhalbē wer des Bapsts Brieff vñ Bullen voracht / der voracht ouch den Bapst selber / vñ wer den Bapst voracht der voracht ouch got. wie er selber gesagt hat qui vos spernit me spernit Luce x. Et 1. Thess. iij. wolcher dise ding voracht der voracht nit ein menschē sonder got selber Darumb ich dann die fromen Christen widerumb bey ir seelen selikeit ermāt habē will / dz sie dē Bapst fur ein Bapst /

vnd Lutern fur ein Priapen vnd lappen halten wollen / der
do selber mit menschen vñ tewfels ler vmb gehet / selbs ein
warhafftiger Seelmorder ist. vnd das wort gotes wie Ba-
laam wol zu weylen im mund aber nit im hertzen hat. Dān
wer seyn hertz gerecht / so hielt er sich ouch gehorsam vñnd
vnderthon / die weyl er weyst das vngheorsam der abgote-
rey vorgleycht wirt. Regum xv. quasi peccatum ariolandi
est repugnare et quasi scel⁹ idolatrie nolle acquiescere. Die
weyl er aber in seynem vngheorsam vorstockt / wolt er gern
die Bischoff ouch zu vngheorsam ires Bapsts erwecken /
vnd dert in das zu dem ergsten / das sie im bestim thon /
dann das er spotlich ein tuget heist / namlich das sie dem
Bapst gehorsam seyn / ist in d̄ warheit die rechte herpft zu
get on wolche die Christenheit nit gedeyhen mag / dān zu
setzen / das der Bapst gleych gemelt Bullen oder ablas gelt /
nit zu gemeynem nutz oder notturfft der Christenheit auß
gebe / sonder vbel vorzerte / wer er dannocht nit vnser / son-
der aleyne seyner eigen seelmorder. vnd wurd vns dannocht
was ein izlicher auß guter meynung eyngelegt het / bey gos
nit vnbelonet bleyben. wie ich dise ding alle am andern teil
meyns oisten Buchlins wider Luters reformatiō bestendig-
lich bewert hab.

Von der andern tuget
der Bischoff

Die ander tuget des Bapsts vñ der Bischoff nennt Luter
das sie gestaten gelt zunhemen vnd selber nhemen von ge-
melten Bullen / Aplas Briuen vnd ander geistlichē gutern
wider wolches er izlich starcke spruch furwendt. D̄stlich
die wort Christ̄ir habts vmb sunst / darumb solt irs ouch
vmb sunst geben Warheit. Item den spruch Pauli / wenn
wir speys vnd kleider haben / sollen wir vns benugen lassen
1 Thimoth. vi. Item den spruch Petri das ein Bischoff
nit schentlichs genieß sichrig seyn soll 1 pe. v. Item das er
empel Pauli der selber gearbeit ein hantwerck getrieben vñ
ein doppelsticker gewest sey ee. Beschleusst endlich mit
des hyrten fabel von dem furstlichen Bischoff der do frag-
te wann der tewfel den Fursten hinsurte wo der Bischoff

No bene

*2. Blash
des Papiers*

Bleyben wurd / mit vil anhangenden vnuzern stichworten
die ich vmb kurze willen fallen laß.

Aber zu antworten auff die eyngebrachte schrifft Sag ich
das 3 orste spruch Christi namlich ir habts vmb sust / drüb
solt irs ouch vmb sust geben vorstanden werden soll vonn
den Sacramenten / vnd geistlichen gabē die vmb keyn gelt
geschetzt noch vorkoufft werde sollen oder mogen. Dieweyl
aber gemelte Sacramēt vñ geistliche gueter / zu dispensirn /
cōficirn / reichen / aufsteilen / hin vnd wider tragen / bewarē /
Behalten vnd vorwaltē dartzu das wort gotes zu predigē /
zuschreyben oder zu betē vnd zu singē etwas muhe / sorg /
vleys / vnd arbeit erwordert. Mogen die geistlichen vmb so
liche iren dienst bey den Sacramenten vnd wort gotes wol
ein zimlichen lon vnd sold nhemen / wie Christus mit seynē
hungern selber ouch von den leuten genomen / vnd Paulus
mit vil Worten bewert 1. cor. ix. Darumb so macht Luter
das zettergeschrey hie / all zu gros / dann es nit wider got
ist / das die geistlichen gelt nhemē / nit vmb die Sacrament /
sonder vmb ir muhe vnd arbeit / vnd der Bapst zu gemey-
ner notturfft vnd enthalt der ganzen Christenheit / hiemit
willich ouch geantwurt haben / Dem gnten man der in seyn
nem gesprech zwuschen dem Abt / Curtisan / vnd tewfel / 3
Pfaffen gesang vogleicht dem wucher / vñ vormeint gleich
wie man gelt vmb sust außsleyhen / also sollen ouch die geist-
liche vmb sust in der Kirchen singē. Wolches ein feyne sach
wer / wo eym der bawch so volda von wurd / als der mund
foll windes oder atems / Auch wundert mich vñ im das er
spricht Luters ler sey gerecht vñ gut / Vnd bekent doch sel-
ber das er auß eytel neyd vnd hoffart schreyb. was guts kã
nu auß hoffart oder neyd herkommen? aut quomodo intrabit
in maleuolan animam sapientia :

Zum dem spruch Pauli 1 Timot. vi. dz wir vns an speys
vnd kleidern benugen lassen sollen Sag ich das / das wort
lin alimētum welches Paulus dis ors gesetzt hat nit aleyn
speys sonnder alle notturfft in sich schlewft / vñ redt

ad. 1. 7. 27
9/100

Paulus dise wort aley n darauß das wir vns auff vberflif
fig gut oder reychthumb nit vleyssen sollen vnde et mox se-
quitur Qui . n . diuites eri volunt incidit in laqueum ec-
Darumb so muß gemelter spruch Pauli nit so gar schmal
vorstanden werden als in Luter vnd die Böhem deuotenn
wollen / Namlich ein Priester soll nit mher dann ein grauen
rock vnd speys haben / Dān ouch die apostel nit all graue
rock angetragen / vnd die Priester nit aley n bey Juden vnd
Heiden allweg nach Ehren vnd notturfft vorsorgt wordē /
sonder ouch die apostel bey Christo keyn gebrechē gehabt /
wie er selbs spricht Luce xxij . do ich euch außschickte onn
Bewtel vnd taschen hat euch ouch was gemangelt / Tu er-
uordert der Priester notturfft nit aley n speys vñ kleyder son-
der ouch gelt zu buchern / zu bade vnd erhaltung irer her-
ber vnd gesindes / Item den franchen in die apoteck vñnd
den arzeren / Item zu den Ehren als wann sie gebeten wer-
den zu geuater / zu hochzeyten / zu orsten messen vñnd der
gleychen / in wolchem allem sich ein izlicher seynem stand
nach halten muß / Vnd mogen die ding alle nit so garnach
der elen gemessen werden . Das mag aber war seyn / das ir
eglich zuweyt vber die schnur haben / vñ dz inen zu E hre
vñ notturfft gestift ist / zu vneheren / vnd vberfluß mit klei-
der / speys / vnd ander sachen gebrauchen / do wollen wir sie
rechnung vmbgeben lassen / vnd mag ein yeder sehen / wie
er das bey got vorantwurten woll . Dann was vberigs ist
gehört den armen / wie inen ouch die heiligen canones gebo-
renn haben .

Lucas

*Summar notatus
sacerdoti*

Zu dem spruch Petri / dz die Bischoff nit geizig noch schēt-
lichs genieß suchtig seyn sollen . Mag woll sein / das eglich
Nit aley n Bischoff sonder ouch ander geistlich irē geiz all
zu groß an tag geben / mit mancherley narwen funden vnd
auff sagen / dardurch / (als vormuttlich) aley n dem Pfennig
nach getracht wirt / wie sollen wir aber dem thon ? So d
der geiz doch ouch bey den gezeyten der apostel vnder die
Bischoff so ser eyngewurgelt het / Das sich Paul⁹ beclagt
Philipp ij . dz er in gern einē schickē wolt an irē Bischoffs

Paulus

L ij

*In primis
scilicet*

Eppaphroditi stat / der do zumal krank lag / So wuste er
keyn auß zu richtē / der sie getrewlich meynte / Dān sie such
ten all ir eigen nutz vnd nit die ding Jesu Christi / So nu d
geytz die geistlichen so frue im anfang der Kirchē besessen.
Was ist's wunder / Das ir / ezlich zu disen letzten zeyten / in
wolchen alle ding auff gelt gestelt / vñ die liebe gar erloschē
ist / dem gelt ouch so ser nachtrachten findt man doch wi
derumb ouch ezlich die es wol vorthon konnen / vñ inen
ein Bischtumb aleyn vil zu wenig ist. Darūb so last es sich
itzo alles thon / wann sie aber der tag eyns zur rechnung ge
vordert werden / will ich warlich lieber eyn armer Priester /
dann Bapst oder Bischoff gewest seyn /

*No 4 Paulus
mit opus
manu*

*Vide 22. l. r. q. 18.
a 3. q. 1. a 10
ep. 19. 5*

hapt

Das Sant Paulein hantwerck getriß / hab / ich noch in
keynem buch gelesen / dann er (als ezlich glau wirdig sage)
weder weyb noch kinder gehabt / on die ein hantwercks mā
seyn handel schwerlich treyben oder hauß halten kan / Dar
zu so ist er sters von eyner stat zu der andern gewandert dz
Ewangeliū zu predigē zu dem in der heilig geist vord
net het Act. xij. Er mag aber ein hantwerck in der iuger
wol gelernet haben / als die reychē ire kynder noch gern wz
lernen lassen / nit das sie das treybe sollen / es wurde in dān
von noeten / Na ist Paulo nit von noeten gewest sich mit
den henden zu erneren / dieweyl er macht het vō dem Ewā
gelio zu leben. ij. Thess. ij. das er aber bey Aquila / Pris
cilla / vñ an andern orten / do er zu herberg gelegē / die zeit
so er nit gepredigt / seynem wirt hat helffen arbeiten. ist ge
schehen vns zu eynem exempel / das nyemāt muessig gehē /
sonder seyn brot vordinen soll / Es seynu mit leylicher od
mit geistlicher arbeit. Nam qui non laborat nō manducat.
Paulus / hat ouch nit konnē doppich sticken sond seil strick
en Scoenofactoria. n. vocatur ars eins / Act. xvij. Luter
wolte dann auff seyn rotwelsch das / toppich nennen / das
von Babst zusamen geflochten wirt / darauff die Monch
in irē Clostern stehē vñ gehē / damit sie kein getüpel machē /
Den hyrten mit seynem furstlichen Bischoff wolt ich wider

umb fragen (wo ich Beyim wer) wann der tewfel alle Re-
ger hinweg furet / wo sich Luter hin vortrichē wolt hat Lu-
ter nit gelesen wie ouch der heilig geist die Apostel Fursten
nennet . Psal . 44 . constitues eos Principes super omnem
terram / daher die Kirch von Petro vnd Paulo singet Glo-
riosa Principes terre ec . Darumb so mag mā ouch ire nach-
komen die Bischoff wol Fursten nennē / das sie aber darūß
den Weltlichen Fursten mit weltlicher pompa gleych bran-
gen vnd prachten sollen schreybt Lucas nichtit von / Vñ
gloub wol ye schlechter vñnd geistlicher sie sich hielten / ye
mher w. derumb vor inen ouch gehalten wurd .

Von der dritten tuget

Die dritte tuget (spricht Luter) ist / das sie lassen predigen
in den Aplas Bullen das die lewt mögen vnrecht gut behal-
ten / wo sie ein teyl des selbigen inen gebenn Et infra wo ist
das geschriben : zu Rom im raurloch ec . mit vil anhangē
den spizigen stachligen vnd lesterlichen schmehungen wid
Bapst vnd Bischoff wie sie leren stelen vnd rawben wider
die gebot gottes ec . die nicht von noten alle zu repitirn od
zu vorantworten / ich will im aber weyßen dz des geleych
en / nit aleyñ im raurloch zu Rom / sonder ouch in der cano-
nischen schrifft gefunden wirt / Exodi xi . da got selber wi-
der seyn gebot dispensirt / vñ die Juden hieß den Egypitiern
all ic silbere gefess vnd kleynoter ab borgen die sie inen behiel-
ten vnd nit widergaben / Item ij . Regum xi . leßenn wir /
wie David seynem getrewen Ritter Orie seyn weyß nam /
in todten ließ / vñnd sie darnach zu der Ehe behielt / bis an
seyn end / das im got nach ließ / wiewol er sie orstlich ouch
wider seyn gebot genhomen het / Wān ich aber die warheit
sagen soll / so gefallen mir dise dispensationes vñnd Bullen
selbs ouch nit alzu ser wol / nit darumb das der Bapst nit
macht hab alles das auff erden ist zu binden vnd zu löfē /
sonder das es ergernis vnd den lewten ursach gibt vnrech-
tem gut nach zu stellen zu beschwernus irer gewissen vnd
vordamnis irer armen seele quicquid enim contra conscientiam
agitur ad iehennam edificat .

Derhalben vñnd dieweyl dise zweye empel nicht umb des

Moyses

*Ita prae dispensat / de
id est plus optat bonu
qui non fuerat
significat quod ipse deus
cum non respicit
solum bonu sed
suo mandatu
dicitur Und 22
966a 5 ad 17 Und
et cetera*

Buchstabens sonder vmb ir heimlichkeit vnd des geistlichen
syns willen in der schufft vormelt vnd von got nach gelas-
sen worden seyn/halt ich dafür/das inen der Papst on tref-
felich vrsach vnd ehaffte not der Kirchen/nit nach volgen
oder so leichtlich erloben soll/vnrecht gut/wider die offen-
barn gebot gottes/zu behalten vnd vil weniger das selber
annahemē/wider den spruch Esaie den Luter hie allegiert/
vnd die altē canones/Non est putanda elemosina | Ques-
tione | cum | similibus Es were dann das die rechten erben
nit mher vorhanden/vnd er das nheme/nicht im selber zu
behalten/sonder armen leuten oder zu obligēder nottufft
gemeyner Chriſtenheit auß zu spenden/wolches er als der
oberste hawßvater dispensator vnd auß teiler gute macht
het/vnangesehen was der zornig Monch da wider hagelt
Dondert vnd plizget/

Von der vierden tuget

Mathe

2 Joh. 1. 10. 11. 12.

Marcus

Bulla Insuper

Die vierde tuget tewffet Luter/das der Papst in den Bullē
vorspricht vorgebung der sunden/allen denen die berewet
vñ gebeycht habē. Wolches er tadelt auß zweyerley vrsach
Dirstlich dz der Papst gelt da fur nhemet/So doch Chriſ-
tus Mathei viiij. nit gesprochen hab/leg gelt eyn/sonder
bis getröst/oder traw vhest so seyn dir deyn sund vorgeben
zum andern singt er seyn altes liedlin/namlich das aleynd
Blosse gloub on alle beycht oder rew/selig mach. Diweil im
aber diße beide stuck/vorhī vil maln gnugsam vorlegt/vñ
Christus die so bey seynen gezeyten ouch gelt eyn legtenn/
nit gestrafft sonder gelobet hat als die armē wittib/die nit
mher dān zwey scherffleyn het/die sie beid in den fasten eyn
leget Marci xij. So stehet Luter hie nit lang/als an eyner
stell do ers nit gut hat vnd leychtlich gefangen werdē mag
Sond wendet sich vor dem neg/loufft in den holzweg hin
auß/vñ kompt wider auff die Bischoff/Wider die er nach
vil grawsamer schmach vñ lesterung entlich ouch ein Bulla
ausgehen laßt dis lawts wie her nach volget.

D. Luters Bulla vnd Reformation

Alle die da zu thun/leyß/gut vñ ehere dran setzen/das die
Bistumb vorstoret/vnd der Bischoff regiment vortilget

werde/das sind ließe gottis Kynder/ vnnnd rechte Christen/
halten vber gottis gepott vnd streyten wider des tewffels
orduung/oder so sie das nit vormögen/doch das selb regi-
ment vordammen vnd meyden. Widerumb/ alle die do hal-
ten vber der Bischoff regiment / vnnd yhn vnterthan mit
willigem gehorsam / die sind des tewffels eygen diener/vn
streytten wider gottis ordnung vnd ge

*hoc quod dicitur in
suo libro*

*Notandum: inuenitur in libro
suo*

Diese Ketzerische Bulla vermeint Luter zu erhaltē mit drey
en spruchenn Pauli wolche ouch der heilig Hieronymus in
epistola ad Euandrum zusamē klawbet vn̄ damit beweist
das im anfang der Kirchen die Bischoff ouch Elder oder
Priester. Vnd her widerumb die Priester ouch Bischoff genēt
worden seyn / Diuweyl dann auß Sant Pauls ordnung in
einer izlichen stat ein Priester/vnd nit einer vber vil ster seyn
soll/ So schleusst Luter das ouch in einer izlichen stat der
selbig Priester ein Bischoff seyn muß vnd nit einer vber vil
ster regirn soll. gleych wie Creta/ Ephesus / Philippis / vn̄
dergleychen ster ouch izwedare iren sondern Bischoff ge-
habt haben. Furter sagt er wie Episcopes Luce xix auff he-
braisch heym suchung vn̄ Episcopus ein heimsucher heiß /
der zu den leuten gehet/ wie izo Pfarrer vnd caplan / Da-
rumb die selben all rechte/ Bischoff seyn/vnnd die vnsern/
die das nit thon / sonder auff hohen hengsten reytten vnnd
vber vil ster regirn / nit rechte Bischoff sonder gözen vnnd
tewfels laruen seyn / dann was wider gotes ordnung / dz
sey des tewfels ordnung Derhalben man sie wie den tew-
fel meyde/vorachen/vortilckē/mit fieszen treten/vnd vber
dem wort gots vhest haltē soll / Entlich gibt er inen ein rat
sie sollen abermaln ein lügen mawol dingē / der von zweyer
ley Bistumb schreybe/wie ihener von zweyerlei Priesterthu-
mb. mit vil vorgebē/leychtfertigen / vnd vn synnigen schelt
worten die ich vmb ir vnzuch willen faren laß.

Regiment 67

*In his scriptis
vnde in
vnde in
vnde in
vnde in
vnde in
vnde in*

Ehe das ich nu der Bischoffsach angreyff/willich zuuor
mich selber vorantwurten/vnd sag das mir diser lesterer ge-
walt thut/dz er mich so oft vn̄ schier in all sein Buchern et

lugner heysst / hat auch des Feyn redlich vrsach / dann das
er meyne bucher gern damit darnyder schlagen / vnd den le
ser da von abschrecken wolt. Bit der halben alle menschen
sie wöllen mich entschuldigen / vnd in selber für ein lugner
halten Er zeige mir dann an in wolchem stuck ich die war
heit gesparrt hab. wie er hieniden an einem ort thut / also ich
ougensehynlich beweysen will / Wann es do selbst hin ko
men wirdt / das er selber gelogen vnd ich die rechten war
heyt geschriben hab .

Zum andern / so darff Luter nit sorgen / das mich die Bisc
hoff zu diser arbeit gedinckt haben / dann sie ires gelts nit
so muld / das mir iren yendert einer die aller geringsten frue
mess oder doch so vil gegeben het / das ich ein schreyber do
mit erhalten mocht / Vnd wann sie mir gleych so vil gebe /
als Balac dem Balaam vorhiesse / Doch wolt ich nicht
schreibē dan die warheit / vñ gefelt mir ezlich ir mißbrauch
gleych so wenig als Lutern . Ja ich lobe ezliche hochgeler
te menner / das sie gemelte Mißbrauch / des gar vil bey vn
sern gezeigten ort auffkomen vñ noch teglich eyn wurzelt
in iren buchern nur frisch antasten / dann sie das auß Chris
tenlicher pflicht vñ lieb mit guter vornunfft / maß / weys /
vnd zimlicher reuerenz thon / den Bischouen nit zu leste
rung sonder zu besserung vnd außrodung gemeltem Miß
brauchs / der iren vilen selber auch wider / vnd vndenklich
ist . Aber Luter lestert / maledeyer / tobt vnd wietet gleych
wie ein thorichter Hund an alle vornunfft / maß oder weys /
vnd laßt sich öffentlich merckē / das seyn straff nit auß ließ
sonder auß gram / zorn / neyd / vñ haß herflusst / Nit zu bes
serung / sonder zu tilckung / nit des mißbrauchs / sonder der
Bistumb vnd Bischoff an in selber / Vnd wolt gern Pick
hardische Bischoff machen / on weyhung / on salbung / on
auflegung der hend / vnd on alle Christenliche ordnung /
damit das hohe Priesterthumb gar voracht / vnd nider ge
truckt wurd . Diuweyl aber diß seyn furnemen Ketzerisch
vnd vnchristenlich / will ich zu sterck der heiligen warheit
vnd dem gemeynen eynfeltigen volck zu notturfftiger vnd

richt/Beweyßen das Bistumb vñ Bischoff/ ouch bey disen
vnsern gezeyten/ so vil iren gewalt/stand/ vnnd ampt an-
tefft (den mißbrauch aleyñ außgeschlossē) nit wider die
ordnung gotes oder Pauli seyn/vnd das im alten vñ new-
en testament/von anbegynn allwegen zweyerley Püester-
humb ein hohes vnd ein niders gewest/ die ob sie gleych zu-
weylen in eyner person/ so seyn sie doch im grund allweg vn-
derschieden vñ nit ein izlicher Püster od Pfarrer ein Bisch-
off gewest/der hoffnung wo ich das beweyße/ so soll Luter
selber für ein lugner gehalten / vnnd Emßer mit der war-
heyt bestehen werden /

Dem also nach So bin ich Lutern gestēdig/ das im anfang
der Kirchen die Bischoff ouch Püester oder Elder / vnnd
die Püester Bischoff genent worden seyn Aber nit darumb
das/ das Bistumb oder hohe Püesterhumb von dem an-
dern nit ein vndercheid gehabt het / sonder das der Püster
dozumal wenig vnd sie gar fromen dapfer / vnd geschickte
lewt waren/ denen die apostel/ beide stend vñ ampter (wie
sie von Christo ouch empfangen/ wol vortrawen mochtē)
Do sich aber nach maln der harffmherete/ vnnd das hohe
Püesterhumb/ vnd Bischoffliche wurde/ zum teil auß me-
nig (wie izo die vil Vniuersiteten zum teil auß vngeschick-
licheit der personen/ voracht vnd sie selber vnder einander
zwiseptig worden/ Sint das hoch vñ nider Püesterhumb
noch bey den gezeyten der apostel vñ ein ander geteilt wor-
den/ vnd das hoch/ aleyñ den Bischoffen vorbehalten/ Wie
Zieryonymus an der obgenanten stell selber ouch meldet/ dz
das geschehen sey in remedium schismatis vnnd sint seyne
wort canonisirt lxxxiiij. distinctione canone legitimus. Aber
Luter pflegt aleyñ zu sagen was im dinet / vnd das ander
vnder den banck zustoßen. Das es aber noch bey dē gezey-
ten der apostel geschehen sey. So nennet der heilige Vater
Dionysius der Sant Pauls Junger gewest/ die andern ge-
meynen Püester secundi ordinis sacerdotes In libro de Ec-
clesiastica ierarchia/ vnd in der Priuatz so man Püster wey-
het werden sie genent secunde dignitatis ministri / welches

Paulus

Moses

No

*Vid. loc. de hi. ac. t.
p. 11. h. 1. 69
de h. t. 22. q. 1. 84. ab
9. 17.
de hi. ac. t. de hi. ac. t.
de hi. ac. t. de hi. ac. t.
de hi. ac. t. de hi. ac. t.
de hi. ac. t. de hi. ac. t.*

nit wider die ordnung gotes ist (wie Luter sagt) sonder vñ
alter her also von im geordnet worden / das zweyerley Pries
ter weren / hohe / als die Bischoff / vnd nydere als ich vnd
der gemeyne haroff . wie der heilige Paulus bezeuget heb .
viii . das in dem vordern tabernackel die gemeyne Priester /
aber in dem andern aley n der hohe Bischoff vnd dartzu im
Jarnu ein mal geopfert hab . Zum andern zeigt das an /
das got den selbigen hohen Priestern sonderliche ornat vnd
Kleidung hat machen lassen / Die vns schlechten Priestern
auff den hewtigen tag nit gepurn / als das rationale / super
humerales / mitra / baculus / et alia Exodi xxviii . Zum drit
ten so mogen aley n die hohen Priester / Weyhen / wie der hei
lig Jeronymus an der obgenanten stell bezeuget / vnd Lu
ter ouch in der feder gelassen hat . Zum vierden beweist das
ouch die besondere salbung / dan man den Priestern aley n /
die henn / vnd den Bischoffen ouch das haupt salbet / da
rumb das sie das haupt namlich Christum bedewten des
statthalter sie seyn / Wiewol Augustinus sagt in questionibus
super leuiticum dz es ein ol gewesen sey / damit man die
hohen vnd nydern Priester gesalbet hab . vñ das dienydern
Priester (die er ouch nenet secundi ordinis sacerdotes) wa
der hohe durch tod abgieng / seynen nachkommen salbet nō
per excellentiam sed per ministerium Et sic plus ex necessi
tate q̄ ex potestate zc Wolches alles clar gnug angezeigt / dz
die Priester nit all gleych / noch ein yeder Priester ein Bisch
off sey / Wie Luter felschlich furgibt . dann Wolcher wolte
glauben / das die orten heiligen Bepst vnd Bischoff / die
den mhren teil all vmb gotes willen gemarter worden / disen
brauch nach gelassen wo sie gewust hetten / dz es wider go
tes ordnung vnd willen gewesen wer . Dieweyl aber von dis
sem vndercheid ouch der obgemelte durch lawchte Konig
von Engelland / vnd ich in meynem orten Buchlin wid
Luters Reformation genugsam gehandelt . will ich den le
ser der an disem allem nit gesetiget vmb kurze willenn do
selbst gingeweyst habenn /

*De hi. ac. t. de hi. ac. t.
de hi. ac. t. de hi. ac. t.
de hi. ac. t. de hi. ac. t.
de hi. ac. t. de hi. ac. t.*

Das Episcopes Luce xix auff Hebraisch heym suchung be



derot/ist mir ein selzams/dieweil ich weysß das Lucas Krie-
chisch vnd mit Hebraisch geschriben hat/vnd mit beide gra-
matick Kriechisch vnd Hebraisch/die ich vor vier vñ zweyn-
zig Jaren gehört hab/nit so gar frombd als Luter wenen
will Im fall aber das gleych Episcopus ein heymlicher
hieß/Warumb tadelt dān Luter die heiligen canones/die
den Bischouen auff gesetzt haben/wie vnd wann sie ir vñ
derthanen visitirn oder heymsuchung sollen x. q. 1. relata
etc. decernimus cum similibus /

Jan

Das aber nit in allen stetten Bischoffsizen/macht das nie-
ein yeder fleck/wann er gleych mit Mauren vnd Thurmē
vmbinger ist/im lateyn ciuitas sonder vrbes/oppida/vnd
castella genent werden do Sant Paul nit von sagt/sonder
gebraucht dz wortlin ciuitas. das ein grosse Bischoffliche
stat heist maxime vbi stricteres agitur vt hic / secus autem
in favorabilibus. Dartzu so seyn zu der zeyt do die aufstei-
lung der Bischofflichen Stet nach beuelh der Apostel ge-
schehen (da von ich oben ouch gesagt hab) vil/dz izo gros-
se Stet seyn/noch do zumal dorffer / oder zum teil gar vn-
gebawet gewesen/Es ist ouch nit war / dz vnser Bischoff
in vil steten Bischoff seyn/Dann sich ein iglicher aleyne ein
Bischoff nennet/einer stat / als der zu Meyssen / diser zu
Augsburg/Bomburg zc vñ ein grosser vnderscheid zwusch-
en/der Bischofflichen hauptstat / vñnd dem sprenkel/dann
man kan die Stat in ban thon / das dannoch der sprenkel
frey bleybt/et econuerso. das sich aber ir Jurisdiction/Kre-
sam/vñnd ordination vber den ganzen sprenkel außbreit /
ist von alter also herkomen / Dann Titus nit aleyne die stat
Creta sond die ganzen Insel vorsorget/ vñ die zu Corint-
ho/Philippis/Epheso/vnd an andern orten nit aleyne die
selbigen stet/sonder ouch die ganze vmbligēde gegend mit
aller Bischofflicher vorsorgung vorwalten haben / Gleych
als do die kynder von Israhel die grossen Stet vnder sich
auß bewetē. warden einer iglichen stat zu geteilt ouch die
vmbligenden stetleyn/Castell/Dorffer vñnd flecken. aldo
ouch denn Priestern nit aleyne acht vñnd vierzig stet / zu ir

Ciuitas quid signifi-

wonung/ Sonder auch die anhangende vorstet vñ wey
Bild eyn gegeben worden. Josue xxi.

Es hat auch der Dechant zu Maideburg sampt seynen
Thumherren nit so gar vbel geredt/dz sie gesagt der Bapst
vnd die Christenlich Kirch seyn nicht weniger/dann Pau-
lus. dan sich Paul⁹ selber de geringste vnd den Aposteln be-
kennet 1. Cor. xv. vnd volget nit/ ob er mher kunst gehabt
dann die andern/das er darumb mher gewalts gehabt/ Ja
es habe die Ketzer erwan auch seyne schriften vorworffen
vnd so ser voracht/das er fur sich selbs gar keyn glauben
het/wo in die Christliche Kirch nit angenommen vnd cano-
nisiert/het/

No
Doch so darff sich nyemant zwuschē Paulū vñ die Kirchē
mengen/wann sie der sachen woleins seyn/vnd Paulus
nit vmbust/ auch von hohen Priestern geschriben/wie ge-
hort ist/dan wo sie all geleych(wie Luter sagt) so wer nit ei-
ner hoch/der ander nider. Auf wolchem allem clarlich er-
scheynet/das die ordnung der Kirchē mit iren Bischoffen
weder Sant Pauls noch gotes wort oder ordnung entge-
gen vnd nit einnizlicher Pfarrer oder Priester ein Bisch-
off ist/wie Luter felschlich surgetragen/vnd seyn Bull auff
ein solich loß fundament gegrūdt hat. die ich im mit disem
reuerß breue widerumb vmbstossen will.

Emfers Breue wider Luters Bullen.

Alle die dartzu thon/rattē/oder helfen/das die Bisshumb
vorstort/vnd der Bischoff regiment vortilct werde/das
seyn gottes veynd/des tewfels frund/vñ des Entchrissts
vorlewyffer/dann sie thon wider gotlich vnd Christlich ord-
nung/on wolche die Christenheit nit bestehen/vñ der Ent-
Christ nit lang außbleyben mag/Herwiderumb alle die sich
der Bischoff gehorsam vmb gotes willen frey vnd willig
halten/in dem das do Christenlich vnd recht ist/Das seyn
liebegotes kynder/dan sie vorbringen seyn gebot vnd wil

*L. abhing/richt
pauli dertua mit
regim*

len/ Das man aber nit aley n die Bischoff/ sonder die geistlichen all zu mal reformirte/ vnd widerumb an die alte ordnung weyßte/ die inen bey des grossen Keyßers Carls beyten gestelt worden/ vnd heist zu Lateyn Regula Clericorum/ halt ich das es der Christenheit groß gedeyhenn/ Got begehlich/ vnd vns allen seliglich seyn wurd/ Will der halben dartzu thon das gemelte regel in truck kommen vñ widerumb von meniglich gelesen werden mog/ Dann wie Salustius schreybt/ so kan ein izlicher stand oder regiment nit bass erhalten werden/ dann mit der ordnung vñ weyß/ durch die er orstlich zu/ vñnd auffgenhomen hat/

*Regula
Clericorum
Caroli Magni*

Von der funffte tuget des Paps
vnd der Bischoff

Die funffte tuget/ sahet Luter an/ vnd volenn det sie/ mit eytel vntuget/ dz ist mit fluchen/ scheltē/ schenden/ lesten vnd maledeyen Wolches diser vnsettiger Saal Peor nit sat werden kan/ orstlich wider die geistliche irer gelubd halbe/ vnd darnach wider die Bischoff/ das sie den Püestern nit gestaten Weyßer zunhemen/

Salustius
Imperii
facile his
artibus reti
netur qui
bus initio
partus est

Von den gelubden der geistlichen ordens lewt

Luter

Wenn ich hie frage/ den blinden kopff den Paps/ was fur vrsach er habe/ das er muge/ ertlich gelubd vnd nit alle gelubd zu reysen/ So antworttet er nichts anders / den dz ertlich ding/ die gelobt werden/ groß sund / als die kewscheit/ ertlich aber kleyn/ als wasser vñ brott esse am freytag.

Emser

Lieber Luter wie bistu so frech vnd vorwegen das du das oberste heupt der Christenheit so grausam schmehest vnd lesterst/ weist du nit das wir got vmb ein izlich vorgebenn wort rechnüg gebē muessen/ Oder vorminst du fulleycht/ du dorfest dich mit diser sorg nit beladen / dann der tewfel der dir soliche wort eyngibt / werd das register selber wol machen vnd sie ausschreyben. Gedencstu aber nit/ welcher seynem Bruder sagt aley n du narr/ dz d des hellische fers

De Cons. Mansuetudinis

Mat. xij.

Mat. v.

M ij

Schuldig ist: wie wilt du dān so vil grawsamer scheltwort
bey got vorant wurtē: Ja wann du gleych ein gute sach
hettest/noch machtest du sie mit d̄ weiß böß Ich geschwei
ge das du den Bapst hie aber on einich redlich vrsach beles
tiget/vnd im felschlich vortereest / das er ein eynsehen hat /
nit aley n auff das gelubdnis / sonder ouch auff die ding so
gelobt werden/ ob sie groß oder kleyn seyen / dān die gebot
gotes vnd seyne gericht ouch keyn andern gegenwurff ha
ben dann die werck / vnn̄d er selber ouch eyn izlich werck /
darnach richten vnn̄d straffen will darnach es kleyn oder
gros gewesen/ Derhalben so vorberwt er zorn on vrsach/ bey
dem gericht. *Racha*/ das ist ein zornig wort oder zeichenn
auff Bewegnis vnd vrsach/ bey dem rat/ *Hoc est secundum
estimationem boni et equi et secundum q̄ causa postulaue
rit.* Aber schelt oder schmach wort die auff heffigem gemuet
vnd lang getragenn zorn oder gram her fließen vorberwt er
bey dem hellischen feuwr *Mathei quinto* Ja es wirdt keiner
sprechen (er sey dann gleych wie du/gar blind vnd vn̄syn
nig) das hie nit eins grosser dann das ander etiam in eodē
genere peccati. Oder das ein geringe sund nit leychter bey
got abzutragen sey dān ein schwere/ gleych wie ouch drey
pfennig gar vil leychter zu bezaln sey dann hundert gul
din. Ob die schuld gleych beider seyt gelobt od̄ voreidt wer
diweyl nu wie du selber sagest/die kinder nicht zu geloben
konnen/od̄ ir gelubdnis keyn crafft hat/hinder des vaters
wissen vnd willen. Vnn̄d aber der Bapst vn̄ser aller vater
vnd oberster Prelat der Kirchen ist/ wie alle Christeliche le
rer bezewgen vnd bekennen/ So mogen vns vn̄sere gelubde
weyter ouch nit vorstricken/dann auff des Bapsts messig
ung vnd becrefftigung/wie dann ein gemeynes spruch im
rechten ist/das in allen gelubden oder eiden die macht des
Ob̄ern ouch stillschweygend vorbehalten oder außgezogē
wirt. Nit das der selbig macht hab das gebot gotes abzu
thon/oder die gelubdnis gar nachzulassenn/ Sonder das
zu dewren vñ in eyn grossers zuuorandern /dardurch got
keyn nachteil sonder fur eyn kleyners ein grossers geschehe
vnd die schuld gleych wol bezalt werde/ So dān keyn gros

Racha
Mathe⁹

*Nota de moderacione
vultus
Papa p̄p̄ta*

ser oder ferner walffart in der Christenheit dann zu dem heiligen grab/gen Rom/ vñ zu dem ferren Sant Jacob/Die weyl ouch keyn grosser gelubdnis dann das gelubdnis Nazareorum das ist/das sich eyner selbst gar vnd ganz got opfert/gelobt ewige keynscheit/ oder in ein ordē zu gehen/ do er nit aleyne keynscheit/sonder ouch willige armut vñnd gehorsam halten muß. So kan/ mā diese gelubd nit wol in ein grossers vorwandeln/ derhalbē sie dem Bapst vorbehalten/ der auß crafft der schlüssel alle ding aufferden zu bindē vñ zu lösen hat/ Das aber Luter sagt/ kan der Bapst die gelubd wādeln/ so kāst du sie selbst ouch alle wādeln ist ein keyserische lugin/dann sich keyner selber absolvirn kan/vñnd nit ein iglicher die macht hat/ die der Bapst hat/dann wo blibe sust der spruch Pauli das ein igliche sel der hohen gewalt vnder worffen seyn soll: vñ solichs die/ordnung gotes sey Romanos xij: 5

Matheus

Paulus

Den vndercheid/den Luter macht zwischen dē gelubdē/namlich das egliche wider die gebot gotes. vñnd derhalbē nit zu halten seyen/ Als wān einer gelobte dem andern bey seynem weyß zu schlaffen zc Die aber nit wider got die sey man schuldig zu haltē/ bin ich mit im eyntrechtig / Das er aber weyter eynfurt/wie die gelubden der Closterlewt wider die gebot gotes seyen/Bewert das mit zweyerley ursachen bin ich im nit gestenndig/vñ will im seyne beide ursachen ganz machtloß machen/vñnd beweyssen das es aleyne ein spiegelsechten vñnd im grund nicht darhinder ist.

Dye orste ursach (sagt Luter) ist die/das sie ire gelubt lawen auff vnglouben/dann sie verleucken got/vñnd vormeynen durch ire werck vñnd weyßselig werden/wolches eyn Judischer gloub ist/wider das orst ander vñnd dritte gebot zc Auff diser ursach ligt Luter sters fur vñnd fur gleich wie ein spilman/der nit mher dann ein lied auff der lawentrumpern kan/Aber wie ich vorhin offrt gesagt/so verleucktet man gotes nit mit guten wercken sonder mit den bößē/vñnd setzen die geistlichen ir datum nit auff ire werck/als ob

*Man wird nicht
monach sein
Christi (2) im
Gemein*

Publia Simili

Paulus

sie die werck selig machten / sonder als In ein mittel vnd Bequemen weg zu der seligkeit / dann gleych wie vns got dz getreid auff dem feld nit wachsen laßt / on vnser muhe vnd arbeit. Also will er vns ouch den hymel nit geben / wir dinē im dann / lassen das böß vnd thun das gut psal. xxxvi. Declina a malo et fac bonum. Wann wir nu ansehenn was die geistlichen geloben / als namlich Keuscheit / willige armut / gehorsam / beten / fasten / wachen / singen vnd got loben / so ist es ye eytel gut ding / es thun gleych Juden oder Heiden So dann die geistlichen dise ding alle thon in dem namen vnd glauben Christi vnd vmb seynetwillen. So hādeln sie damit nit wider das oist / annder noch dritte gebot gotes / vnd mag das Keyn Judischer glaub genent werdē. Dann die Juden gar nicht in Christum glauben / vnd werden nit vordampft izgemelter werckhalben sonder vmb irs vnglaubens willen. Die fromen geistlichen Kinder / sollen sich ouch nit betrießen / das sie Luter so oft Judisch / vnd Juden heyst / In wolchem er vnwissend / gleych wie Cayphas die warheit sagt / dann sie die rechtē Juden seyn / die sich nit außwendig am fleisch / sonder im herzen geistlich vorschneyden. von wolchem Paulus sagt Ro. ij. Nō enim qui in manifesto Iudeus est: neq; que manifesto i carne est circumcisio / sed qui in abscondito Iudeus est / et circumcisio cordis in spiritu non littera zc.

Mat. vi.

Lucas

Die ander ursach ist (als Luter sagt) das gemelte gelubde der geistlichen ouch wider das vierde gebot gotes seyn sollen / dann sie Vater vnd Mutter vorlassen / die sie schuldig zu eren vñ zu erneren / wie sie Wickleff etwan ouch beruchiget / vnd der halben den spruch David maledicti qui declinant a mandatis tuis psal. cxviii. auff sie gedewt hat / zu tewsch vormaldeyt seyn / die sich vonn deynen geboten abwenden. Aber dise beide Ertzkezer beschwerē die fromē lewt mit vnwarheit / dān wir haben Keyn gewissem vater / noch dem wir mher Pfluchtig seyn dann got im hymel wie wir teglich betē Vater vnser zc. Vnd wenn wir dem nach volgen vnd getrewlich dinen / mogen wir vns trostlich zu

In Anno m. d. lxx. xxiij. die xxij. Junij
parentis illius suffragii deo committit

im vorsehē / Das er vnser leylich vater vñ muter nach sey
nem gotlichen willen vnd irem vordinst wol erneren wirt /
Wolchen er zu weylen armut / anfechtung / vnd widerwer
tekeit zu suget / zu mher vordinst vnd der selen selikeit. Ges
schicht das aber auß zorn oder straff vmb ire sundenn / So
mogen die Kynder / gottes gericht vnd willen nit furkomen
wan sie gleych herausen in der welt vnd frey weren Sond
ye getrewlicher sie got dinen in dem das sie im gelobt vñnd
geschworn haben / ye ehe sie fur ir Vater vñnd muter erhört
werden / Dann hat Stilia iren Vater auß der hell bitten / vñ
Lucia irer muter gesundtheit des leybs durch ir furbit bey
got erlangen konnen / Warumb solt dān noch hewt bey tag
ein frōm Kynd in eym Closter / seynenn eldern nit schlechte
leybs narung (die got ouch dē vogeln in dem wald nit vor
saget) erbitten mogen? Ist das der grosse gloub den Luter
furgibt / vnd alle ding mit dem glouben außrichtē will? So
er doch selber nit so vil trawens oder gloubens zu got hat /
Das er seyne eldern (on in) ernerenn kond. warumb straffe
Luter nit ouch die zwen zebedeer / die iren vater vorliessen
Marci 1. oder Sant Petern der weyb vnd kind vorließ / vñ
dem herren nachvolget Mathei xix? Weist er nit das Chris
tus selber spricht / er sey komen abzuschneiden den son von
dem vater ec. vnd wer ine nit mher lieb dān vater oder mu
ter / der sey seyn nit wurdig / Mathei x. Item wolcher vmb
seynt willen vorlaß vater oder muter / Schwester oder Bru
der ec. dem soll es hundertfeltig widerstat werdē Marci x
ia er spricht weyter wer seyn vater vnd muter / weyb vñnd
Kynder / Bruder vñnd Schwester nit hasse / (so feher sie in an
dem dinst gotes vnd seyner nachvolgung vorhindern) der
moge nit seyn iunger seyn Luce xiiij. Derhalben so bindet
das gebot gotes von vater vnd muter die iherren / die ir sel
ber mechtig / vñ durch bessere werck / als durch vorkundig
des Ewangelions / volg vñnd nachtragung des Creutz
Christi nit vorkindert werden / die aber iren freyen willen /
gehorsam / vnd all ir vormogen got. durch ein vollkommern
weg ergeben / vñ leben vnder dem gehorsam ires Prelaten /
die konnē nit allwegen thon was sie wollen / wie Christus

Mat. ix

Mat. ix

Marcus

Matheus

Mathe

Marcus

Lucas

¶



Dem iungling (do ich oben von gefagt) ouch nit erlouben
wolt seyn vater zu begraben Ja er hat dergleyche ouch im
alten testament durch Moysen gesprochen wer zu seynem
vater vnd muter / Bruder vnd Schwester sag ich kenn euch
nit / der halt seyne wort vnd thue seyn gericht Deu. xxxij
Dann er seyn vormenten vater / vnd seyn muter ouch vor-
lassen / im tempel blißen vnd do disputirt vnd geprediget
hat: wie er seyn muter (do sie im clagt wie mit grossen
schmerzen sie vnd der vater in gesucht hettē) antwort. w
ists das ir mich gesucht habt? Wist ir nit das ich seyn muß
In meynes vaters geschafft vñ sachē Luce ij. Auß wolch
em allem ich die fromen kinder in den Clostern hin vnd wi-
der getrewlich ermane / das sie sich dise falsche ler nit betrie-
ben / noch irer Profesz vnd gethanen gelubdnis rewe lassē /
sonder ir hoffnung / trawen / vnd glauben vhestiglich zu
got setzen / der wirt ir vater vnd muter wol vororgē / Dā
sie sich hiemit von got vnd seynem gebot nit abwenden /
sonder durch ein hohern grad / neher zu im rucken vnd sich
im gang eigen vorpfluchten / domit der obgenante spruch
Maledicti qui declinat a mandatis tuis auff sie nit gedewt
werden soll. Dann mag ein Juncckfraw sich mit eynem mā
vorloßen / vater vnd muter vorlassen / vñ irem mann anhä-
gen / wie geschriben stehet Gen. ij. Warumb solt sie dann
nit macht haben Christum zu eynem gespōs erkiesen / vnd
nit aleyñ vater vñ muter sonder ouch die ganzē welt vmb
seynet willen vorlassen vnd im anhangen. wie sie singenn /
wann man sie eynsegnet. Das reich der welt vnd allen iren
geschmuck / hab ich vorlassen vmb der lieb willenn meynes
lieben Herren Jesu Christi den ich gesehen / geliebt / vnd
im getrawet vnd geleubt hab. Ja ich bin dem vortrawet (
sprach die heilige Agnes / des vater keyn weyb / vñ des Mu-
ter keyn mā erkennet hat / dem die engel dinē / ab des gestalt
vnd schone / sich Sonn vñ Monde vorwundern / Wolche
Juncckfraw wolt doch ein solchen Prawtigam nit lieb ha-
ben? oder sich durch einicherley falsche ler vñ im abwende?

Surter Kommet sich Luter wie er ein eignes Buchlin von den

gelubden schreyben woll/daran die so ein gutt gewissen od
redlich vornunfft haben wol benugen soll. Tu hab ich in
das selbig Buchlin auch ein wenig gesehen/Kan aber wider
vornunfft noch gutt gewissen dar inn spuren. Sonder eytel
vornunfft vnd zerreyssung der gewissen. Dann wolche
vornunfft/Kan fur gleych ansehen/das Luter die heiligen
stifter der Orden/Basilium/Benedictum/Augustinum/
Bernhardum/Dominicum/Franciscum / vnd ander heili
ge veter also schmehet / vnd eynem yeden ein sonder blech
oder schantflecken anhenget. Oder wer hat ye groffer zere
ritzung der gewissen erfahren / dann das Luter in gemelten
Buchlin spricht gleych wie er vorhin die weltlichen Priester
absoluirt / vnd inen erlobt hab weyber zu nhemen/ also
absoluir er izo auch die geistlichen in den Clostern/ vnd er
lobt inen allen ire gelubd zerreyssen vnd ehelich zu werdē
Dann wer hat Lutern disen gewalt gegeben? Oder was
meynt er das seyne Kezerischen furgewendte vrsachē zwin
gen werden/die ich izo nit geyt oder weyl hab all zu erho
len/ Ich will aber zu trost den frommē Kindern in den Clo
stern/doch aleyndie heroptstuck (damit er so ser trogt vnd
stort) entheropten/da von der leyb darnach selbs vmbfal
len vnd in die stürne etwas weicher werden wirt.

Es spricht ostlich im anfang vil gemelten Buchlins wie
geistliche gelubdnis keyn grund noch exempel in der schrifft
hab/Res est . n . (inquit) sine auctoritate et exemplo scrip
ture ēz Tu werdenn alle gelubdnisse geschehen von geist
lichen oder weltlichen vñ vmb waserley vrsach das ymmer
seynd mag gegrundet Lume . xxx / Deu . xxij . vnd vber an
zweyntzig stellen der schrifft do got selber sagt alles das er
mer gelobe/sey erschuldig zu halten/vnd wolle das von im
vordern / Got sagt durch David vouete z reddite Gelobt /
vnd haltet Psal . lxxv . so sagt Luter den geistlichen/sie sol
len weder geloben noch halten/was sie geloben / dann ir ge
lubdnis hab keyn grund noch exempel auß der schrifft/ Ist
mir aber das nit eyn seyner gotlicher lerer? Dann zu sege vñ
nit zu bekennen, das der geistlichen gelubdnis gleych wider

*Contra hunc &
vñ vñ vñ vñ vñ*

*Das ist
hülft*

21 11

egliche gebot gotes weren noch hetten sie ein exempel auß d
schrifft an Jepte / der auß pflucht seyner gelubdnus seyn
Judicū xi einige tochter ertodet / vnd gleych wol in der zal der heilige
gezelt / vnnnd entschuldiget wirt.

Zum andern spricht er das ouch die D:stling der Kirchen
vnnnd das ganz narwe testament / der geistlichen gelubdnis
vnd sonderlich das gelubdnis der selzamen vnd wunder
berlichen ewigen kewscheit nit gekennet vñ nye in Brauch
oder vbung gehabt haben. Ist aber nit das dē weg der war
heit offentlich gelestert: Dann hat nit Paulus Theclam in
Iconio / Clemēs Domicillam zu Rom / Matheus Ephie
geniam in Egypten / mit eglich hunder Junckfrawen eynt
gesegnet vnnnd das gelubdnis ewiger kewscheit mit mund
vnd hand von inen angenommen: Wie nit aleyne vnserre Doc
tores vnd zuvoraus Tertulianus de velandis virginibus
Sonder ouch der Keyser Faustus selber bekennet. Item ha
ben nit Sant Philips drey dochtern ewige kewscheit gehal
ten: hat nit Marcus zu Alexandria Closter beiderley ge
schlecht / auffgericht hat / die auff hebraisch Semmon lati
ne Monasterium genent worden wie Eusebius Philo vnd
Hieronymus in Philone / gloub wirdig anzeigen: Item hat
nit die vbergebedeyte Junckfraw Maria ewige kewscheit
gelobt / vnnnd ir selbs furgesetzt / wie sie zu dem Engel
sprach quoniam virum non cognosco: Luce. 1: Item ha
ben nit ouch die So ein ander ehelich vortrawet wordē / als
Cecilia iren Brewtigem Valerianum / vnd der heilig Alexi
seyn zu gelegte Braut vormocht / das sie ewige kewscheit
mit einand gelobt / habē: Ist nit disem exempel ouch nach
gegangen Keyser Henrich vñ seyn gemahel Kunegundis
haben mit disem exempel nach So bald inen got ein erbē be
schert Euphemianus mit Aglaia / Item der Konig vō dē
marck Sāt Sebalds Vater mit seiner Konigin / Item Her
zog Heinrich auß der Schlesin mit Hedwige / Item Lant
graff Ludwig von Hessen mit Elysabertha / kewscheit zu
haltē gelobt vñ irem gelubdnis nachkomē / Ich geschwey
ge der andern die vnzulich seyn: wie kan dann diser lesterer
der warheit sagen / das dise gelubdnis bey den altē oder orst

*Colly
Volum
Jh
1511*

1. vñ 1511

*1. vñ 1511
1. vñ 1511
1. vñ 1511
1. vñ 1511*

lingen der Kirchen nye in Brauche / oder vbung gewest ob
das wir des Keyn exempel haben :

Noch vil vnvorschempter ist das / das er spricht wie das
ganz New testamēt gar Keyn gelubdnis kenne / vñ wurfft
im doch selber zweyerley stell fur / die von gelubdnis sage /
eine Act . xxv . do Paulus selber ein gelubdnis auff sich ge- **Lucas**
nommen vnd offentlich im tempel gelaist hat . Wolches er (**Paulus**
Luter glosir das wie er wol) in Keyn weg gethann hot wo
gelubdnis ein tewfelsch ding oder wider got wer . Die and
stell ist 1 Thimoth . v . do Paulus offentlichen sagt wie die
witwen (die nach abgang irer menner Kewscheit gelobten
vnd derhalben von der Kirchen vorsorgt wurden) sich selb
ber vordammen / wo sie ir orste trew vnd glouben brechē vñ
wider menner nhemē / Wolches inen sust ane geser wer / wo
sie nit Kewscheit zuhalten gelobt hetten . wie wol nu Luter
dise wort Pauli namlich wo sie ir orste trew oder glouben
brechē nit auff die gelubdnis sonder auff den gloubē Chris
ti dewten will / gleych als hette vns Christ⁹ zweyerley glou
ben gelort / ein orsten vñnd ein / andern / So felt er doch zu
letst selber von diser meynung ab / dān im nit aley n August
tinus cum suo celebri illo dicto (als er sagt) sonnder ouch
Hieronymus Chrysostomus / Thomas vnd andere heilige
veter den weg furlouffen habenn / Derhalben so beschleuist
er entlich wann gleych Sant Paul hie von dem gelubdnis
der Kewscheit geredt het / so wer es dannocht mher fur in
dann wider in / Dan Keyn stell in der schrift die gelubde vñ
geistliche orden so mechtiglich vordamme / als dise / darūß
das Sant Paul do selbst sagt er wolle / das die iungen wit
tiben hinfurt menner nhemen vnd Kinder gezogen sollen zē
vud derhalben Timotheum ermanet sich ir zu ewssern .

Nu will ich in dise schlus red(dar inn er sagt / wie izgemel
te stell Pauli fur in sey / vnd Keyne in der ganzen schrift der
geistlichen gelubdnis so mechtiglich vordammen /) wide
rumb entschliessen / vnd Beweysen / das sie dannocht so vil
wider in thut / das sie in zu eym offentlichē lugner macht /

N iij

vnd das der geistlichen gelubdnis / hiemit nit vorbotē noch
vordampt wirt. Dann Sant Paul das gelubdnis der ewi-
genn keuscheit hie nit gar vordammet sonder auff ein beyt
lang vorziehet / quod autē differtur non auffertur. zu dem
so redt er das nit in eyner gemeyn von meniglich vnd noch
vil weniger von den geistlichen Sonder aley n vō den welt-
lichen iungen wittiben / vnnnd dartzu nit von allen. Sonder
aley n von denen / die vō gemeynem gut der Kirchen enthal-
ten / vnd der halben von muessig gehen vnd guten tagē geil
vnd furwitz wurden / in die heußer hin vnd wider lieffen /
vnutz geschwezt triiben / so lang bis sie auß solicher geilkeyt
sich widerumb zuuorandern gereyzt vnd voursacht wur-
den wider ir voug gelubdnis vnd vorheischung / Solicher
furwitzer iunger vnd vnbestendiger vertern gelubdnis er-
manet Paulus Thimotheum hinfurt zu vor meyden / vnd
ir keyne auffzunhemmen vor den sechzig iaren. Damit will er
aber den andern wittiben die sich von iren eigen gutern oð
bey iren frunden enthalten mogen vñ ein bestendig gemuet
in got haben / nichtit gewert noch verbotten haben. vnnnd
ist das ouch nit seyn gebotner / sond seyn getzwungner will
non secundum imperium sed secundum indulgentiam wie
der heilig Hieronymus berzewget i epistola ad Geronciam
de Mogonamia Et in epistola ad Saluinam spricht er zu
der selbigen iungen wittibe Nec te moueat q seragenaria
eligatur in viduam Nec putes adolescentiā tuā ab aposto-
lo reprobari Et te crede elegi ab eo / qui discipulo dixerat ne
mo adolescentiam tuam cōtemnat Alioquin omnes qui an-
te sexanginta annos viduate sunt hac lege accipient mari-
tos. zu tewscht also lawtende. DUCH solt du dich nit beko-
mern / das die wittwen von sechzig iaren gewelt werden /
noch gedencken das die apostel deyn iunger hie mit vorwor-
ffen hab. Sonder gloub oð halt vestiglich / dz er ouch dich
erwelt hab / der zu seynem Junger gesprochen hat / Nyemāt
soll deyn iunger vorachtē. Suss muste (wo dis ein gebot wer)
ein izliche die vor den sechzig iaren zu einer wittwe wurd
widerumb ein mannhemenn / wolches die Meynung des
apostels gar nicht hec Hieronymus

110
110
110
Hieron. ad
Saluinā

1 Timot.
iiij.

Das aber Luter am end seins Buchlins de votis ei geteilt
auffgibt vñ spricht Erwele du nu welches du wilt/ Eint
weder der apostel redt hie von gelubdnis/ oder redt nit von
gelubdnis Redt er nit von gelubdnis/ so ist dise stell nit wē
der mich/ dann ich ouch sag/ das das newe testamēt keyn
gelubdnis kenn oder melde/ Redt er aber von gelubdnis/
so werden sie ye hie abgethan/ vñ vordampft/ bis auff die
sechzig iar zc. zu disem dilemma antwurt ich/ vñ will im
wider ein geteilt furlegen Eintweder der apostel vordam
met hie die gelubdnis der kewscheit gar vñ ganz/ so soll mā
ouch gar nicht geloben es sey im lx. oder im xx iaren vordā
met er sie aber nicht gar/ sond vorwarnet Timotheū aley
von den iungen geilen wittiben die in wollust des leybs le
ben/ der selben sie dis gelubdnis nit wol halten mogen/ So
gehet das die fromen kinder in den Clostern (die iren leyb
zemen mit grossen abbruch vñ got nit die hesen ires alters
sonder den blomen irer iugēt gebenn wollenn) nicht zit an/
Vñnd wirdt Luter an der lugin begriffen/ das er sagt das
newe testament kenne oder melde keyn gelubdnis/ dann es
gleich so wol ein gelubdnis ist was man im sechzigistē iar
gelobt/ als wer es im zwenzigsten geschehen/ wiewol ich
im (wo ich zeyt vñ weyl her) noch vil stell (ouch im new
en testament) anzeigen wolt/ do die gelubdnissen der geist
liche gegrundt werdē die ich izo vmb kurze willē fallē laß/

Gleich wie nu Luter das gelubdnis der ewigen kewscheit
bey den geistlichen felschlich angefochten/ also sturmet er
ouch wider die zwey andern/ als namlich wider den gehor
sam vñ willige armut/ vñ meynt es sey ein erlogen vñ er
dichte armut dann nyendert mher guts gefundē werd dan
in den Clostern. Nu ist es ein alt sprichwort das das gut
nyendert seyn will/ dann do man es zu rat helt/ als in den
Clostern. vñ wem gepurn ouch dise zeytliche gueter bil
licher/ dann denen die got am vleyssigisten dienen. wiewol
ob gleich/ das Closter eytel gold wer/ so gibt mā doch key
nem mher dann blosser notturfft des leybes/ vñ muß einer

1012 C. 1. 2.

*Q. Olr^a
Pampati*

Constantin Junior Mewasorn 1721

Paulus

Petrus

offt darben vnnnd mangeln / des ihenen das er gern haben
wolt. auß wolchem dz sprichwort hergeflossen das Clof-
ter ist reych aber die Bruder seyn arm. wie ouch Paul⁹ sagt
wir sollē alle ding besitzē gleych als ob wir gar nicht zu het-
ten. Tanq̄ nihil habentes et omnia possidentes / ij. cor. vi.
Das aber die Prelatē vñ amptlewt d̄ sach eyn vorteil habē.
Muessen sie ouch dester mher sorg vñ muhe darumb tragē/
vnd entschuldiget sie der gehorsam vñ Bruderliche liebe / so
sie vbertretten. charitas. n. operit multitudinem peccato-
rum 1. Pe. iiij. Doch so will ich hie nit lang still stehē. Dān
ich in eym Buch / nit alles das vorantwurten kan / das Lu-
ter in zehen oder zwelfen eyngbracht hat. Laßt mich aber
got leben / so wil ich (was ich hie vbergehe) an ein andern
ort wider zu marck bringen /

Zum dritten branget Luter auß dermassen sey / mit dem dz
Christus aleyne der weg / die warheit / das liecht / vnnnd der
furer sey / des Christenlichenn volckes welches nye keyner
auß den vnsern geleucktet noch angefochtē hat Das er aber
darauß schliessen will / Diuweyl die orden nit von Christo /
sonder von menschen auffgesetzt / so seyen sie vnchristlich
vnd eytel tewfels werck / ist man dem clugen man nit gestē-
dig / darumb das die stifter der orden keyn andern weg fur-
genommen / dann den Christus selber gewādert / zum teil ge-
boten vnd zum teil geraten hat / zuuorā / do er sagt wilt du
volkomen seyn so gehe vorkewff alles das du hast / gib es ar-
men lewten vnd volg du mir nach Matheixix Tu ist keyn
volkomener nach volgung Christi / dann in den ordē / wo
sie recht gehalten werden. Dann hat nit Christus selber ge-
wandert / den weg der ewigenn kewscheit / hat er nit selber
ein sonder kleid angetragen / das mit im auffgewachssenn
ist / hat er nit selber gefastet / gebettet / gewachet disputiret
geprediget / vnd contemplant / hat er nit willige armur / vnd
gehorsam gehalten bis an das crewtz / Derhalben vnd die
weyl die stifter der orden disem weg selbs ouch nach gegā-
gen / vnd ire nach volger an keyn ander werck / weyß / noch
weg geweyßt / dann an die volkomen nach volgung Chris

Vom religiosen
zu Christi
Gartn

ti/die denen in der welt nit wol allen möglich ist. So haben sie nicht vnchristlich gethan noch anderst gelert / dann auch der heilige Paulus gelert / das er spricht ir solt meyne nachvolger seyn wie ich Christi 1 Cor. iij. Mit wolchē **Paulus** schwert / das ist mit dem wort Pauli im diß seyn dritt hewpt stuck wider die geistlichen abgeschniten habē will.

Das vierde hewpt stuck zihet Luter auß d̄ stell. Pauli 1 Timoth. 4. do er sagt wie eglich mit locherten gewissen dem geist des irthums / vnd des tewfels lernach volgen / vnd die Ehe vorbieten werden / Wolches Luter auff den Bapst dewt / vnd vomeint das die geistlichen auß disem einigen spruch gut fug vnd recht haben ir Profess vnd gelubdnis als des tewfels werck zerreyssen / auß den Clostern zu loufen vnd Elich zu werden / Wo nu die geistlichen darumb kewscheit halten / dz inen der Bapst den Elichen stand vorbotten / So Bekenn ich selber das sie solich vorbot nit bindet / dann Paulus sagt wie er v̄ der Junckfrawlichen od̄ ewigē kewscheit keyn gebot hab̄ wie wol er getrewlich dar zu rat / habē aber die geistlichen mit wol bedachtem mut / **Paulus** auß freyem willen vnd eigener bewegnis / solichs zu halten selber angenomē / gewilliget v̄n got gelobd vnd geschworn / **1 cor. vij.** So mag sie werlich Luter mit diser stell Pauli nit da v̄ ab soluirn / die aleyne sagt von vorbiettung vnd nit von freywilliger vorheischung /

Vnd wiewol mich Luter / Lugin strafft / das ich in meynem d̄stē buch gesagt / wie dise wort Pauli / nit auff dē Bapst / sonder auff Zacianum / vnd ander Keger gelawt / Wolches Luter mir fur ein Lugin / zuzelt / darumb dz gemelte Keger den ehelichen stand nit vorbottē / sonder gar vordampft haben. So kan doch ein iglicher bey im selber ermessen was vordampft / das dasselbig / auch vorbotten wirt. Zu dem so beschuldiget mich Luter vnrecht / dann ich selber auch v̄ vordammen / vnd nit von vorbieten gesagt hab̄ / zihē mich des auffgemelt meyn d̄stes buchlin / do an dem vierdē blat des quaterns mit dem R bezeichet von wort zu wort also

Q

Geschriben stehet. Derhalben diser spruch Pauli nit hie her
zu ziehen/wie in Luter bey dem hat zihen. Sonder auff die
Ketzler Jovinianum (das do selbst falsch getruckt / vnnnd
Tacianum heissen soll) Faustum vnd ander/ die den geist-
lichen stand in der gemeyn ganz vnd gar vordammen wol-
ten. hec ibi was zeyhet dann Luter sich vnnnd mich / das er
mich mit vnwarheyt beschwert/ vnnnd sich selber so oft zu
eyn lugner macht :

S. 111
In der

Lucas

Paulus

Moyses

Paulus

Zum funfften vordmeynt Luter wie es gar ein vnchristen-
lich ding sey das eyner der sich selber in eym stad weist / dar
inn er nit getrawet selig zu werde Nit ein andern erkiesen/
oder außdem Closter gehen vnnnd ehelich werden soll. Nit
zwingt man nyemant zu disem oder ihenem stand / sonder
ist orstlich in eins yedin will fur / wo in seyn freyer will hin-
treget zu welen / geistlich oder weltlich zu werden / ehelich
oder außserhalb der Ehe / kensch zu seyn / Wan aber einer/
in seyn volmudige Jaren mit guter vornunfft / freyem wis-
sen vnd willen / zu ein stand kiefert / den annhemet / liebet /
geredt / vnd gelobet / So ist er den schuldig zuhalten / vnd
kan darnach keyn geringern annhemen oder wider zu ruck
kriechen / Das beweyß ich orstlich mit den Worten Christi
Luce viij / do er spricht / wer seyn hand an den pflug legt /
vnd sithet zu ruck / der ist nit geschickt zu dem reych gotes /
Zum andern beweyß ich das mit dem heiligen Paulo 1 cor 7
vij. do er vns ermanet / das ein izlicher bleybe soll / in dem
dartzu in got geruffe hat. Zum dritte figurirt vns dz or. ch
Lothen hawßfraw / die do sie widerumb zu ruck sach / zu
eyn steyn ward Gene. xviiiij. Zum vierden bezewget dz
ouch der obgenae spruch Pauli 1 Thimot. iij / do er spricht
das die so ir orsten traw vnd glouben brechen / vn̄ darnach
orst in Christo ehelich werden wollen / sich selber vordam-
men / Derhalben / so doiffen die geistlichen nit gedencen
wann sie gleych ir eid vnd traw brechen / Auß den Clostern
louffen / vnnnd ehelich werden / das sie darumb so bald selig
seyn / dann sie sich selbst damit wie Paulus sagt / mher vor-
dammen dann seligen / Nit aleyndarumb / das solichs ein

nullitet / vnd nymmer mher keyn rechte Ehe genent werde
mag wie alle Chriſtenliche leren des eyntrechtig ſeyn. So
der ouch das ſie (wann es gleych ein rechte Ehe wer) der
gleychen anfechtung in der Ehe gleych ſo wol haben wur
den / als izo in den Cloſtern / Dann gleych wie ſie der tew
feligo anſicht / vnd ſeyn knecht Luter ſie dar inn ſterckt /
vnd vorwenet / ſie woltē im Ehelichen ſtand wol ſelig wer
den / Also gibt der tewfel ouch dē Eheleuten eyn / Ey was
reſt du in ein Cloſter gegangen / ſo dorffreſt du diſer ſorg vñ
muhe gar nicht / vnd mochteſt vil ehe ſelig worden ſeyn /
Welches beiderſeyt nicht anders iſt dann des tewfels go
ſpenſt / vnglaub / vnd zweyflung an den Sacramenten
gnad vnd vorheischüg gotes / der vns vorheischen nit wey
ter anzufechten laſſen dann wir ertragen können / vnd das
neben zu geſagt / wolcher die anfechtung vberwind / bis an
das end vorhare / vnd beſtendig bleyb der ſolle ſelig werden /
Derhalben ye mher Luter von dem glauben ſchreybt vnd
prediget / ye weyter er da von komet / vnd ander lewt ouch
da von abſures. dann meynt er das die iungen Eheweyber
vnd weltliche Juncckfrawen nit ſo wol anfechtung habē /
als die in den Cloſtern / Ja ſie muſſen vil mher far beſtehe /
dann die in den Cloſtern / Wolche aley n zwen veynd habens
den tewfel vnd ir eigen fleiſch. Auß wolchen ſie das fleiſch
zemen mit faſten / den tewfel mit beten / ſingen / vnd leſen /
damit ſie tag vnd nacht vmbgehen / vnd dargu ſets aley n
vnd vorſchloſſen ſeyn / Facile autem caſta eſt quam nemo
rogauit. Aber die weltlichen Eheweyber vnd Juncckfrawē
werden vber das ouch angeſochten von den Ehebrechern
vnd iungen knaben / die in ſtets vor irem angeſicht vmb ge
hen / ſpacirn / hoſirn / mit bitten vnd flehen / durch brieſſ /
durch gaben / durch alte Kupplerin / vñ ander nachſtellüg
dargu der tewfel getrewlich hilfft vnd zu ſchurt. Diweyl
aber got loß vil fromer Eheweyber vnd Juncckfrawen / ir
oren zu diſen dingē allen zu ſtopffen / alle ſturm vñ anlouff
nug mit eym manlichen beſtendigen gemuet vberwindent
glauben halten vnd in keyn weg wider Ehe thon wollen.
Warumb wollen dann die geiſtlichen ſo ſie eyn wenig ange

Q. ij

Ein von vñ hñ j dñ
Amſam 10

Paulus
1 cor. v.
Math. x.
Apoc. iij.

No

Job vij.

Esaias :

Marci iij
Luce vij.

sochten werden so bald wider got thon : an frem glouben
 vordreyueln/ trew vñ eid brechen / vñ sich ein yeden wind
 vmb blaffen lassen : wissen sie nit / das vnser lebenn nicht
 ist dann ein ritterschafft : Gedencken sie nit das wir in der
 welt gleych so wol ansechtung haben / vnd den selbigen rit-
 terlich wider stehen muessenn / als sie / in den Clostern : **W**
 wir gleych ein kleynern lon darumb empfahē dan sie / Dann
 also spricht got durch dē Prophetē **E**saie lxi. Den kewschen
en / die sich selber vorschneyden / meynn willen erkiesen / vñ
meyn Sabath vnd gebot halten / den will ich geben in mey-
nem hawß / vnd in meynen ma wren / ein bessere stell vnd na-
men / dann den andern sonen vnd tochttern / Wie wol nu d
 schriftmorder Luter dem Propheten d se wort ouch vor-
 teret / vñnd sagt diser spruch sag nit furnhemlich vonn der
 kewscheit / sonder / von vorbringung der Sabath vñ gebot
 gotes. so ist das doch ein offenbare lugin / Dann wie Chris-
 tus im Ewangelio sagt / so seyn alle die seyn vater / muter /
 Bruder Schwester vnd Kinder die seyn willen thon vñnd seyn
 gebot halten. Wolche aber vber die gebot ouch kiesen zu
 der ewigen kewscheit / vnd sich selber vorschneyden wie die
 thon die kewscheit geloben. den selben will er wie der Prop-
 het sagt ein bessere stell vnd namen geben dān den andern
 sonen vnd tochttern / darumb so sagt der Prophet hec dicit
 dominus eunuchis **E**t non simpliciter hec dicit domin⁹ cus
 todientib⁹ precepta et sabatha sua rē Dis bezewget ouch
 Christus selber **M**ath. xix. do er spricht das die so sich sel-
 ber vorschneyden / die besten seyn. Wo sie nu die besten : so
 gepurt inen ouch die beste stell vñ namē. **V**nusquisq; enim
 propriam mercedem accipiet **1** cor. iij.

Aber gleych wie ich die fromen Kinder in den Clostern / die
 bereit ir Profess vnd gelubdnis gethon haben / hiemit zu be-
 stendikeit vnd widerstand des tewfels vñ aller Ketzersche
 ler ernstlich ermant habē will / Also will ich ouch die ihenē /
 die noch frey seyn / getrewlichen vorwarnen das sie sich nit
 leichtfertiglich mit disen gelubden vorstricken. sonder iren
 geist vorhin wol bewerren / vñnd vleyssig bey inen selber be-

denecken/ ob sie diese band vnd burdin ertragen mogen / dan
wie der Weyßman sagt so ist es vil besser nicht zu gelobenn
dann geloben vnd nit halten/ vnd muß eyner der in den or- **Eccle. v.**
den gehen/ oder was geloben will / vorhin betrachten das
es on anfechtung nit zu gehē wirt. wie der Weyßman sagt
Eccle. ij fili accedēs ad seruitutē dei/ ppara animā tua/ ad
tentationem. Hiemit will ich vō den gelubden der geistlich
en dis mals/ beschlossen haben.

Von den Priestern vnnnd irem Weyßn hemen /

Den letzten zug hat Luter mit den Bischoffen der Priester
halben das sie die fenglich eynsetzen/ vnd inen werē ehelich
zu werden/ Wolches er inen erlerbt hat. Nu kan ein yeder
vorstendiger wol ermessen/ ob die Priester in dem vnd ander
fellen mher schuldig seyn zu volgen den Bischoffen als irē
ordenlichen Prelaten/ oder disem abtrynnigen vnsynnigen
Monch/ der wider alle Christliche ordnung rat/ schreibt/
vnd treybt/ Derhalben seyn rat vnd ler zu vermeiden ist /
wie vns Sant Paul vorwarnt ij thess. iij. cauete ab omni
fratre in ordinate ambulante/ Vnd die weyl alle Priester
die bis her freuenlich/ vñ wider die ordnung der ganzē Chris-
tenliche Kirchen ire Köchin (die sie zu vor beschalffen (ob
ander zu der Ehe genommen haben / Ipso facto das ist mit
der that in den schweren ban gefallen seyn/ vñ ir vormeyna-
te ehe/ keyn rechte ehe/ sonder ein nullitet / vñ vordamnis
ist irer armen seelen/ so ist in vil besser ire Bischoff setzen sie
eyn/ vñ straffen sie am leyß (damit doch der geist/ wie Paul
lus von dem Corinthier sagt/ selig werd) dann das sie bey
de leyß vnd seel mit einander vordampfen /

Zu dē so ist dis nit eines Bischoffs noch auch des Bapsts
sach aleyn/ sonder der ganzen Christlichen Kirchen ord-
nung vnnnd satzung durch vil heiliger concilien bestetiget/
vnd von den apostoln vnd alten veteren also herkommen/ die
ob sie gleych zuuor ehe dann sie Bischoff wordē/ ein Weyß
D iij

*Pena Sacerdotum
Germania*

110
777
gehabt/habē sie sich doch (nach dem sie das Bisthumb an
genommen) irer Weyber der fleischlichen werck halben ent-
halten. Also das der Kezer Journianus selber bekennet.
Wolcher Bischoff/ouch seyneheweib (vorstehe die er vor
dem Bistumb genommen) fleischlich erkenn/vñ ein kind mit
ir zewge/der soll nit als ein Eheman/sonder als ein Ehe-
brecher gehalten/gestrafft/vñ seyns Bischoflichen ampts
entsetzt werdē. Derhalbē vñ dieweil die Bischoff bey irē eidē
vorpflicht/vber alle Christeliche ordnung vleyssig zu hal-
ten/vñnd die hant zu haben/so seyn sie ouch schuldig/den
Priestern disen freuel vnd mutwillig furnehmen zu weren/
vnd sie an leyß vnd gut zu straffen/so lang bis von gemey-
ner Christenheit/ein anders decernirt vnd geortert wirt.

110
1 Reg. viij
Vgnmēto (an)h
Chri. wchm
110
Ob es aber der Christenliche Kirchen leydlich/nutzlich od
eherlich sey/den Priestern zu vorhengen weyber zu nhemē/
vnd sie von dem geist widerumb an das fleisch zu weysen/
hab ich in meynem o:sten Buchlin nach der leng vnd breyt
gehandelt/vñ als ein sach die mir zu hoch zu ortern ist ein
gemeynem concilio heym gestelt da bey ich es noch bleiben
laß/Dann ich merck das die Priester gesellen zu vor auß die
grossen hanßen seer darauff dringen/dem nach sie suß allē
wollust der welt haben/das sie ouch Weyber nhemē mocht
ren/es wirt in aber gedeyen gleych als den Juden da sie ein
Konig haben wolten/vnd inen got in kurzer frist so vil wi-
derwertikeit not vnd vorvolgung zu suegen das sie d Wey-
ber wol vorgessen werden/Sie sprechen vorzeyten seyē we-
nig Priester gewesen/die sich dester bas kewsch halten mo-
gen/Diweyl aber iz so ein grosse menig der Priester/seynē
vnmoglich allen kewsch zu bleyben/vñ gebure dem Bapst
mit inen zu dispensiren gleych wie Paulus mit den witrwen
das sie ehelich werden mogē/Ich antwort es ist nit gleych
mit den Witrwen vnd mit den Priestern dann der Christen-
lichen Kirchen nit so vil gelegen an dē Witrwen/als an dē
Priestern/dann die Priester sollen seyn das liecht vñnd das
salz der erden/wānnu das salz tholl wirt/wa mit soll mā
dann salzenn/darumb so beschließ ich das noch herwt bey

tag besser/ es werent gehen fromer andechtiger Püester in
eym stift/ oder in eyner stat/ dann hundert muessig gehen
der Junckhern/ die den gesanck auff die chor schuler/ vnd
das gebet auff den soler schuttē/ damit sie feyren vñ hin vñ
wider spacirn gehen mogen/ Weyter sprechen sie wer es nit
besser wir hetten Eherweyber dann huren/ Ich antwort es
ist Keyns gut/ vnd fur das ein namlich fur die hure Keyn bes
sere salb/ dann das man ein der ein huren bey im vnd offent
lich mit ir zu schaffen hat (inhalt der altē canones) orst
lich suspendir/ darnach excommunicir/ zum drittē wo dz
alles nit hilfft/ im seyn Pfriendnhem/ vñ einem andn geb/
der sich erber vnd geistlich halt/ vngesweyffelt/ wann sie dē
ernst sehen/ sie werden die Pfrienden behalten/ vnd die hu
ren faren lassē/ Mendicare enim erubescet et fodere
non valebūt/ zum andern geburtinen noch vil weniger ehe
weyber zu haben/ Dann wolcher ein weyß hat der ist sorg
feltig wie Sant Paul spricht wie er dem Weyß zu gefallen
leß/ vorliest seyn freyheit/ vnd wirt ir knecht/ dieweyl dann
die Püester all ir sorg/ gemuet vnd gedancken zu got stellē/
vnd im tag vnd nacht/ dienen sollē/ Vnd aber wie Christ 9
spricht nyemant zweyen herrn dienen mag/ so muessent sie
eintweder/ das Püesterthumb oder die Weyber faren lassē/
dann wann die beide bey einander stehn mochtē/ Wolcher
wolt nit ein Püester werden/ wolcher wolt nit lieber gutte
tag vnd gnug dabey haben/ dann ser arbeiten oder den gan
zen tag im harnasch reytē/ Das aber dē Püestern nit gepur/
bey weybern zu ligen/ wann es gleych ire eherweyber werē/
vnd morgens die heiligen sacrament handeln/ oder Messle
ßen/ haben wir ein mercklich figur bey David vnd seynen di
nern/ die wiewol sie der grosse hūger zwang/ noch wolt inē
Abimelech nit erleiben von den schawbrotten zu essen biss
sie im sagten/ das sie sich drey tag vnd nacht von weybern
reyn gehalten/ 1 Reg. xxi. Item Exodi xij. ward den Ju
den geboten das sie das osterlamb mit vmbgegurten lendē/
das ist in keuscheit vnd reynikeit essen soltē/ durch welche
beide vns das sacramēt des altars figurirt wirt. Derhalbē
vñ dieweyl ouch die Judischen Püster der zeyt ives dinsts

Co Paulus

Luc. vii

per feminam

Luc. xvi.

Paulus
1 cor. vij.

Mat. vi.

Co Paulus

Continuatio sacrorum pulchra per nasco

vnd opfers die ganzen wuchen im tempel bleyben/ vnd zu
iren Weybern nit komet muessen: wie vil mher gepurt den
warhafftigen Priestern Christi/ die teglich mit dem gebet
vnd den heiligen Sacramenten vmbgehen muessen/ sich vñ
allen weybern enthalten: ia es haben ouch die heidnischen
Priester sich dermassen ouch enthaltē muessen. wie der heid
nisch Poet Tibullus schreybet *Casta placent superis pura
cū veste venite. Et iterum. Discedite ab aris: Cui tulit hies
terna gaudia nocte venus.* Derhalben wie felschlich Luter
hie Sant Pauls wort vorkert hat/ Das Bischoff vñ Pries
ter Weyber nhemē vnd Kinder zewogē mögē/ will ich den le
ser an der heiligē Hieronymum cōtra Iovinianū geweyßt
haben/ vnd ich die selbigen mhue ersparen/ Dann wo man
von dem rechten vorstand der schrifft handelt glewbt man
billicher den alten/ dann den narwen/ billicher den heiligē/
dann den sundern.

Ziemit will ich Luters/ orst gemeltes schandt buchlin von
dem geistlichen stand wider Bapst vñ Bischoff im nechst
vorschinnē Sommer auß gegangen / (so vil der geist
liche stand/ ampt/ vnd ler belanger) vorlegt habenn/ was
aber ire werck/ handel/ leben vñ zuuor auß den mißbrauch
Betriffet/ will ich sie selber vorantworten lassen / Dā es vn
lawgēbar/ das wir vnserm lesterer/ grosse vrsach zu disem
thon gegeben haben/ mit vnserm bösen vnd vorkerten lebē/
Der/ almechtig got/ vorkleyhe vns gnad / vns selber zu er
kennen/ vnser leben zu bessern vnd eynem itzlichen seynen
stand/ wie sich gepurt zu halten/ vnd dem gemeynen volck
wider ein gut exempel vor zu tragē damit nit aleyñ die ler/
Sonder ouch das leben rechtfertig/ fruchtbar vnd seliglich
befunden werd/ Dann wo wir das nit schleinig fur nhemē/
vnd selber zum Creutz kriechen Oder vns ander lewt/ die
es getrewlich meynen / reformirn lassen werden (wir seyen
Bischoff oder Cardinel Pfaffen/ Monch oder Nonnen)
weyß ich keyn andern sententz oder vrtail vber vnns zu fel
len/ dann das bereit gefellet ist *Mathei xxi. malos male per
det er vineam suam locabit alijs agricolis qui reddant ei*

Matheus

fructum temporibus suis.

Von dem ehelichen wesen

Jch hab oben (da Luter den Bapst beschuldiget wie er die Ehe/ vnzlicher weys zerreyße) vor heissen/ hienidē etwas weyter zu handeln von Luters Buchlin dz er vō dem Ehelichen wesen geschriben/ vnn̄d an zu zeigen das Luter die Ehe mher zerreyße dān der Bapst/ Wiewol ich nu izo nit zeyt hab dz selbig Buchlin gar zu repetirn/ so will ich doch meynen zu sag gnug thon/ vnd beweyßen das des Bapsts gesetz vnd dispensirn dem Ehelichen stand nit so vorleglich/ als Luters falsche ler/ dān alles dz der Bapst an stat vnd von wegen der Christenlichen Kirchen zu reformirung Besserung/ Bequemheit/ nothdurfft/ vnd ehn̄ des Ehelichen standes gesetzt/ vorordnet/ gebotten/ oder verbotten/ hat/ er als Jus posituum/ gut fug vnn̄d macht/ zu dispensirn oder nach gelegenheit der zeyt/ Person vnd stat widerumb gar auff zu heben/ vnd zu voraus die verbotten sipt oder glid/ wolche an allen zweyffel die Christenliche Kirch auff eynggebung des heiligen geistes/ also vorordnet hat/ dān solte die Ehe durch die ganze Christenheit so gar frey vnn̄d weyt lewfftig belibenn seyn/ als sie im anfang zu mherung des menschlichen geschlechts bey den Juden gewest/ so wer vngezweyffelt vorlangst ein vnleidenliche gedrengnis vnd menig der menschen auff erden worden/ dieweyl ouch izo bey den verbotten sipten vnd so vil geistlicher lewt die weder weyß noch kinder haben/ vnser so vil ist das schier eyner den andern fressen will/ vnd wo man eins bedarff gehē an die stat gefunden werdē/ wie wolt es dān ein ding werden/ wann alle mēner weyßer/ vnn̄d alle Frawen mēner nhemē/ oder wie In der alten Ehe ein man zwey drey od vier Weyßer hetten/ darumb so gloub ich gētzlich/ das diese ordnung/ der Christenlichen Kirchen vō got eyn gegeist sey damit die gedrengnis da von Christus saget Luce xxi. vorzogen wurd bis auff die zu nahung des iungstē tages Das aber der Bapst mit ezhlichē einzeln Personen in disem

P

oder andern fellen dispensirt / vñ gelt darumb nempt / mag
er (wo er das zu notturfft vnd nutz der gemeynen Christē
heit als izo den Bodisern Hungern oder Poln zu stewart vñ
hiff wider die vnglewigen auß spendet / mit gutten gewis
sen wol nhemen / vñnd geschicht denen die wider das vor
Bot der Kirchen ire frundin in vorbotten sipten freyen / od
mit inen dispensirn lassen / nit vnrecht / gleych wie dem Pa
triarchen Jacob auch nit vnrecht geschach / do er sich an
Lya nit benuegen lassen sonder Rachel dar zu habē wolt /
Das er noch sibē iar darumb dienen must Gene . xxix dann
genesch will schleg / das ist Buß vnd straff haben . Wolcher
wolte nu nit lieber gehen / zwoeynzig / oder ein reycher ouch
hundert guldin vmb ein d dispensation geben dann sibē iar
ein knecht seyn / vñnd daneben die fhar ouch bestehen / das
im die brawt oder er selber in der zeyt / mit tod ab ghen vnd
die sach gar zu wasser werden mocht / Derhalbē wo Luter
ein from man wer / oder ein from hertz in seynem leychnam
so hette er dise ding all / die er dem Babst zumist / gleych
so wol zum besten / als zum ergesten derwte konnen / Cum
in dubijs meliorem semper partem sequi debeamus / Wie
ouch das gemeyne sprich wort lawt / der ist weyß vnd wol
geleert / der alle ding zum besten fert /

Aber das ist der vnderschied / vnder des Babsts vñ Luters
ler / das der Babst allenthalb ein guten scheyn / grund vnd
ursach angeigt / Warumb er dz oder ihens thut oder nach
last. Wie will aber Luter das vorantwurtē / oder was gu
tes kan daran seyn / das er offentlichē leret / wölle die Fraw
nit / so soll der man die Meid komen heissen / dann wie kan
ein Weyß altzeyt so bald geschickt oder bereyt seyn / hat sie
nit zum offtern mal ir naturlich recht vnd frantzheit / auß
wolcher / wo sie sich der selben zeyt zu dem man legte / nich
zit dann auß sezige kinder mit rotem har vñ ander gebrech
en geboren werden / Wie Plutarchus de liberis educandis
Aristotiles Albertus vnd ander naturlich meister geschri
ben haben / Soll der man hie so bald zu der meyd louffen /
vnd nit ein kleyne weyl paciētz haben : Dergleychen so dz

Weyß in der kindt Beth oder sechs wuchē ligt / In wolchem
fall ouch die vnvorunnffige thier auß natürlichem einfluss
einander vorschonen Also sollen ouch die Ehelewt an heil
ligen tagen oder rechten / vnd zuuor auß zu zeyten des ge
bets vnd der heiligen ampter sich Ehelicher werck enthal
ten vnd ein ander meiden. Wie inen der heilig Paulus gebot
ten hat / darumb so ist das ein Kezerisch vnd vnChristen
liche zerreyßung der heiligen Ehe das ein man dem seyn
Weyß nit alzeyt zu willen seyn kan so bald die meid ruffen
vnd mit der selbigen zu schaffen haben mog.

Paulus
1 cor. vij

Wir gleycher durst vñ freuel erlewt Luter egliche die vor
hin weyß oder manner haben sich mit ein ander zu vorhern
teren / vnd also einer frauen zwen Ehemenner / oder einem
man zwey Ehe weyber zu haben / Gibt in bueß vnd sigel
daruber dadurch der Ehelich stand orst recht zerrissen vñ
voracht wirt / Ob aber des Papssts od Luters bueß mher
bey got gelten oder angesehen werden / mag man auß dem
abnehmen das der Papsst seyn macht von got hat zu bin
den vnd zu losen / so sich Luter diser gewalt freuelich an
maß vnd in die nyemants beuolhen hat

Zu dem So hat Luter noch gar vil vnchristenlicher lug in
in seynem buch von dem Ehelichen wesen eyngemēget / die
ich hie nit alle efern kan als namlich das er sagt als wenig
als es in deynes macht stehet / das du keyn man seyest / also
wenig stehet es in deiner macht on ein weyß zu seyn / Item
das er den rat Christi der vns zu der Lewsheit gerattē hat
vorlougnet / auß dem rat ein schrecken machen will / vnd
spricht kurtzlich alles was ein man ist muß ein weyß habē
vnd was ein weyß ist muß ein man haben Item das er
spricht wie diese sach nörriger sey denn essen vnd trincken
fegen vnd auß werffen / schlaffen vnd wachen dann gar vil
frommer lewt seyn / die wann sie sust Brot im hawß hetten
diser Bueberey wol vor gessen wurden. Item das er spricht
es stehe nit an vnserem freyen willen ein weyß zu nehmen
sonder muessen dz thon auß dem gebot gottes Gene: 1 cres

Creare et multiplicamini wiewol er im dis ords ouch contrari vnd widerwertig dann ein mal sagt er dz dis ein gebot sey / dz ander mal sagt er wie es keyn gebot sonder ein geschafft vnd wirckung gottes sey / der gleych wie er man vnd Weyß geschaffen / also hab er ouch ir zuzamen fugung vnd mherung geschaffen / vnd inen eyngepflanzt das eins des andern nit geraten mog / Nu ist es wol war das got vmb der frucht / mherung / vnd enthaltung der welt willen / disem vnlust ouch ein lust vnd fleischlich begir angehanden / vñ eyngepflanzt hat es ist aber ein thierliche wollust hoc est animalis et non spiritalis / die nit aleyn den menschen / sonder ouch den vnuornunfftigen thieren angeborn / Diuweyl dā der mensch vber das thierisch wesen ouch ein geistlich wesen hat / das nach dem bild gottes geschaffen / damit er die thierische wollust dempfen / vnd der vornunfft nach leben soll / vnd also zweyerley schaffung vnd wirckung gottes in dem menschen befunden wirt / so stehet es in vnserm freyen willen zu der thierische oder geistliche schaffung zu ließen / vñ ist keyne gebotten / wiewol zu der eine mher dā zu der andern geraten wirt / Dann zu der geistlichen das ist zu reynikeit vnd kewscheit leybs vnd der selen / haben geratten Christus Paulus vnd alle alte Christenliche lerer vñ anbegynn der Kirchē / bis auff disen tag. Aber zu der thierischen raten aleyn die Ketzler / vnder wolchē Luter das banner furt / wiewol diser irrat ouch nit von noten wer. Dann

Gene. i. wir sust alle mher dem fleisch dann dem geist nach zu volgen willig vnd bereit seyn /

Gene. viij

Es ist ouch ein Ketzlerische slugin das keyn Monch vñnd Nonn wirdig sey eynem kindlin (wann es ouch gleych ein hurē kind wer wie Luter sagt) die windeln zu schwaschē zē Dann wiewol der Ehelich stand an im selber gotlich / loblich / vnd erlich ist / so ist er doch von Paulo vnd von Christo selber vil geringer geschetzt dann die Junckfrawschafft oder ouch der Witwen stand / wie Christus Mathei xvij Paulus 1 cor. vij / vns offenberlich gelert vnd vorstendiget haben / Dann gleych wie der Ehelich stand die erden /

Mathe⁹
Paulus

also mheret vnd erfüllet die Keyfcheit den hymel da bey ich
es auff dis mal bleyben laß/ dān Luters vil gemaltes buch
lin von dem Ehelichen weßenn/ so vol giftes/ Kezerische
ler vnd lugin steckt vnd raget/ das es mit kurzen worte nit
auff gericht werden mag/ sonder eyner eigē vorlegūg darff
die ich einem andern/ oder fulleycht mir selber/ wo mir got
gnad vnd lebtag dartzu vorleyhet vorbehalten haben will/

Von Luters Buchlin von
der heiligen Messe

Wann Luter Keyn ander Buch geschribenn hett/ dann das
von der Messe/ was es aleygnugsam zubeweyßē/ das er
des EntChristi vorlewerter wer/ Dann gleych wie Daniel
den Juden geprophezeit hat/ das ir Keych/ Priesterthūb/
vnd salbung nit zergehen/ bis der recht warhafftig Messi
as/ das ist Christus komen wurd Also hat er ouch vnns
Christen geweyßagt/ das dz teglich opfer der heiligē Mes
se nit auffhoren noch zergehen solt/ bis der EntChrist ko
men vnnnd die welt eyn end nhemenn wurd/ Danielis viij. Daniel
Wolches ouch der heilige Paul⁹ bezewiget Thess. ij/ nam- Paulus
lich das der EntChrist nit komen werd/ bis zuuor die ab-
tretung geschehe/ was/ aber das fur ein abtretung sey er
clert i Thimoth iij. vnd sagt zu der letzten zeit werde er
lich abtrettē oder abweychen von dem glauben. zu wolch
em Luter dem EntChrist izo dē weg bereit/ das er die hei
ligen Mess so gar vnChristenlich gehandelt/ gelestert/ vnd
vil ortē gar abgeworffen hat. Also/ das/ wo wir im all vol
geten/ vnd die Mess gar fallen ließen/ der EntChrist vnnnd
iungste tag/ von not wegen vorhanden seyn muessen. Dān
die propheten liegen nit/ vnd muessen ehe hymel vñ erd ze
gehen Ehe das ire wort/ die auß dem heiligen geist geschri
ben worden/ ir crafft vorließen. wie wol ich nu mit bestēdi
gem grund beweyßē mocht/ das die heilige mess/ dermassen
wie wir izo lesen/ von dem heiligen Jacobe/ vnnnd bey den
zeyten der Apostel den mheren teil also vorordnet vnnnd ge
gehalten worden. Noch dān dieweylein ander gut frund/
P iij

Daniel
Paulus

Joseph

dis Buchlin zu vordlegen furgenomen / vnd bereit zu Straßburg im truck ist / Will ich den andechtigē leser getrewlich vormannt haben / das selbig Buchlin / so bald es auß gehet / vleyssig zu vber lesen / Dann do wirt ein izlicher durch hundert vnd vier vnd sunzig stuck vnd artickel vngeserlich finden / wie felschlich / vortretterlich / vnd vnchristenlich Luter das ampt der heiligen Mess getadelt / vnd im den nhamē das es ein opfer heist vnd ist / abgebrochen hab /

Von der neuen ewangelischen secten

Wann man die Luteristhen fraget was sie gloubē / oder ob sie Christen oder Luteristen seyen / antwurtenn sie / sie seyen Ewangelisch / welches wo sie das von Luters Ewangelio reden / fulleycht war seyn mag / dann gleych wie dasselbig ein Ewangelium / also seyn sie ouch Ewangelisch / wo sie aber das von vnserm Ewangelio vorstehen wollen / so von der Christenliche Kirchen bewert vnd angenomen / so reymen sich ire wort weys vnnnd werck gegen dem selbigen / vnnnd komen mit ein ander vber ein / gleych wie weys vnnnd schwarz / feur vnd wasser / tag vnd nacht / das liecht vnd die finsternes dann gar wenig guter Botschafft / oder guter namer gezeitten von inen gehort oder verkundet wirt. vnd seyn ir gar vil / die gemelte Ewangelien / nye gantz auß gehalten / ich geschweyge gar gehalten haben / vnd volget nit ob sie gleych eyn stuck oder zwey daran vorbracht hetten / das sie darumb Ewangelisch seyen / dieweyl der andern die sie nit gehalten / zu hundert maln mher seyn vnnnd ein schwalb nit den Lenz macht. Im fall aber das sie das gleych gar gehalten hetten / noch sollen sie sich des nit romen noch sich selber fur Ewangelisch / sond fur arme vnuge diener zelen / wie vns Christus leret / so ir alles das vorbracht hab / das euch geboten ist / noch solt ir sprechen wir seyn vnuge diener / zu dem dieweyl die heiligen Apostel allen gelewbigem aleyn eyn namen gegeben / vnd sie nach Christo Christē genent haben / damit eyn volck and eyn nhamen wer aller derē die an Christum glouben / vnd in Christo getrewst worden

Lucy xij.

*J. f. v. p. h. m. 1. 2.
M. h. m.
V. d. i. f. f. B. 1.
7. 9. 10.*

seyen/so thond die (die sich des nhamens schemen vnd sich
selber mit mher Christen sonder Ewangelisch nennē) nicht **Petrus**
gibt anderst/dann das sie/wie Petrus obē gesagt / Christū
vorleugnen / vnd eyn newe sect auffrichten wollen von **Paulus**
wolchem ouch Paulus saget Gall. v. das alle die soliche
secten oder parthey vnd trennung machen/oder denen an-
hängen/das reich gotes nit besizen werden/ Derhalben so
soll ein izlicher der in der eynikeit der Christenlichen Kirch
en erfunden werden will/sich an dem benuegen lassen / das
er ein Christen mensch heist vnd ist / vnd im bey vorlust der
ewigen selikeit keyn andern nawen nhamen geben lassenn/
Dann alle nawe nhamen/titel/vnd vocabel/bey der Chris-
tenlichen Kirchen vordachtig/argkwenisch / vnd vorbot-
ten seyn/zuvor auß die do zu nichtzit dienen/dann zu vns
eynikeit/zwittracht/Parthey/sect/vnd trennüg des Chris-
tenlichen volcks/vnd gemeynen Frides /

Von dem Betel

Luter hat eglich vberredt/das sie die armē Betler abgethā/
vnd sie irer alten freyhet beroubt haben/dan von alter her
appellirn vnd beteln yderman frey vñ erlewbt gewest. Das
er nu sagt/man sol nyemant vnder den Christen beteln las-
sen/hat er keyn bestendigen grund / weder auß der schrift/
noch auß der/practick oder vbung Dann vō Christus ge-
zeyten bis auff disen tag allwegen betler vnd armer lewt
genug gewest/wie vns Christus geprophezeyet hat paupe **Mat. xxvi**
tes . n. semper vobiscum habebitis. vnd das zum teil vmb
ir selber/zum teil vmb der reychen willen/die sust nit vil gu-
tes thon/das sie den hymel an den selben armen lewten vor-
dinen vnd vmb sie keroffen mogen / wie Christus saget Lu **Lucas**
c. xvi. Machet euch frund vō dem gut d Bosheit auff das
sie euch (wann irs bedorffen werdet) auffnhemenn/ in die
ewigen tabernakel. Derhalben zuormuten/das Luter di-
senn rat wol so getrewlich geneynt hab als der fromme **Joannis**
Judas/da er murmelt/man solt die salb vorkerofft vnd dz **ij**
gelt armen lewten geben habenn/Dann wiewol er der sach **ij**

Von dem gemeinen Fasten

ein guten scheyn gemacht / vnd beuolhen ein Fasten auffzu
richten / dareyn yederman legen solt was er armen lewte ge
ben wolt / das man sie da von erhalten mocht / So ist doch
die lüßantz heimlich vber die Priester gegangen / das man
ein vrsach het den selben ire zins zunehmen / vnd sie zu di
sem thon gebrauchten auff wolchen schlag / Luter ouch dē
Priestern geraten / Weyber zunehmen / das man dester bes
ser vrsach het / inen ire zins zu wegern vnd sie an den flegel
zuweyßen / des sie ouch wol wirdig / alle die Weybergen
men haben . Mit was fug oder recht man aber eynem das
seyn nhemē / vñ eym andern / gebē mög / hab ich in dem Ewā
gelio noch nit gelesen / so seyn ouch solich vnd dergleychen
Fasten / ouch nit Ewangelißch . Dann Christus spricht nit
leg deyn aemusen in eyn Fasten das yederman sehe / sonder
vorberge das in die schoß des armen Mathei vi . Itē brich
vnd trayche dem hungerigen deyn Brot / Esaie lvij . Dann
man den armen nit aleyne mit gelt sonder ouch mit ein stuck
Brots oder mit ein trück wasser den hymel abkewffen mag
Mathei xxv . Zum andern so seyn gemelte Fasten ein gros
se vorhinderung der werck der Barmhertzigkeit / die vns got
im Ewangelio gebotten hat / Dann wie man spricht / auß
den ougen auß dem synn / also können wir der betler durff
tigkeit leychtlich vorgessen / wann sie vns nit teglich vor dē
ougen vmb gehē / ia es bewegt mich keyn holziner stoß od
eysinner Fast / so bald zu Barmhertzigkeit / od gelt dareyn zu
legen / als wann ich eyn armen durfftigen mensche vor mir
sihe / der seyn not mit weynen vnd hewlen beclaget / seyn ge
brechen vnd elend ongescheynlich weyset / vnd mich done
ben vmb gotes willen bit vnd anrußet / Dann werck an eym
solichen was vorsagen / wann er gleych nu eynen pfennig
im bewtel het / Wā ich in aber nit sihe / so gedēck ich ouch
nit an in / vñ bleybē gar vil guter werck vnderlassen / durch
die den armen lewten geholffen / vnd vns der hymel bereit
werden möcht / zum dritten so ist es mislich vnd ferlich dz
sich die leyen an gemeltem Fasten gelt nit vorgreyffen / oder
all getrewlich damit handeln wurden / Diweyl ouch die
geistlichenn (wolchen die vorwaltung der armen lewt von

Matheus
Esaias :

Mathe⁹

Mat. xxv

Pampstheg

anfang bevolhen/vnd derhalb so vil gutes gestift vnd ge-
ben worden)ouch nie all getrewlich damit vmbgegangē.
Sonder iren ein teil/sich selber besackt/vnd der armen lewt
vorgeffen haben / wie sich Sant Paulus beclaget / dz man
gar selten ein getrewen auspender finden mag / **Hic iam in-** Paulus
ter dispensatores queritur vt fidelis quis inueniatur 1 cor.
iiij. Derhalb so ist meyns bedenckens das beste / mā laß
es in den alten löchern bleyben/vnd geb yedermā selber wz
er vormag/vnnd was in got ermanet/ oder darnach er die
not der armen vorhanden sihet / so weist er das es gegeben
ist vnd vordient als mer den lon selber als das er seyn sach
auff ander lewt stelt / do gleych wie mit den testamenten /
nyemant weist wie es nach aufgericht /od wo seyn gut hin
komen wirt. Das man aber die streycher die starck vnd ge-
sund seyn/vnd vor grosser fawltkeit beteln gehn / Dartzu al-
le schalckheit vnd bosheit anrichten / Item ezliche halb al-
te Weyßer/die den lewten noch wol dinē oder sich mit spyn-
nen ereneren können/das beteln verbietet / vnnd sie zwingen
zu arbeiten/hat Doctor Hemerlin lang von geschriben/vñ
wer wol von noeten das in eyner izlichen stat alle betler be-
sichtiget vnd bezeichet wurden / damit man wußt wer des
bettels notturfftig vnd wem man geben oder nit geben solt
daruber halt es ein yeder wie er will /

Von dem Antechrist

Das der Papst nit der rechte Antechrist sey von dem die
Propheten vnnd Apostel geschriben haben / wie ine Luter
in all seyn Buchern felschlich bezuchtiget/mogen wir auß
dem abnhemē / das Luter gleych wie der rewfel aleyn was
im diner auß der schrift furbringet/vnd das ander das wi
der in/dahinden laßt/dann also do der rewfel Christo riet/
er solte sich von dem tempel hinab lassē /allegirt er im ouch
ein stell auß der schrift / wie in die enngel auß irem henden
tragen würdē psal. lxxxv. Aber die andern stell do geschri-
ben stehet/non tentabis dominum deum tuum du solt got
deyn hern nit vorsuchenn / die ließ er in der feder / Gleycher

Math. iij

David
Deut. vlt

Daniel

Joannes

Daniel

Paulus

weyß thut Luter mit dem Bapst / dān woz er auß d̄ schrifft
auff in reymen kan / das thut er / got geb es reym sich oder
nicht / felscht vnd vorkert dartzu den Propheten vnd apost
eln ire schrifft wolches ein sund ist in heiligenn geist / dann
wie der heilige Augustinus spricht / so thut der vil ein gro-
sere sund der den Propheten ir schrifft felschet / denn der ein
Prophetē leybeiniger / Luter schweyget aber das d̄ er Prop
het Daniel vō dem rechten AntChrist geprophezeyt hat /
wie er in das Judische land kōmen / das cynnhemer vñnd
seyn tabernackel bey apheduo das ist bey Emaus auffrich
tenn werd / eiusdem vñdecimo . Wolches noch bis her von
keynem Bapst erfahren ist. Also schweygt er ouch dz der rech
te AntChrist sich fur der Juden Messias aufgebenn / die
Christenheit vorvolgē vñ die zwen geschickē Enoch vñd
Heliam in der heiligen stat Jerusalem ertodten vñd vnbe-
graben ligen lassenn wirt Apoca . xi . wolches ye von den
Bepsten noch zur tzeit ouch nit geschehen ist / Nher schw
eygt er das des rechten AntChristis reych / nach dem er ge-
waltiglich anhebt zu regirn / nit lenger dān vierdhalb Jar
werenn wirt / Danielis septimo . So dann der Bepst regi-
ment nu tauwet vñd erzlich hundert Jar gestanden / wie k̄
dann Luter sagen dz der Bapst der AntChrist sey / zu vor-
an so d̄ Bapst / die Priesterschaft / die heilige Mess / Sacra
ment vñd was vnsern glauben antrifft hanthabet vñ schu
tzet / Wolches alles der AntChrist anfechten / abthō / tilc
ken / vñd die Christen von irem glauben / cerimonien / Mess
vñd Sacramenten / eintz weder durch gelt vñd gute wort /
oder durch peyn vñd marter / abschrecken wirt / wie Daniel
vñnd Joannes in Apoca . an vil orten geweyssagt haben.
Darumb so ist es gar ein tewfelische lugin / Blasphemirig
vñd lesterung / das der Bapst der AntChrist sey / dann wie
wol ein yeder der ein sundlich lebē furt / er sey Bapst / Bisc
hoff oder Bader / ein glid des AntChristis genent werdent
mag wie Paulus sagt ij . Thess ij . Jam enim mysterium
iniquitatis operatur So wirt doch der rechte AntChrist
orft am End der welt warhafftiglich kōmen / vñnd als alle
Christenliche Doctores sagen auß dem geschlecht dann ge

Som

Vorn werden / Darumb dasselbig geschlecht Apoca. viij. vn
der den andern nit genent ist / vnd wie Christus vñ dem hei-
ligen geist empfangen / also wirt er ouch von der stund seyn-
ner empfangnis von dem tewfel besessen worden / durch
welchen er all seyn sachen außrichten wirt wie Paulus be-
zewoget ij. Thess. ij. cuius aduentus est secundum operati-
onē Sathane vnd Danielis xi. vbi dicitur q̄ adorabit Mo-
azin et deum quem ignorauerūt Patres eius ꝛc. Auf wolch
em allem öffentlich erscheynet / mit was Bestendikeit oder
guten grund der vnvorschempte Monch die heiligē Bepst
mit dem EntChrist beruchiget hab / Ja wolte Got das
vns armē Christen des EntChristis zu küfft nit erschreck-
enlicher oder schwerer seyn wurd / dann vns der Bapst bis
her gewest / Es wirt aber leyder anderst zu gehen / vn̄ auß
dem schimpff / eyn grausamer ernst werden /

Joannes

Paulus

Daniel

Von der aller heiligsten Junckfrawen
vnd Mutter gottes Maria

Gleich wie Luter die erden mit gezenc / z witracht vnd ha-
der erfüllet hat / also vnder stehet der haderhafftige Monch
igo auch im hymel gremschafft vnd vneynikeit an zu rich-
ten / zwischen Mutter vnd Son / vnd vns zu vberreden dz
Christus ein vordrieff haben / oder seyner gebenedeiten Mu-
ter der Ehren nit gonnen solt / die er von den andechtigen
mensche zu gemessen wirt / in wolchem er sich abermaln vñ
der Christenlichen Kirchen / vnd dē alten heiligen Vetern
abwendet / die all eyntrechtiglichen stymmen vnnd sagen /
wann gleich alles lawß vnd gras auff erden / eytel zungē
waren / noch mochten sie ir lob vnd breys nit geugsam auß-
sprechen / Diweyl aber Luters zung nit zu lobē / sonder zu-
schendenn geneigt ist / hat er diser aller Erherwürdigsten
Junckfrawen iungst in eynem sermon (den er zu Witten-
Berg am tag irer geburt öffentlich geprediget) ouch nit vor-
schonet / vnd sie in vil stucken groblich vorkleinet / ir den ti-
tel / das ist vnser fur sprecherin bey got / oder vnser hoffnüg-
Salueregina genent wirt / ab gebrochen / vnd sich freuē

24

lich geröubt/ wie er gleych so heilig als sie/ Wolches ich im
dann glauben wolt/ wann er ouch so demutig wer als sie/
diuweyl aber Maria in iren ougen ganz kleyne vñ demutig
gewest Luce primo : quia respexit dominus humilitatē an-
cille sue vnd aber Luter bey im selber so groß vnd stolz/ das
er seynes geleychen in der welt nit weyßt/ vnd nicht aleyne
die lebenden/ sonder ouch die alt in got vorschidenn heilige
Vater vnd hochgelerten menner voracht vñd vrspricht/
so ist es gar eyn lügenhaffte vngereympte gleychnis/ das er
sich diser Junckfrawen in tuget oder heilikeyt vorgleychē
will/ vñd ist zwischen im vnd ir gar keyn Proporz oder
gleychnis / dann das gleych wie Maria von dem heiligen
geist erfult/ vnd volgenaden gewest/ also ist er von dem bo-
sen geyst besessen / vñd voller Bosheit wie er sich newlich
Beclaget hat/ wann er in seyn Kamer kom/ so sey sie voller bo-
ser geist/ Wolche im ouch vngeweyßelt eyngegebē abē/
das Marie Junckfrewlich schloß/ in irer geburt geoffet vñ
vorruckt worden seyn solt / wider den Prophetē Esaiam d̄
do sagt das sie nit aleyne ein Junckfraw emphahen/ sonder
ouch gebern solt Ecce Virgo concipiet et pariet zc Itē wi-
der den Prophetenn Ezechielem der do sagt wie die pfort /
durch die er den herrn aleyne het sehen auß vñd eyngehen
ewiglich beschlossen seyn vñ nimmer mher geoffnet wurd/
Item wider den glauben der ganzen Christenlichen Kirch
en/ vñ sonderlich wider den artickel geborn auß Maria der
Junckfrawen Also gibt ouch nyemant dann der Bofse geist
Lutern eyn/ dz er die Epistel vñ Ewangeliē (so die Chris-
tenliche Kirch in dem ampt der heiligen Mess/ der heiligen
Junckfrawen Mariē zu gelegt/ vñd vmb des heimlichen
vorstandes willen auff sie vorordnet hat) tadelt vñ spricht
wie die Epistel dominus possedit me nicht von ir sonder vñ
der ewigen weyßheyt Item das Ewangeliū an ir hymel
fart ouch nit von ir sonder vñ Maria Magdalena geschri-
ben sey zc. gleich als ob die schrifft keyn andern vorstand
het/ dann den der buchstab außwendig anzeiget/ so doch d̄
heilig geist/ wie ich in meynen Quadruplica clerlich ange-
zeigt hab/ der Christenlichen Kirchen vierley glaub wirdi-

Luce. 1

*Nö bair &
spruch hader*

Esaiē vij

Ezec. 44

*In Epistola In die
natiuitatis
In die
In die
In die*

ge vnd notturfftige dewtung oder auflegung der schrifft
geoffenbart hat/vn zuvor auß dz so in dem buch der weyß
heit vnd canticorum geschriben ist / nicht allenthalben vñ
dem hewpt Christo sonder zu weylen ouch von dem gan-
zen corper/das ist von der ganzē Christenlichen Kirchen
vnd daneben ouch von eyner.izlichen Christenlichen seel/
als einer eyngeln gespons vnd gemahel des Brewtigamß
Christi vorstanden werden mag/ Ich geschweyge das vil
stell in gemelten vnd andern bucher seyn / die auff nyemant
anders dann auff mariam gedewt werden mögen/quis.n.
ad Christum referret hoc quod dicitur dominus creauit me
ab initio zc Cū Christ⁹ nō creata sed increata sit sapiētia / 2

Von dem Kalb zu Freyberg

Der halben so ist Luter gleych recht angeloffen dz er die ges-
tadelt vñ geschmehet hat/die eyn zerstorerin ist aller Ketzerey/
dann so bald er sich des vnderstanden/hat/sich die na-
tur gewappet disen schmach zu rechen/vnd wider iren ge-
meyner louff/ auß eym Kalb ein Monch geborn lassen wer-
den / nicht aleyn zu Freyberg in Meyssen sonder ouch zu
Landtspurg in Sachsen (wolche beide land er am aller mei-
sten vorgiffret) da mit der Monch widerumb geschendt/
vnd vns durch disen grewel vnd wunder werck der natur
(die nicht vorgebens thut) angezeigt wurde / was er im
schilt furte/vnd was wir von im halten solten /

Wiewol nuß vorstockte Monch wol weist dz gemelt Kalb
nyemant dann in vnd seyne anhangenden außgelouffen
Monch antrifft. Noch hat er das ouch auff die andern fro-
men geistlichen lewt die ir Profes vnd regel getrewlich hal-
ten/durch seyn Jungst fastnacht buchlin/dewten vnd legē
wollen So doch dergleychen selzame vñ vnnaturlich zeic-
hen/von anbegyn/allweg die bosē vnd nit die fromen be-
dewt haben/vnd seyn nerrische falsche dewtūg / nicht ist
dann der alte Zhanhewser / von dem gloubē vñ den werck-
en/des wir lang satt/vnd nit von notē wer/ so offt zu repe

2 iij

2. 11. 17
Luther

Paulus

tirn/dann wo seyn meynung ist/das die werck on dē glou-
Ben nichtzeit wert seyn / mag er das den Turcken oder Hey-
den sagen/die ire werck thon aufferhalb des gloubens vnd
mit vns Christen/die im glouben geboren vnd erzogē seyn/
Meynt er aber das die werck gar vorgebens/vnd aleynd der
Blosse gloub nit aleynd die vorgangen/sonder auch die nach
volgenden funde alle vbertrage/vnd wir frey darauff boch-
en oder sunden mogen/So ist vnser gloub nit ein gloub der
gerechtheit/sonder ein weg vnd anreizung zu d vngerech-
theit/vnd mogen alle die aleynd den glouben habē frey dar-
auff sunden/ Ehebreechen/steln/rouben/morden/dann inē
aleynd der gloub dz alles abnhemet vñ sie selig macht / Das
ist aber nit die ler Christi sond des tewfels / nit Sāt Pauls
sonder Luters . Dān Sant Paul spricht das alle so dise vñ
ander sund treyben/das reych gotes nit besitzen werdenn /
Gal. v. vnd Zi. 1. spächter das Christus nit komen sey/
vns durch seyn glouben die sund frey zu erlewbe sonder ist
zukunfftig zeyt zuuor bieten apparuit enim gratiam dei et
saluatoris nostri erudiens nos vt abnegantes omnem im-
pietatem et secularia desideria sobrie iuste et pie vivamus in
hoc seculo / zu tewsch die gnad gotes vñ vnser Behalters
ist erschinen/vnd hat vns gelet abzustellen alles das wid
got ist / vnnd allen wollust diser welt/das wir nuchter/ge-
recht / vnnd gotlich leben sollen in diser welt . Hec Paulus
Sust wo vns aleynd der Blosse gloub selig machte / wir lebte
wie wir woltenn / in tuget oder vntuget / wer der Christen
gloub / vnuornunfftiger vnd vordampfer dān keyns Turc-
ken / Judenn / oder Heidenn gloub ymmer seyn mocht / Bey
wolchen allen die vntuget gestrafft / vnnd die tuget gelobt
vnd gebreyt wirt / auß wolchem abermaln offentlich er-
scheynet / wie vnuornunfftiglich d Monch in diser seyner
Bewtung gefelbert hab .

Damit aber meniglich vorstehn mog / die recht warhafftige
Bedeutung des obgenantē kelberischen Monches / oder
Monchisten Kalbes ist zu wissen Das gleych wie got den
Juden entschafft / ires Keychs / schlayffung ir stat / vnnd

dz Elend damit sie nu bey anderhalb tauſet Jarē geplagt/
vnd vmbgebē ſeyn ein lange zeyt zuuor geſagt/ ſie vorwar-
net/ vñ mit inen geredt hat / durch zeichen/ wüderwerck/
pflagen/ Propheten vnd zulest ouch durch ſeyn eingeborn
Son Jeſum Chriſtum Heb. 1. Also hat er vnns Chriſten **Paulus**
ouch diſen fal des gloubens durch falſche lerer vnd Prop-
heten/ wie wir izo vor augen ſehen / zuuorgeſagt / durch
die heiligen Apoſtel wie oben gnugsam gehort vnd gehan-
delt iſt. Ja er hat vnns ouch durch Methodium/ Bri-
gittam/ Eliſabetham/ vñnd ander heilige lewt/ ſonderlich
geoffenbart/ das es ein Monch ſeyn wurd/ der das Ban-
yeren/ vnd vns im glouben irr machen wurd/ Wie dān eyn
Monch vorlangenn Jaren offentlich in ein buch getrucke
vnd vns zu getrewer warnung angezeygt worden iſt/ Die
weyl es aber beider/ alles/ bey vns voracht/ vnd wir gleych
wie die vorſtockten Juden/ ſo gar blind ſeyn/ dz wir Bar-
rabam/ das iſt/ den rechtſchuldigen loß geben/ vnd Chriſ-
tum/ das iſt die andern vnſchuldigen geiſtlichen all Crew-
zigen wollen. vnd was Luter thut/ ſingt/ oder ſagt/ alles
Evangelisch alles heilig ſeyn muß. Was aber die andern
fromen lewt (die iren ſtand vnd Profes nach Chriſtenlich
erordnung moglichs vleys getrewlich halten) reden oder
ſchreyben/ alles/ vorſpott/ vornicht/ vnd vorvolget wirt/
So hat vns got izo durch diſ wunderzeichenn noch cler-
licher anzeigen wollen/ Das ſeyn Prophecey vñnd weyſſa-
gung nit auff die fromen Monch/ ſonder auff die Boſen ge-
lawt hat/ Wolches vns bedewt das die Rapp oder Mon-
chs Kleid angemeltem Kalb/ nit ganz ſonder zerſtuckt vnd
zerriſſenn gewest / Dann gleych wie ein ganz gut Kleid be-
dewt ganze vollkomene gute werck vñnd tugeten. also be-
dewt ein Boß zerhadert Kleid/ Boſe werck vñ vntuget / wie
mā bey dem merckē mag d zu hochzeyt gieng/ in eym zer-
riſſen Kleid/ vnd derhalben mit henden vnd ſieſſen gebundē
vnd in die außwēdigē finſterniß geworffē ward Mat. xxij. Matheus

Das aber das Monchiſche Kleid nit an eynem ſchaff/ zige
oder annder thier/ ſonder ſo eben an eym Kalb gewachſſen

ist/bedewt das dis Kalb ouch nit alle Bofse Monch/ sond
aleyn/die anzeigen/ deren handel/ werck/ rat/ vnnnd that/
sich mit des Kalbs alten handlung vorgleychet. Wān wir
nu der sach vleyssig nachtrachten/ so befinden wir auß ge-
gen wertigen lewfften vnnnd erfahrung diser vnser gezeitten/
Das gleych W.e die Juden etwan durch ein Kalb welches
sie angebetet vnd im geopfert haben/vorfurt worden/vnd
wider got vnd iren alten glauben gesundiget habenn/ Also
werden wir Christen/vnnnd zuuor wir tewtschen izo ouch
vō dem Kelberischē Monch Luter vñ seyner gesellschaft/
schendlich im glauben vorfurt/vnd erzornen got schwer-
lich das wir disem Monch mher glauben Dann im vnd all
seynen heiligen/die doch vmb vnsern altenn glauben all ge-
storben vnd darinn selig worden seyn/das wir noch in Lu-
ters glauben von Keynem nye erfahren haben.

*no lude zur grot
hierobams E
vintet em*

Das aber des Judischen Kalbs vnnnd Luters sach/gleych
ein ding sey/vnd fast ein anfang hab/so lesen wir iij. Reg.
xij. Wie Hieroboam dem volck Israhel vorbot das sie nit
mher auffsteygen solten in dē tempel gen Jerusalem/nach
ir opfer dahin bringen/sonder doheymen bleyben/vnd ließ
inen derhalben machen zwey guldine Kelber/die sie anbeten
vnd inen opfern solten/Wolchen er sonderliche altar auff-
richtet/vnd sprach das seyn deyne goet **G** Israhel die dich
auß Egyptē gefurt habē/ zu dem so machet er sich selber/
vnd ander leyen (die nit auß dem Priesterlichen stam Levi
geborn waren) zu Priestern/vnd vorwenet also dz nerrische
volck/das sie die selben fur rechte Priester hielten/irē got vñ
alten glauben vorliessen/vnnnd diser abgoterey anhiengen/
zu irem grossen schaden vnd vorderben/dann sie kurz dar-
nach mit Kelber/Priester/altar vnd opfer/all vorbrent/er-
wreckt/erschlagen vnd erstochen warden/ Tu sehet ir libē
Christen ob nit Luter Hierobams gesell/vnnnd noch vil er-
ger dann Hieroboam sey/dan er vns nit aleyn vorberwt die
Hewptkirchen zu Rom heym zu suchen/oder vns mit vn-
serm opfer dahin zugelobē/sonder ouch die andern Chris-
tenlichen Kirchen/Altar/Mess/Priester/vnd opfer/sampt

den heiligen Sacramenten/ Vnnd so Hieroboam nit mher
dann ezlich einzel personen auß den leyhen zu Priester ge-
macht/ will Luter alle leyen/ darzu man vnnd Weyber zu
Priester haben/ damit er ioch vnsern alten glauben gar vmb
ker/ vnd vns seyn Pictardischen glauben bey bringen mög
Was sollen wir vns dann weiter vorsehē/ dān das es vns
wo wir so nerrisch das wir im glauben/ oder folgenn) zu
lest ouch gleych ergehenn wirt wie es den Judenn mit irem
Kalb ergangen/ vnd ein soliche Pflag vnd straff vber vns
komen das Kind im Mutter leyb engelten werdenn mueß/
da vor vns Got gnediglich behuten woll/

Also habt ir die rechten waren Dewtung dis iungst gefallē
Monchischen Kalbes/ oder Kelberischen Monches/ die
Luter wol vorstanden/ aber hie keyn Prophet hat seyn wol-
len/ dieweyl die sach in belangt/ so/ er doch lust yederman
Propheetisirn vnnd weyssagen will/

Das aber der Kelber zwey eins zu Freyberg vnnd eins zu
Landesperg (welches nit ein Pfaffen sonder ouch eyne
Monch'enlich gewest) ist/ ein gewisse anzeigung/ dz meyn-
dewtung vnd gleychnis von Hieroboams Kelbern (derē
wie gehort ouch zwey gewest) bestendig / Got wol das dz
ein Kalb/ nit noch ein andern abtrynnigē Monch bedewt
der Lutern noch ouch zu fallen/ vñ im seyn sach orst recht
vorsigeln helffen werd/ Dann es fast all zu mal nit Apost-
eln/ sonder apostaten seyn/ die die Kirchen izo reformirenn
wollenn. Wer aber der Ochse zu disem Kelbern gewest von
dem sie (dem alten spruchwort nach A boue maiore discit
arare minor) solich freuel durst vñ Eicheit gesogē habē/ heist
mich Plato izo still schweygen/ Sich mag aber die Kirch
mit Dauid wol beclagen Circumdederunt me Vituli mul-
tiet thauri pingues obsederunt me/ zu tewtst. Mich habē
vmgeben vil Kelber vnnd die fetten Ochssen haben mich
umblagert Psalmo xxi/

Dem allem na: h so erman/ flehe/ vnnd sit ich euch zur lez
B

*In iam reformatores
sunt ecclesie No
postulatio - M
P. In Epistola. Postquam de
sunt canonice regula
In dicit alij qui in dicit te
ord. s. h. habund. ad pl
V. In Epistola. In dicit
In dicit. Ord. mit l. h.
C. In dicit. In dicit. In dicit
Ord. s. In dicit. In dicit
In dicit. In dicit. In dicit
In dicit. In dicit. In dicit
In dicit. In dicit. In dicit
In dicit. In dicit. In dicit
In dicit. In dicit. In dicit*

Thomas / Iohanni
Empyri ad hanc
Christum
In ...

vnd end dis Buchlins noch ein mal Dir werden Zewtsche
vnd fromen alten Christen / vmb das bitter leyden Christi
willen das ir bey dem glauben ewer eldern vhest stehen / vñ
euch disen nawen Hieroboam in keyn weg vorfuren lassen
wolt. Dann all seyn anschlag darauff geht / dz er euch vñ
ewere Kinder von disen zweyen Christenlichen erzrugeten /
namlich von ewerm alten glauben / vñ von dem gehorsam
ewer oberkeit ab wenden mocht / wie er bereit ein michel teil
an sich gehangen / vnd iren naturlichen herren abgezogen
hat. Wolches got vngestraft nit bleyben lassen wirt / Dan
in der gotlichen warheit so ist keyn gewisser zeichenn des
Jungsten tages vnd aller der grossen Pflagen vñnd straff
die got / nach meynung der heiligen Apostel zu den letsten
gerzeyten vber die welt senden wirt / Dann die abweychung
von vnserm lang herkomen glauben / vnd dem Romischen
gehorsam. Wie ich oben auß Daniele vnd Paulo clerlich be
weyft / vñnd die heiligen veter vber das wortlin discessio ij
Thess. ij. alle yntrechtlich bezewgen. Darnach sich ein
yeder richten mag / dann ehe das die / so izo (Luters Beger
nach) auffrumor / Einbringung / vñnd ungluck gedencken
iren mutwillen vorbringen / wirt inē die straff vber dē hals
komen. vnd got seyn ernst also erzeigen / das sie wollen sol
ten sie weren nye geboren / worden /

Wiewoles nu (leider got erbarmes) offentlig am tag dz
dz arm volck beyderseyt mercklich geergert vñ verursacht
wirt. von der geistlichen Bos exempel oder leben an einem /
Vnd von der Keger falschen ler am andern teile. So ist vns
doch tauwet mal nuzer / die geistlichen leren vns recht / vñ
leben gleych fur sich selber wie sie wollen. Dann dz sie ertich
ten scheyn eins guten lebens furgebē. vnd vns mit falscher
ler daneben / vorfurten / wie die Keger thon / die vns mit
irer ler nit aleynergern / sonder ouch listiglich betriegen vñ
vorfuren. Das mercke aleyner bey dem Die Keger bilden dem
volck eyn man soll dē geistliche / Papst / Bischouen / Pfaf
fen vnd Monchen weder opfer / zins decem noch ander ge
rechtikeit mher geben / vñnd dartzu nhemen was sie haben

Lieber warumb ratten sie das? Sie können freylich wol be-
dencken / Wann die Priester nicht mher haben solten / dz
sie ouch nit mher betten / Predigen / Sacrament reichen / vnd
ander sachen so irem ampt zustendig / vnd dem Christens-
lichen volck / zur selikeit vonn noten / aufwarten konden /
Dān wer kan des heilige grabes vmbfust hiertē? Der ist nit
ein izlicher arbeiter wie Christ⁹ sagt / würdig seynes lones.
Wie möchten aber die Keger ein subtilern weg erdacht ha-
ben die Christenheit zu tilcken / Dann das Priester / Mess /
Kirchen Altar / Sacrament vnd alle Christenliche vbung
gestort vnd ab gethan / dadurch vns aller trost vnd hoff-
nung vnser selikeit entzogen wurd. vnd darnach ein izlich
er lebte wie er selber wolt / vnd wolcher was mochte / den an-
dern in sack stieffe Aber das nerrische volck weist / nit an-
derst dann wann sie aleynd die Priester vorvolgen vnd vor-
treiben / so sey es alles auß gericht. Vnd gedēck nit wie ein
ellender iamer es vmb sie werdenn wurd / Wann der Keger
anschlag ein furgang hett / vnd sie der Priester Mess / Altar /
Sacrament vnd ander ceremonien vnser heiligen gloubēs
Beroubt / vnd als die vor irren schaff weyßloß vnder ein an-
der vmbgehn wurden / wie denn Juden geschehen / vnd
vns got ouch gedrewet hat wo wir seyne vorordnetē diner
vorachten vnd den falschen Propheten volgē werden. wie
oben gnugsam erzelt ist.

Derhalben Dir fromen tewtschē / gedencke an dise getrewe
vorwarnung. vnd danck got das er euch die hat lassen zu
kommen / Dann zu besorgen das ich vnd annder / die euch
die warheit gern berichten vnd vorschaden vorwarnē wol-
ten / eintweder durch naturlichen abgang oder vorvolgūg
v̄ Luterischē darā verhideret / vñ ir ein zeyt lāg wernig geter
ewr lerer mher findē werdet / Dān ich wol weyß / was anfec-
htūg Drow vñ ferlicheit ich alein bis her vmb diser sach wil
lē erlittē hab / ouch v̄ denē die vorhin meyne bestē frund ge-
west / Doch wie dem allē bin ich ir keinē grā hab ouch ir key-
nē nye leides noch arges gethā / v̄ gleychē ermane ich euch
all / dz ir keyn gram noch neyd zu inen tragē / Dān wolcher

A ij

*Quo herentis subdit
Chastano tu
propatione*

Luce 12

**Joannes
Matheus** seyn Bruder neydt / der ist ein todschlaer vorgot i. Joāns
ij. vnd schuldig des gerichtes Mathei. v. zu dem so werdē
iren der mhertheil auß vnwissenheit / das sie die sach bis her
nit recht vorstanden / vorfurt vnd betrogen / Die ungezwey
uelte wo sie mit der zeyt d̄ warheit recht vnderriecht / die hād
wider von Lutern obzihen werden. Das aber ir vnd sie / vñ
alle die mit falscher ler nit vorgiffte werdē wolle / sich Luters
Bucher meydē / ist gar meyn getrewer rat. Dān ob er gleych
was gutes zu weylen vnder gemenger / so ist doch des giff-
tes so vil / das es das gut toedt vnd außlescht / vñ hilfft ein
dieb nicht zit das er vil gutes gethann / Dann er gleych wol
hangē muß. Wie Judam ouch nit geholffen hat / das vns
seyn vorretrey gut / oder zum besten erschossen ist / dann die
weyl seyn meynung böß geweest / muß er gleych wol ewig-
lich vorlorn seyn /

Zu demit will ich euch dem allmechtigen / getrewlich beuols-
hen vnd doneben vleyssig gebetten haben / meyn als eins ar-
men sunders widerumb in ewern andechtigē gebet nit zu
vorgessen / Dann ich keyn ander belonūg vmb meyn mhue
vnd arbeit / zu hoffen hab / dann das furbit aller gotsforch-
tigen / vnd beschlies dis Buchlin also mit / der heiligē Chris-
tenlichen Kirchen bettende / *Participem me fac deus omni-
um timentium te et custodientium mādata tua* / Got mache
mich teilhafftig aller die dich forchtē vñ deyne gebot haltē
Amen .

Beschlus red an Keiserliche Maiestat

Auß obgeschribem Buchlin / wirt deyn R. M. D. Aller
Durchlawchtigster Konig vnd Kayser Karole wol erkun-
den / wie wir tewtschen auß Luters falscher ler / freuel / vñ
durstikeit / durch einander vormanget / vnd nicht aleyn vñ
vnserm alten glouben Sonder ouch von deynem vñ allem
Christenlichen gehorsam abgefurt werdenn / also das alle
stend Wancken vnd guttern / vñ vns deyn zu kunfft nicht
weniger von noeten. Dān die ougē dem leyß. oder die Son-
dem erdtboden. Der allmechtig ewig got woll vns deyn

frowliche widerfart mit gnaden bescherē/ des alle getrewe
 vnderthan des heiligen reichs nit weniger begerig dān not
 turfftig seyn / Hiemit ich mich deynes Keiserlichen durch-
 lewchtheit/ widerumb vndertheniglich beuolhen thue/ Da-
 tum vt in litteris supra /

Ein kurz summarium der artickel so in disem buchlin gehā
 delt vnd begriffen werden .

Vorred vnd vrsach/ was den schreyber zu disem buchleyn
 bewegt hab . A i

Entschuldigung vnd vorlegung ezlicher argument / die
 man dem schreyber fur werffen mocht A ij

Luters clag wider Bapst vnd Bischoff B i

Zweynzig gewisse zeichen / do bey man ein falschen Ec-
 clesiasten (als Luter ist) erkennen mag B iij

Von der zweyer Apostel schrift vnd denen so das volck zu
 den letzen gezeyten vofuren werden . D iij

Das eym menschen möglich sey Kewscheit zu halten G ij

Von Balaam vnd seynem rat / G iij

Vrsach warumb Luter selber dā Balaam sey / G iij

Von Menschen ler / H ij

Von den zehen gebotten vñ orstlich von dem orstē J ij

Von den Monchs Rappen vnd Kleidern / K i

Von Milch / Eyr / Fleisch / Buter / K i

Von singen vnd Orgeln / K ij

Von dem Reuchen / K ij

Von dem Lewten / K ij

Von Feyren / K ij

Von dem Aplas / K ij

Von der Bischoff tugetē die inē Luter zuschreybt / R iij

Von der orstē tuget des Bapsts vñ der Bischoff / R iij

Von der andern tuget der Bischoff / L i

Von der dritten tuget / L iij

Von der vierden tuget / L iij

D. Luters Bulla vnd Reformation / L iij

Emfers Breue wider Luters Bullen M ij

Von der funffte tuget des Bapsts vñ d Bischoff M iij

A iij

Von den gelubden der geistlichen Closterlerot/	M	iiij
Von den Priestern vnd irem Weyßnhemen/	D	iiij
Von dem Ehelichen Wesen/	P	i
Von Luters Buchlin von der heiligen Messe	P	iiij
Von der neuen Ewangelistischen secten/	P	iiij
Von dem Betel/	P	iiij
Von dem AntiChrist/	A	i
Von der aller heiligstenn Junckfrawen vnd muter gots Maria/	A	iiij
Von dem Kalb zu Freyberg/	A	iiij
Beschlus red an R. M.	R	iiij

Correctur in etlichen worden die im setzen vbersehen wort
de seyn. die andern wirt eyn iglicher vornufftiger leser wol
selber vormercken wolch zu corrigiren sey.

In titul fur Emser. lise Emfers A. allerdurchleuchtigis
tem A. i. wu zugeschoben stet lise zugeschriben A. 3. fur
irer lise ire A. 3. fur seyner lise eyner A. 3. fur aley n lise all
eyn A. 3. am endt des blazs fur eben. lise leben A. 4. fur
denenenn lise denenn B. 1. fur d Bapsts lise des Bapst
B. i. wirt sich erögen lise B. 2. fur ench lise ouch B. 2
fur Hezer lise Kezer B. 2. geortert B. 2. auffwickē B.
3. am hinder deill des blazs lise zu den schaffen vnd nit
zu den falschen B. 4. lise sorte diuisit eis terrā B. 4. eyn
dringen lise C. 2. fur sie am ruck des Blatliese sich C. 3.
fur kussen ließ kussen D. 1. fur falchē ließ falschen D. 2. fur
bo ließ wo D. 3. facectijs lise D. 4. fur wie. wir E. z lise
also werden E. 4. fur ertickt ließ erticht F. 1. ließ die irē
verordneten G. 3. ließ so bald zerstoffen H. 1. ließ sich Lu
ter ebē fur sehen H. 2. in dorso folij ließ Canones gemacht
haben lesen mir Item fur perambulat. ließ perambulabat
H. 3. ließ das selbig erkleren H. 4. fur sie die menschen ließ
sie menschen H. 4. in dorso folij ließ so munste er so oft L.
1. ließ hinfurte L. 2. fur Babst lise Bast. L. 3. in dorso.
loufftden holzweg M. 1. vnder die Banck lise M. 1. lise
Moses. M. 3. großsindt lise M. 3. anschreyben. N. 3
fur indulgentiam lise indulgentiam N. 4. hesen lise he-

fen: D. z. ließe Esaie .lvi für Esaie lxi p. 1. für hiff liße
hilff p. z. für angehanden ließe angehangen p. z. liß in
des orts selber.

Gedruckt zu Leypzgedruech Martinum Herbi-
polensens M. D. vnd xxiij Jar



Faint, illegible text at the top of the page, possibly bleed-through from the reverse side.

Second line of faint, illegible text.





die
J



77 L 1052

X2123587





Wider den fall
 chgenäten Ecclesiasten / vñ war
 haßtigen Erzkezer Martinum
 Luter Emser getrawe vñ nawe vorwarnung mit bestendi
 ger vorlegung auß bewerter / vñ canonischer schriftte



Tetraſticon Emſeri

Si pro Martino Marium quis dixerit : errat
 Nomine : re quadrat : ſeuus uterq; / minax :
 Hoſtis uterq; patrum vehemens : popularis uterq;
 Audax / et promptus / ſeditioſus / atrox .

